

桓

寬撰

鹽

鐵

論

世界書局印行

# 鹽鐵論序

鹽鐵論十卷。凡六十篇。漢廬江太守丞汝南桓寬次公撰。按鹽鐵之議起昭帝之始元中。詔問賢良文學。皆對願罷郡國鹽鐵。與御史大夫桑弘羊相詰難。而鹽鐵卒不果罷。至宣帝時。寬推衍增廣成一家言。其書在宋嘗有板刻。歷歲既久。寢以失傳。人亦少有知者。新淦涂君知江陰之明年。令行禁止。百廢俱興。新民之暇。手校是書。仍損俸刻之。使學者獲見古人文字之全。而其究治亂。抑貨利以裨國家之政者。蓋不但可行之當時。而又可施之後世。此則涂君刻書之意也。涂君名禎。字寶賢。予同年進士。吳郡都穆。

禎游學宮時。得漢廬江太守丞汝南桓寬次公所著鹽鐵論讀之。愛其辭博。其論覈。可以施之天下國家。非空言也。惜所鈔紙墨歲久漫漶。或不能句。有遺恨焉。適者江陰始得宋嘉泰壬戌刻本於薦紳家。如獲拱璧。因命工刻梓。嘉興四方大夫士共之。弘治辛酉十月朔日新淦涂禎識。

# 目錄

本議第一	一	毀學第十八	二〇
力耕第二	二	褒賢第十九	二一
通有第三	三	相刺第二十	二三
錯幣第四	五	殊路第二十一	二四
禁耕第五	六	頌賢第二十二	二五
復古第六	六	遵道第二十三	二六
非缺第七	八	論誅第二十四	二七
晁錯第八	九	孝養第二十五	二八
刺權第九	一〇	刺議第二十六	二九
刺復第十	一一	利議第二十七	三〇
論儒第十一	一二	國疾第二十八	三一
憂邊第十二	一三	散不足第二十九	三二
園池第十三	一四	救匱第三十	三五
輕重第十四	一五	鹽鐵箴石第三十一	三六
未通第十五	一六	除狹第三十二	三六
地廣第十六	一八	疾貪第三十三	三七
貧富第十七	一九	後刑第三十四	三八
		授時第三十五	三八
		水旱第三十六	三九

崇禮第三十七	四〇	申韓第五十六	五七
備胡第三十八	四一	周秦第五十七	五八
執務第三十九	四二	諸聖第五十八	五九
能言第四十	四三	大論第五十九	六一
鹽鐵取下第四十一	四三	雜論第六十	六二
擊之第四十二	四四		
結和第四十三	四五		
誅秦第四十四	四六		
伐功第四十五	四七		
西域第四十六	四七		
世務第四十七	四八		
和親第四十八	四九		
繇役第四十九	五〇		
險固第五十	五一		
論勇第五十一	五二		
論功第五十二	五三		
論鄒第五十三	五四		
論舊第五十四	五四		
刑德第五十五	五六		

# 鹽鐵論

漢桓寬撰

## 本議第一

維始元六年有詔書使丞相御史與所舉賢良文學詣問民間所疾苦文學對曰竊聞治人之道防淫佚之原廣道德之端抑未利而闢仁義毋示以利然後教化可興而風俗可移也今郡國有鹽鐵酒榷均輸與民爭利散敦厚之機成貪鄙之化是以百姓就本者寡趨末者衆夫文繁則質衰末盛則本虧末修則民怨民怨則財用足民修則飢寒生願罷鹽鐵酒榷均輸所以進本退末廣利農業便也大夫曰匈奴背叛不臣數爲寇暴於邊鄙備之則勞中國之士不備則侵盜不止先帝哀邊人之久患苦爲虜所係獲也故修障塞勤烽燧屯戍以備之邊用度不足故興鹽鐵設酒榷置均輸善貨長財以佐助邊費今議者欲罷之內空府庫之藏外乏執備之用使備塞乘城之士飢寒於邊將何以贍之罷之不便也文學曰孔子曰有國有家者不患寡而患不均不患貧而患不安故天子不言多少諸侯不言利害大夫不言得喪畜仁義以風之廣德行以懷之是以近者親附而遠者悅服故善克者不戰善戰者不師善師者不陣修之於廟堂而折衝還師王者行仁政無敵於天下惡用費哉大夫曰匈奴桀黠擅恣入塞犯厲中國殺伐郡縣朔方都尉甚悖逆不軌宜誅討之日久矣陛下垂大惠哀元元之未贍不忍暴士大夫於原野縱然被堅執銳有北面復匈奴之志又欲罷鹽鐵均輸憂邊用損武略無憂邊之心於其義未便也文學曰古者貴以德而賤用兵孔子曰遠人不服則修文德以來之既來之則安之今廢道德而任兵革興師而伐之屯戍而備之暴兵露師以支久長轉輸糧食無已使邊境之士飢寒於外百姓勞苦於內立鹽鐵始張利官以給之非長策也故以罷之爲便也大夫曰古之立國家者開本末之途通有無之用市朝以一其求致士民聚萬貨農商工師各得所欲交易而退易曰通其變使民不倦故工不出則農用乖商不出則寶貨絕農用乏則穀不殖寶貨絕則財用匱故鹽鐵均輸所以通委財而調緩急罷之不便也文學曰夫導民以德則民歸厚示民以利則民俗薄俗薄則背義而趨利趨利則百姓交於道而接於市老子曰貧國若有餘非多財

也。嗜慾衆而民躁也。是以王者崇本退末。以禮義防民。欲實菽粟貨財市。商不通無用之物。工不作無用之器。故商所以通鬱滯。工所以備器械。非治國之本務也。大夫曰。管子云。國有沃野之饒而民不足於食者。器械不備也。有山海之貨而民不足於財者。商工不備也。隨蜀之丹漆旄羽。荆揚之皮革骨象。江南之梓梓竹箭。燕齊之魚鹽旃裘。充豫之漆絲絳紵。養生送終之具也。待商而通。待工而成。故聖人作爲舟楫之用。以通川谷。服牛駕馬。以達陵陸。致遠窮深。所以交庶物而便百姓。是以先帝建鐵官以贍農用。開均輸以足民財。鹽鐵均輸。萬民所戴仰而取給者。罷之不便也。文學曰。國有沃野之饒而民不足於食者。工商盛而本業荒也。有山海之貨而民不足於財者。不務民用而淫巧衆也。故川源不能實漏卮。山海不能贍饌。是以盤庚萃居。舜藏黃金。高帝禁商賈不得仕宦。所以遏貪鄙之俗。而醇至誠之風也。排困市井。防塞利門。而民猶爲非也。況上之爲利乎。傳曰。諸侯好利則大夫鄙。大夫鄙則士貪。士貪則庶人盜。是開利孔。爲民罪梯也。大夫曰。往者郡國諸侯。各以其物貢輸。往來煩雜。物多苦惡。或不償其費。故郡置輸官以相給運。而便遠方之貢。故曰均輸。開委府于京。以籠貨物。賤即買。貴則賣。是以縣官不失寶。商賈無所買利。故曰平準。平準則民不失職。均輸則民齊勞逸。故平準均輸。所以平萬物而便百姓。非開利孔。爲民罪梯者也。文學曰。古者之賦稅於民也。因其所工。不求所拙。農人納其獲。女工効其功。今釋其所有。賣其所無。百姓賤賣貨物。以便上求。閭者。郡國或令民作布絮。吏留難與之爲市。吏之所入。非獨齊陶之繒。蜀漢之布也。亦民間之所爲耳。行姦賣平。農民重苦。女工再稅。未見輸之均也。縣官猥發。闔門擅市。則萬物並收。萬物並收。則物騰蹶。騰蹶則商賈倖利。自市則吏容姦豪。而富商積貨儲物。以待其急。輕買姦吏收賤以取貴。未見準之平也。蓋古之均輸。所以齊勞逸而便貢輸。非以爲利而買賣物也。

## 力耕第二

大夫曰。王者塞天財。禁關市。執準守時。以輕重御民。豐年歲登。則儲積以備乏絕。凶年惡歲。則行幣物。流有餘而調不足也。昔禹水湯旱。百姓匱乏。或相假以接衣食。禹以歷山之金。湯以歷山之銅。鑄幣以贍其民。而天下稱仁。往者財用不足。戰士或不得祿。而山東被災。齊趙大飢。賴均輸之畜。倉廩之積。戰士以奉飢民以賑。故均輸之物。

府庫之財。非所以買萬民而專幸兵師之用。亦所以賑困乏而備水旱之災也。文學曰。古者十一而稅。澤梁以時入而無禁。黎民咸被南畝而不失其務。故三年耕而餘一年之蓄。九年耕有三年之蓄。此禹湯所以備水旱而安百姓也。草萊不闢。田疇不治。雖擅山海之財。猶不能贍也。是以古者。尚力務本而種樹繁。躬耕趣時而衣食足。雖累凶年而人不病也。故衣食者民之本。稼穡者民之務也。二者修則國富而民安也。詩云。百室盈止。婦子寧止也。大夫曰。賢聖治家非一室。富國非一道。昔管仲以權譎霸。而范氏以強大亡。使治家養生必於農。則舜不既陶。而伊尹不爲庖。故善爲國者。天下之下我高。天下之輕我重。以未易其本。以虛蕩其寶。今山澤之財。均輸之藏。所以御輕重而役諸侯也。汝漢之金。織微之貢。所以誘外國而釣胡羌之寶也。夫中國一端之縵。得匈奴累金之物。而損敵國之用。是以羣驢駝。御尾入塞。驂騾馬。盡爲我畜。龜鼈狐貉。采旄文麗。充於內府。而璧玉珊瑚。瑠璃咸爲國之寶。是則外國之物。內流而利不外泄也。異物內流。則國用饒。利不外泄。則民用給矣。詩曰。百室盈止。婦子寧止。文學曰。古者商通物而不豫。工致牢而不僞。故君子耕稼田魚。其實一也。商則長詐。工則飾黠。內懷闕闕而心不忤。是以薄夫欺而敦夫薄。昔桀女樂充宮室。文繡衣裳。故伊尹高逝遊薄。而女樂終廢其國。今羣驢之用。不中牛馬之功。龜鼈旃屬。不益錦綺之寶。美玉珊瑚。出於昆山。珠璣犀象。出於桂林。此距漢萬有餘里。計耕桑之功。資財之費。是一物而售百倍。其價一也。一揖而中萬鍾之粟也。夫上好珍怪。則姪服下流。貴遠方之物。則貨財外充。是以王者不珍無用以節其民。不愛其貨以富其國。故理民之道。在於節用。尙本分土井田而已。大夫曰。自京師東西南北。歷山川。經郡國。諸殷富大都。無非街衢五通。商賈之所聚。萬物之所殖者。故聖人因天時。智者因地財。上士取諸人。中士勞其形。長沮桀溺。無百金之積。臧賡之徒。無猶頓之富。宛周齊魯。商徧天下。故乃萬賈之富。或累萬金。追利乘發之所致也。富國何必用本。農足民何必井田也。文學曰。洪水滔天而有禹之績。河水泛濫而有宣房之功。商紂暴虐而有孟津之謀。天下煩擾而有乘發之富。夫上古至治。民樸而貴本。安愉而寡求。當此之時。道路罕行。市朝生草。故耕不強者。無以充虛。織不強者。無以掩形。雖有湊會之要。陶室之術。無所施其巧。自古及今。不施而得報。不勞而有功者。未之有也。

## 通有第二

大夫曰。燕之涿薊。趙之邯鄲。魏之溫軹。韓之滎陽。齊之臨淄。楚之宛丘。鄭之陽翟。三川之二周。富冠海內。皆爲天下名都。非有助之耕其野而田其地者也。居五諸侯之衝。跨街衝之路也。故物豐者民衍。宅近市者家富。富在衝數。不在勞身。利在勢居。不在力耕也。文學曰。荆陽南有桂林之饒。內有江湖之利。左陵陽之金。右蜀漢之材。伐木而樹穀。播菜而播粟。火耕而水耨。地廣而饒財。然後蠶絲偷生。好衣甘食。雖白屋草廬。歌謳鼓琴。日給月單。朝歌暮威。趙中山。帶大河。纂四通。神衝當天下之蹊。商賈錯於路。諸侯交於道。然民淫好末。侈靡而不務本。田疇不脩。男女矜飾。家無斗筲。鳴琴在室。是以楚趙之民。均貧而寡富。宋衛韓梁。好本稼穡。編戶齊民。無不家衍人給。故利在自惜。不在勢居。街衢富在儉力。趣時不在歲司。羽鳩也。大夫曰。五行。東方木而丹章。有金銅之山。南方火而交趾。有大海之川。西方金而蜀隴。有各材之林。北方水而幽都。有積沙之地。此天地所以均有無而通萬物也。今吳越之竹。隋唐之材。不可勝用。而曹衛梁宋。采棺轉尸。江湖之魚。菜黃之鮓。不可勝食。而鄒魯周韓。藜藿蔬食。天地之利。無不贖。而山海之貨。無不富也。然百姓匱乏。財用不足。多寡不調。而天下財不散也。文學曰。古者采椽不斲。茅屋不翦。衣布褐。飯土飴。鑄金爲鉅。埴埴爲器。工不造奇巧。世不寶不可衣食之物。各安其居。樂其俗。甘其食。便其器。是以遠方之物不交。而昆山之玉不至。今世俗壞而競於淫靡。女極纖微。工極技巧。雕素樸而尚珍怪。鑽山石而求金銀。沒深淵。求珠璣。設機陷。求犀象。張網羅。求翡翠。求蠻貉之物。以眩中國。徒叩枵之貨。致之東海。交萬里之財。曠日費功。無益於用。是以揭夫匹婦。勞罷力屈。而衣食不足也。故王者禁盜利。節漏費。盜利禁則反本。漏費節則民用給。是以生無乏資。死無轉尸也。大夫曰。古者宮室有度。與服以庸。采椽茅茨。非先王之制也。君子節奢刺儉。儉則固。昔孫叔敖相楚。妻不衣帛。馬不秣粟。孔子曰。不可大儉極下。此蟋蟀所爲作也。管子曰。不飾宮室。則材木不可勝用。不充庖廚。則禽獸不損其壽。無味利則本業所出。無黷黷則女工不施。故工商梓匠。邦國之用。器械之備也。自古有之。非獨於此。弦高飯牛於周。五穀實車入秦。公輸子以規矩。歐冶以鑄鑄。語曰。百工居肆。以致其事。農商交易。以利其本。山居澤處。蓬蒿境境。財物流通。有以均之。是以多者不獨衍。少者不獨饑。若各居其處。食其食。則是橘柚不鬻。胸膺之鹽不出。旃罽不市。而吳唐之材。不用也。文學曰。孟子云。不違農時。穀不可勝食。蠶麻以時。布帛不可勝衣也。斧斤以時入。材木不可勝用。田漁以時。魚肉不可勝食。若則飾宮室。增臺榭。梓匠斲



巨爲小。以圖爲方。上成雲氣。下成山林。則材木不足用也。男子去本爲末。雖雕文刻鏤。以象禽獸。窮物究變。則穀不足食也。婦女飾微。治細以成文章。極伎盡巧。則絲布不足衣也。庖宰烹殺胎卵。煎炙齊和。窮極五味。則魚肉不足食也。當今世非患禽獸不損。材木不勝。患僭侈之無窮也。非患無府屬橘柚。患無挾盧糠糟也。

#### 錯幣第四

大夫曰。交幣通施。民事不及。物有所并也。計本量委。民有飢者。穀有所藏也。智者有百人之功。愚者不更本之事。人君不調民。有相妨之害也。此其所以或儲百年之餘。或不厭糟糠也。民大害則不可以祿使也。大彊則不可以威罰也。非散聚均利者不齊。故人主積其食。守其用。制其有餘。謂其不足。禁盜發。厄利塗。然後百姓可家。給人足也。文學曰。古者貴德而賤利。重義而輕財。三王之時。迭盛迭衰。衰則扶之。傾則定之。是以夏忠殷敬。周文。庠序之教。恭讓之禮。粲然可得而觀也。及其後。禮義弛崩。風俗滅息。故自食祿之君子。建於義而競於財。大小相吞。激轉相傾。此所以或儲百年之餘。或無以充虛蔽形也。古之仕者不稽。田者不漁。抱關擊柝。皆有常秩。不得兼利盡物。如此則愚智同功。不相傾也。詩云。彼有遺秉。此有滯穗。伊寡婦之利。言不盡物也。大夫曰。湯文繼衰。漢興乘弊。一質一文。非苟易常也。俗弊家法。非務變古也。亦所以救失扶衰也。故教與俗政。弊與世易。夏后以玄貝。周人以紫石。後世或金錢刀布。物極而衰。終始之運也。故山澤無征。則君臣同利。刀幣無禁。則姦貞並行。夫臣富相後下專利。則相傾也。文學曰。古者市朝而無刀幣。各以其所有易無抱布貿絲而已。後世卽有龜貝金錢。交施之也。幣數變而民滋僞。夫救僞以實。防失以禮。湯文繼衰。革法易化。而殷周道興。漢初乘弊而不改易。畜利變幣。欲以反本。是猶以煎止癯。以火止沸也。上好禮則民閒飾。上好貨則下死利也。大夫曰。文帝之時。縱民得鑄錢。冶鐵。煮鹽。吳王擅鄣海澤。鄧通專西山。山東姦猾。咸聚吳國。秦雍漢蜀。因鄧氏。吳鄧錢布天下。故有鑄錢之禁。禁禦之法。立而姦僞息。姦僞息。則民不期於妄得。而各務其職。不反本何爲。故統一則民不二也。幣由上則下不疑也。文學曰。往古幣衆財通而民變。其後稍去舊幣。更行白金龜龍。民多巧新幣。幣數易而民益疑。於是廢天下諸錢。而專命水衡三官作。吏近便利。或不中式。故有薄厚輕重。農人不習。物類比之。信故疑新。不知姦真。商賈以美買惡。以半易

倍。買則失實。賣則失理。其疑或滋益甚。夫鑄僞金錢以有法。而錢之善惡。無增損於政。擇錢則物稽滯。而用人尤被其苦。春秋曰。算不及鬻夷。則不行。故王者外不郭海澤。以便民用。內不禁刀幣。以通民施。

## 禁耕第五

大夫曰。家人有寶器。尚函匣而藏之。況人主之山海乎。夫權利之處。必在深山窮澤之中。非豪民不能通其利。異時鹽鐵未籠。布衣有胸郿。胸郿人吳王皆鹽鐵初議也。君有吳王。專山澤之饒。薄賦其民。賑贍窮小。以成私威。私威積而逆節之心作。夫不蚤絕其源。而愛其末。若決呂梁。沛然其所傷必多矣。太公曰。一家害百家。百家害諸侯。諸侯害天下。王法禁之。今放民於權利。罷鹽鐵。以資暴彊。遂其貪心。衆邪羣聚。私門成黨。則強禦日以不制。而并兼之徒。姦形成也。文學曰。民人藏於家。諸侯藏於國。天子藏於海內。故民人以垣牆爲藏。天子以四海爲匣。天子適諸侯。升自阼階。諸侯納管鑿。執策而聽命。示莫爲主也。是以王者不畜聚。下藏於民。遠浮利。務民之義。義禮立。則民化上。若是。雖湯武生存於世。無所容其慮。工商之事。歐冶之任。何姦之能成。三桓專魯。六卿分晉。不以鹽鐵。故權利深者。不在山海。在朝廷。一家害百家。在蕭牆。而不在胸郿也。大夫曰。山海有禁。而民不悞。貴賤有平。而民不疑。縣官設衡立準。人從所欲。雖使五尺童子。通市。莫之能欺。今罷去之。則豪民擅其用。而專其利。決市閭巷。高下在口吻。貴賤無常。端坐而民豪。是以豪強抑弱。而藏於陌也。彊養弱抑。則齊民消。若衆穢之盛。而害五穀。一家害百家。不在胸郿如何也。文學曰。山海者。財用之寶也。鐵器者。農夫之死生也。死生用則仇讎滅。仇讎滅則田野闢。田野闢而五穀熟。寶路開。則百姓贍。而民用給。民用給。則國富。國富而教之以禮。則行道有讓。而工商不相豫。人懷敦樸。以自相接。而莫相利。夫秦楚燕齊。士力不同。剛柔異勢。巨小之用。居局之宜。薰殊俗易。各有所便。縣官籠而一之。則鐵器失其宜。而農民失其便。器用不便。則農夫罷於墾。而草萊不辟。草萊不辟。則民困乏。故鹽冶之處。大傲皆依山川近鐵炭。其勢咸遠。而作劇。郡中卒踐更者。多不勘。責取庸代。縣邑或以戶口賦鐵。而賤平其準。良家以道次發。僦運。鹽鐵煩費。邑或以戶百姓痛苦之。懸竊見一官之傷千里。未覩其在胸郿也。

## 復古第六

大夫曰。故屬水都尉彭祖寧。歸言鹽鐵令品。令品甚明。卒徒衣食縣官。作鑄鐵器。給用甚衆。無妨於民。而吏或不  
夏。禁令不行。故民煩苦之。今意總一鹽錢。非獨爲利入也。將以建本抑末。離朋黨。禁淫侈。絕并兼之路也。古者名  
山大澤不以封。爲下之專利也。山海之利。廣澤之畜。天下之藏也。皆宜屬少府。陛下不私。以屬大司農。以佐助百  
姓。浮食豪民。好欲擅山海之貨。以致富業。役利細民。故沮事議者衆。鐵器兵刃。天下之大用也。非衆庶所宜事也。  
往者。豪強大家得管山海之利。采鐵石鼓鑄煮鹽。一家聚衆。或至千餘人。大抵盡收放流人民也。遠去鄉里。棄墳  
墓。依倚大家。聚深山窮澤之中。成姦僞之業。遂朋黨之權。其輕爲非亦大矣。今自廣進賢之途。綏擇守尉。不待去  
鹽鐵而安民也。文學曰。屬水都尉所言。當時之利權。一切之術也。不可以久行而傳世。此非明王所以君國子民  
之道也。詩云。哀哀爲猶。匪先民是程。匪大猶是經。維譴言是聽。此詩人刺不通於王道而善爲權利者。孝武皇帝  
攘九夷。平百越。師旅數起。糧食不足。故立田官。置錢入穀。狀官救急贍不給。今陛下繼大功之勤。養勞勸之民。此  
用蠶蠶之時。公卿宜思所以安集百姓。致利除害。輔明主以仁義。修潤洪業之道。明主即位以來。六年于茲。公卿  
無請減除不急之官。省罷機利之人。人權縣太久。民良望於上。陛下宣聖德。昭明光。令郡國賢良文學之士。乘傳  
詣公車。議五帝三王之道。六藝之風。冊陳安危利害之分。指意粲然。今公卿辯議。未有所定。此所謂守小節而遺  
大體。抱小利而忘大利者也。大夫曰。宇宙之內。驚雀不知天地之高也。坎井之蠶。不知江海之大。窮夫否婦。不知  
國家之慮。負荷之商。不知犄頓之富。先帝計外國之利。料胡越之兵。兵敵弱而易制。用力少而功大。故因勢變以  
主四夷。地濱山海以屬長城。北略河外。開路匈奴之鄉。功未卒。善。文王受命伐崇。作邑于豐。武王繼之。載尸以行。  
破商擒紂。遂成王業。曹沫棄三北之恥。而復侵地。管仲負當世之累。而立霸功。故志大者遺小。用權者離俗。有司  
思師望之計。遂先帝之業。志在絕胡貉。擒單于。故未遑扣肩之義。而錄拘儒之論。文學曰。驚雀離巢宇而有鷹隼  
之憂。坎井之蠶。離其居而有蛇鼠之患。況翔翔千仞而游四海乎。其禍必大矣。此李斯之所以折翼。而趙高沒淵  
也。聞文武受命。伐不義以安諸侯。大夫未聞弊諸夏以役夷狄也。昔秦常舉天下之力以事胡越。竭天下之財以  
牽其用。然衆不能舉。而以百萬之師。爲一夫之任。此天下共聞也。且數戰則民勞。久師則兵弊。此百姓所疾苦。而  
拘儒之所憂也。

非鞅第七

大夫曰。昔商君相秦也。內立法度。嚴刑罰。飭政教。姦僞無所容。外設百倍之利。收山澤之稅。國富民強。器械完飾。蓄積有餘。是以征敵伐國。壤地斥境。不賦百姓而師以贍。故用不竭而民不知。地盡西河而民不苦。鹽鐵之利。所以佐百姓之急。足軍旅之費。務蓄積以備乏絕。所給甚衆。有益於國。無害於人。百姓何苦爾。而文學何憂也。文學曰。蓋文帝之時。無鹽鐵之利而民富。今有之而百姓困乏。未見利之所利也。而見其害也。且利不從天來。不從地出。一取之民間。謂之百倍。此計之失者也。無異於愚人反裘而負薪。愛其毛。不知其皮盡也。夫李梅實多者。來年爲之衰。新穀熟者。舊穀爲之虧。自天地不能兩盈。而亢於人事乎。故利於彼者。必耗於此。猶陰陽之不並曜。晝夜之有長短也。商鞅峭法長利。秦人不聊生。相與哭孝公。吳起長兵攻取。楚人搔動。相與泣悼王。其後楚日以危。秦日以弱。故利蓄而怨積。地廣而禍構。惡在利用不竭而民不知。地盡西河而人不苦也。今商鞅之冊任於內。吳起之兵用於外。行者勤於路。居者匱於室。老母號泣。怨女歎息。文學雖欲無憂。其可得也。大夫曰。秦任商君。國以富強。其後卒并六國而成帝業。及二世之時。邪臣擅斷。公道不行。諸侯叛馳。宗廟隳亡。春秋曰。未嘗介祭仲亡也。夫善歌者使人續其聲。善作者使人紹其功。推車之蟬。授負子之教也。周道之成。周公之力也。雖有稗譏之草創。無子產之潤色。有文武之規矩。而無肩呂之鑿柄。則功業不成。今以趙高之亡秦。而非商鞅。猶以崇虎亂殷。而非伊尹也。文學曰。善鑿者建周而不疲。善基者致高而不蹙。伊尹以堯舜之道。爲殷國基。子孫紹位。百代不絕。商鞅以重刑峭法爲秦國基。故二世而奪。刑既嚴峻矣。又作爲相坐之法。造誹謗。增內刑。百姓齋栗。不知所措手足也。賦斂既煩數矣。又外禁山澤之原。內設百倍之利。民無所開說容言。崇利而簡義。高力而尙功。非不廣壤進地也。然猶人之病水。益水而疾深。知其爲秦。開帝業。不知其爲秦。致亡道也。狐刺之鑿。雖公輸子不能善其柄。畚土之基。雖良匠不能成其高。譬若秋蓬被霜。遭風則零落。雖有十子產如之何。故屠鵠不能肉白骨。微箕不能存亡國也。大夫曰。言之非難。行之爲難。故賢者處實而効功。亦非徒陳空文而已。昔商君明於開秦之術。假當世之權。爲秦致利成業。是以戰勝攻取。并近滅遠。乘燕趙。陵齊楚。諸侯歛衽。西面而向風。其後蒙恬征胡。斥地千里。踰之河北。

若壞朽折腐。何者。商君之遺謀。備飾素循也。故舉而有功。勳而有功。夫蓄積籌策。國家之所以強也。故弛廢而歸之。民未覩巨計而涉大道也。文學曰。商鞅之歸塞。非不行也。蒙恬却胡千里。非無功也。威震天下。非不強也。諸侯隨風西面。非不從也。然而皆秦之所以亡也。商鞅以權數危秦國。蒙恬以得千里亡秦社稷。此二者。知利而不知害。知進而不知退。故果身死而衆敗。此則謂懲胸之智。而愚人之計也。夫何大道之有。故曰。小人先合而後忤。初雖乘馬。卒必泣血。此之謂也。大夫曰。淑好之人。咸施之所妬也。賢知之士。聞韋之所惡也。是以上官大夫短屈原於頃襄公。伯寮趨子路於季孫。夫商君起布衣。自魏入秦。期年而相之。革法明教。而秦人大治。故兵動而割地。兵休而國富。孝公大說。封之於商安之地方五百里。功如丘山。名傳後世。世人不能爲。是以相與嫉其能而疵其功也。文學曰。君子進必以道。退不失義。高而勿矜。勞而不伐。位尊而行恭。功大而理順。故俗不疾其能。而世不妬其業。今商鞅棄道而用權。廢德而任力。峭法盛刑。以虐戾爲俗。欺舊交以爲功。刑公族以立威。無恩於百姓。無信於諸侯。人與之爲怨。家與之爲讎。雖以獲功見封。猶食毒肉。愉飽而罹其咎也。蘇秦合縱連橫。統理六國。業非不大也。桀紂與堯舜並稱。至今不亡。名非不長也。然非者不足貴。故事不苟多。名不苟傳也。大夫曰。竊素不能自分於繆墨。賢聖不能自理於亂世。是以箕子執囚。比干被刑。伍員相闔閭以羈。夫差不道。流而殺之。樂毅信功於燕。昭而見疑於惠王。人臣盡節以徇名。遭世主之不用。大夫種輔翼越王。爲之深謀。卒擒強吳。據有東夷。終賜屬饗而死。驕主背恩德。聽流說。不計其功故也。豈身之罪哉。文學曰。比干剖心。子胥騎夷。非輕犯君以危身。強諫以干名也。懼恒之忠誠。心動於內。忘患之禍發於外。志在匡君救民。故身死而不怨。君子能行。是不能禦非。雖在刑戮之中。非其罪也。是以比干死而殷人怨。子胥死而吳人恨。今秦怨毒商鞅之法。甚於私仇。故孝公卒之日。舉國而攻之。東西南北。莫可奔走。仰天而歎曰。嗟乎。爲政之弊。至於斯極也。卒車裂族夷。爲天下笑。斯人自殺。非人殺之也。

## 晁錯第八

大夫曰。春秋之法。君親無將。將而必誅。故臣罪莫重於弑君。子罪莫重於弑父。日者。淮南衡山修文學。招四方遊

士出東儒墨咸聚於江淮之間。譁議集論。著書數十篇。然卒於背義不臣。謀叛逆。誅及宗族。使晁錯變法易常。不用制度。迫蹙宗族。侵削諸侯。善臣不附。骨肉不親。吳楚積怨。新錯東市。以慰三軍之士。而謝諸侯。斯亦誰殺之乎。文學曰。孔子不飲盜泉之流。曾子不入勝母之間。名且惡之。而況爲不臣不子乎。是以孔子沐浴而朝。告之哀公。陳文子有馬十乘。棄而違之。傳曰。君子可貴可賤。可刑可殺。而不可使爲亂。若夫外飾其貌而內無其實。口誦其文而行不由其道。是盜固與盜。而不容於君子之域。春秋不以寡犯衆。誅絕之義有所止。不兼怨惡也。故舜之誅誅鮌。其舉皋陶。夫以瑱璜之珉而棄其璞。以一人之罪而棄其衆。則天下無笑實信士也。晁生言諸侯之地大富。則驕奢。急即合從。故因吳之過而削之。會稽因楚之罪而奪之。東海所以均輕重。分其權而爲萬世慮也。弦高誣於秦而信於鄭。晁生忠於漢而僞於諸侯。人臣各死其主。爲其國。用此解楊之所以厚於晉而薄於荆也。

### 刺權第九

大夫曰。今夫越之具區。楚之雲夢。宋之鉅野。齊之孟諸。有國之富而霸王之資也。人君統而守之則強。不禁則亡。齊以其腸胃予人家。強而不制。枝大而折幹。以專巨海之富。而擅漁鹽之利也。勢足以使衆。恩足以卹下。是以齊國內倍而外附。權移於臣。政墜於家。公室卑而田宗強。轉穀游海者。蓋三千乘。失之於本而末不可救。今山川海澤之原。非獨雲夢孟諸也。鼓金煮鹽。其勢必深。后幽谷。而人民所罕至。姦猾交通山海之際。恐生大姦。乘利驕溢。敦樸滋僞。則人之貴本者寡。大農鹽鐵丞咸陽孔僅等。上請願募民自給費。因縣官器煮鹽。予用以杜浮僞之路。由此觀之。令意所禁微。有司之慮亦遠矣。文學曰。有司之慮遠。而權家之利近。令意所禁微。有僞奢之道著。自利害之設。三業之起。貴人之家。雲行於塗。鼓擊於道。攘公法。申私利。跨山澤。擅官市。非特巨海魚鹽也。執國家之柄。以行海內。非特田常之勢。陪臣之權也。威重於大卿。富累於陶衛。輿服僭於王公。宮室盜於制度。并兼列宅。隔絕閭巷。園道錯連。足以游觀。鑿池曲道。足以騎驚。臨淵釣魚。放犬走兔。隆豺鼎力。躍鞠鬪雞。中山素女。撫流徵於堂上。鳴鼓巴俞。作於堂下。婦女被羅紈。婢妾曳絳紵。子孫連車列騎。田獵出入。尋弋捷捷。是以耕者釋耒而不勤。百姓冰釋而懈怠。何者。已爲之而彼取之。僞倭相効。上升而不息。此百姓所以滋僞而罕歸本也。大夫曰。官尊者祿

厚本美者枝茂故文王德而子孫封周公相而伯禽富水廣者魚大父母者子貴傳曰河海潤千里盛德及四海況之妻子乎故夫貴於朝妻貴於室嘗曰荀爽古之道也孟子曰王者與人同而如彼者居使然也居編戶之列而望卿相之子孫是以跛夫之欲及樓季也無錢而欲千金之寶不亦虛望哉文學曰禹禪自布衣思天下有不得其所者若己推而納之溝中故起而佐堯平治水土教民稼穡其自任天下如此其重也豈云食祿以養妻子而已乎夫食萬人之力者蒙其憂任其勞一人失職一官不治皆公卿之累也故君子之仕行其義非樂其勢也受祿以潤賢非私其利見賢不隱食祿不辜此公叔之所以爲文魏成子所以爲賢也故周德成而後封子孫不以爲黨周公功成而後受封天下不以爲貪今則不然親戚相推朋黨相舉父母於位子溢於內夫貴於朝妻謁行於外無周公之德而有其富無管仲之功而有其後故編戶跛夫而望疾步也

### 刺復第十

大夫曰爲色矜而心不憚曰但居者不知負載之勞從旁議者與當局者異憂方今爲天下腹居郡諸侯並臻中外未然心憧憧若涉大川遺風而未薄是以夙夜思念國家之用寢而忘寐飢而忘食計數不離於前萬事簡闊於心丞史器小不足與謀獨鬱大道思親文學若俟周邵而望子高御史案事郡國察廉舉賢才歲不乏也今賢良文學臻者六十餘人懷大藝之術騁意極論宜若闢光發蒙信往而乖於今道古而不合於世務意者不足以知士也將多飾文誣能以亂實邪何賢士之難親也自千乘倪寬以治尙書位冠九卿及所聞親選舉之士擢升贊憲甚顯然未見絕倫比而爲縣官與滯立功也文學曰輸子之制材木也正其規矩而鑿柄調師曠之諧五音也正其六律而宮商調當世之工匠不能調其鑿柄則政規矩不能協聲音則變舊律是以鑿柄刺戾而不合聲音泛越而不和夫舉規矩而知宜吹律而知變上也因循而不作以俟其人次也是以曹丞相日飲醇酒倪大夫開口不言故治大者不可以煩煩則亂治小者不可怠怠則廢春秋曰其政恢卓恢卓可以爲卿相其政察察可以爲匹夫夫維綱不張禮義不行公卿之憂也案上之文期會之事丞史之任也尙書曰俊乂在官百僚師師百工惟時庶尹允諧言官得其人人任其事故官治而不亂事起而不廢士守其職大夫理其位公卿總要執

凡而已。故任能者。責成而不勞。任己者。事廢而無功。桓公之於管仲。耳而目之。故君子勞於求賢。逸於用之。豈云殆哉。昔周公之相也。謙卑而不鄰。以勞天下之士。是以俊乂滿朝。賢智充門。孔子無爵位。以布衣從才士。七十有餘人。皆諸侯相卿之人也。况處三公之尊。以養天下之士哉。今以公卿之上位。爵祿之美。而不能致士。則未有進賢之道。堯之舉舜也。賓而妻之。桓公舉管仲也。賓而師之。以天子而妻匹夫。可謂親賢矣。以諸侯之師匹夫。可謂敬賓矣。是以賢者從之若流。歸之不疑。今當世在位者。既無燕昭之下士。虞鳴之樂賢。而行臧文子叔之意。蔽賢妬能。自高其智。譬人之才。足己而不問。卑士而不友。以位尚賢。以祿驕士。而求士之用亦難矣。大夫繆然不言。蓋賢良長歎息焉。御史進曰。太公相文武以王天下。管仲相桓公以霸諸侯。故賢者得位。猶龍得水。騰地游霧也。公孫丞相以春秋說先帝。遽即三公。處周邵之列。據萬里之勢。爲天下準繩。衣不重彩。食不兼味。以先天下。而無益於治。博士褚泰。徐偃等。承明詔。建節馳傳。巡省郡國。舉孝廉。勸元元。而流俗不改。招舉賢良。方正文學之士。超遷官爵。或至卿大夫。非燕昭之薦士。文王之廣賢也。然而未覩功業所成。殆非龍蛇之才。而鹿鳴之所樂賢也。文學曰。水炭不同器。日月不並明。管公孫弘之時。人主方設謀垂意於四夷。故權譎之謀進。荆楚之士用。將帥或至封侯食邑。而勉獲者。咸蒙厚賞。是以奮擊之士由此興。其後干戈不休。軍旅相望。甲士暴弊。縣官用不足。故設險與利之臣起。礪溪熊羆之士隱。涇淮造渠。以通漕運。東郭偃孔。僅建鹽鐵策。諸利富者。買爵販官。免刑除罪。公用彌多。而爲者徇私。上下無求。百姓不堪。抗弊而從法。故慚急之臣進。而見知廢格之法起。杜周咸宣之屬。以峻文決理。貴而王溫舒之徒。以鷹隼擊殺顯。其欲據仁義以道事君者寡。偷合取容者衆。獨以一公孫弘。如之何。

## 論儒篇第十一

御史曰。文學祖述仲尼。稱誦其德。以爲自古及今。未之有也。然孔子脩道奮衛之間。教化洙泗之上。弟子不爲變。當世不爲治。魯國之削滋甚。齊宣王褒儒尊學。孟軻淳于髡之徒。受上大夫之祿。不任職而論國事。蓋齊覆下先生。千有餘人。當此之時。非一公孫弘也。弱燕攻齊。長驅至臨淄。湣王遁逃。死於莒而不能救。王建禽於秦。與之俱虜而不能存。若此。儒者之安國尊君。未始有効也。文學曰。無鞭策。雖造父不能調羈馬。無世位。雖舜禹不能治萬



民。孔子曰：鳳鳥不至，河不出圖，吾已矣夫。故韜韜良馬，無以馳之。聖德仁義，無所施之。齊宣之時，不顯賢進士，國家富強，威行敵國，及湣王奢二世之餘烈，南舉楚淮，北并巨宋，苞十二國，西摧三晉，卻疆秦，五國莫從，鄒魯之君，泗上諸侯，皆入臣，矜功不休，百姓不堪。諸儒諫不從，各分散，慎到、捷子亡去，田駢如薛，而孫卿適楚，內無良臣，故諸侯合謀而伐之。王建聽流說，信反間，用后勝之計，不與諸侯從，親以亡國。爲秦所禽，不亦宜乎？御史曰：伊尹以割烹事湯，百里以飯牛要穆公，始爲苟合，信然與之。霸王如此，何言不從？何道不行？故商君以王道說孝公，不用，即以彊國之道，卒以就功。鄒子以儒術干世主，不用，即以變化始終之論，卒以顯名。故馬効千里，不必胡代，士貴成功，不必文辭。孟軻守舊術，不知世務，故困於梁宋。孔子能方不能圓，故軌于黎丘。今晚世之儒，勤德時有乏，匿言以爲非，因此不行。自周室以來，千有餘歲，獨有文武成康，如言必參一焉，取所不能及而稱之。猶璧者能言遠不能行也，聖人異塗同歸，或行或止，其趣一也。商君雖革法政教，志存於彊國利民，鄒子之作變化之術，亦歸於仁義，祭仲自貶損以行權，時也，故小枉大直。君子爲之，今經經然守一道，引尾生之意，即晉文之譎，諸侯以尊周室不足道，而管仲蒙恥辱以存亡，不足稱也。文學曰：伊尹之干湯，知聖主也，百里之歸秦，知明君也。二君之能知霸王，其冊素形，於已非暗，而以冥冥決事也。孔子曰：名不正則言不順，言不順則事不成，如何其苟合而以成霸王也？君子執德秉義而行，故進次必於是，顛沛必於是。孟子曰：居今之朝，不易其俗，而成千乘之勢，不能一朝居也。寧窮飢居於陋巷，安能變已而從俗化，闔廬殺僚，公子札去而之延陵，終身不入吳國，魯公殺子赤，叔既退而隱處，不食其祿，虧義得尊，枉道取容，効死不爲也。聞正道不行，釋事而退，未聞枉道以求容也。御史曰：論語：親於其身，爲不善者，君子不入也。有是言而行，不足從也。季氏爲無道，逐其君，奪其政，而冉求、仲由臣焉，禮男女不授，不交爵。孔子適衛，因嬖臣彌子瑕以見衛夫人，子路不說，子瑕佞臣也。夫子因之，非正也。男女不交，孔子見南子，非禮也。禮義由孔氏，且貶道以求容，惡在其釋事而退也。文學曰：天下不平，庶國不寧，明王之憂也。上無天子，下無方伯，天下煩亂，賢聖之憂也。是以堯憂洪水，伊尹憂民，管仲束縛，孔子周流，憂百姓之禍而欲安其危也。是以負鼎跖囚，拘匍匐以救之，故追亡者趨，拯溺者濡。今民陷溝壑，雖欲無濡，豈得已哉？御史默不對。

大夫曰。文學言天下不平。庶國不寧。明王之憂也。故王者之於天下。猶一室之中也。有一人不得其所。則謂之不樂。故民流沉溺而弗救。非惠君也。國家有難而不憂。非忠臣也。夫守節死難者。人臣之職也。衣食飢寒者。慈父之道也。今子弟遠於勞外。人主爲之風夜不寧。羣臣盡力畢議。冊滋國用。故少府丞令請建酒榷。以贍邊給戰士。拯救民於難也。爲人父兄者。豈可以已乎。內省衣食。以卹在外者。猶未足。今又欲罷諸用。減奉邊之費。未可爲慈父賢兄也。文學曰。周之季末。天子微弱。諸侯力政。故國君不安。謀臣奔馳。何者。敵國衆而社稷危也。今九州同域。天下一統。陛下優遊巖廊。覽羣臣極言。至內諭雅頌。外鳴和鑾。純德粲然。並於唐虞。功烈流於子孫。夫蠻貊之人。不食之地。何足以煩慮。而有戰國之憂哉。若陛下不棄。加之以德。施之以惠。北夷必內向。款塞自至。然後以爲胡制於外。臣卽匈奴殺齒。不食其所用矣。大夫曰。聖主思念中國之未寧。北邊之未安。故使廷尉評等。問人間所疾苦。拯卹貧賤。周贍不足。君臣所宣。明王之德。安寧內者。未得其紀。故問諸生。諸生議不干天。則入淵。乃欲以閭里之治。而況國家之大事。亦不幾矣。發於吠犬。出於窮巷。不知冰水之寒。若醉而新寢。殊不足與言也。文學曰。夫欲安民富國之道。在於反本。本立而道生。順天之理。因地之利。卽不勞而功成。夫不修其源而事其流。無本以統之。雖竭精神。盡思慮。無益於治。欲安之。適足以危之。欲救之。適足以敗之。夫治亂之端。在於本末而已。不至勞其心而道可得也。孔子曰。不通於論者。難於言治。道不同者。不相與謀。今公卿意有所倚。故文學之言。不可用也。大夫曰。吾聞爲人臣者。盡忠以順職。爲人子者。致孝以承業。君有非。則臣覆蓋之。父有非。則子匿逃之。故君薨。臣不變君之政。父沒。則子不改父之道也。春秋譏毀泉臺。爲其驕先祖之所爲。而揚君父之惡也。今鹽鐵均輸。所從來久矣。而欲罷之。得無害先帝之功。而妨聖主之德乎。有司倚於忠孝之路。是道殊而不同於文學之謀也。文學曰。明者因時而變。知者隨世而制。孔子曰。麻冕禮也。今也純儉。吾從衆。故聖人上賢不離古。順俗而不偏宜。魯定公序昭穆。順祖稱。昭公廢卿士。以省事節用。不可謂變祖之所爲。而改父之道也。二世充大阿房。以崇緒。趙高增累秦法。以廣威。而未可謂忘臣孝子也。

大夫曰。諸侯以國爲家。其憂在內。天子以八極爲境。其慮在外。故宇小者用非。功臣者用大。是以縣官開園池。繇山海。致利以助貢賦。脩溝渠。立諸農。廣田收。盛苑囿。太僕水衡少府大農。歲課諸入。田收之利。池鑿之假。及北邊置任。任田官以贍諸用。而猶未足。今欲罷之。絕其原。杜其流。上下俱殫。困乏之應也。雖好奢事節用。如之何其可也。文學曰。古者制地。足以養民。民足以承其上。千乘之國。百里之地。公侯伯子男。各充其求。贍其欲。秦兼萬國之地。有四海之富。而意不贍。非宇小而用非者。欲多而下不堪其求也。語曰。廚有腐肉。國有飢民。廢有肥馬。路有餓人。今狗馬之養。蟲獸之食。豈特腐肉秣馬之費哉。無用之官。不急之作。服姪後之變。無功而衣食縣官者衆。是以上不足而下困乏也。今不滅除其本。而欲贍其末。設機利。造田畜。與百姓爭薦草。與商賈爭市利。非所以明主德而相國家也。夫男耕女績。天下之大業也。故古者分地而處之。利田畝而事之。是以業無不食之地。國無乏作之民。今縣官之多張苑囿。公田池澤。公家有郭假之名。而利歸權家。三輔迫近於山河。地狹人衆。四方並臻。粟米薪菜。不能相贍。公田轉假。桑榆菜果不殖。地力不盡。愚以爲非先帝之開苑囿池籞。可賦歸之於民。縣官租稅而已。假稅殊名。其實一也。夫如是。匹夫之力。盡於南畝。匹婦之力。盡於麻枲。田野闢。麻枲治。則上下俱衍。何困乏之有矣。大夫默然。視其丞相御史。

#### 輕重第十四

御史進曰。昔太公封於營丘。辟草萊而居焉。地薄人少。於是通利末之道。極女工之巧。是以鄰國交於齊。財畜貨殖。世爲疆國。管仲相桓公。襲先君之業。行輕重之變。南服疆楚而霸諸侯。今大夫各修太公桓管之術。塹一鹽鐵。通山川之利。而萬物殖。是以縣官用饒足。民不困乏。本末並利。上下俱足。此籌計之所致。非獨耕桑農業也。文學曰。禮義者。國之基也。而權利者。政之殘也。孔子曰。能以禮讓爲國乎。何有。伊尹太公。以百里興其君。管仲專於桓公。以千乘之齊。而不能至於王。其所務非也。故功名壞壞而道不濟。嘗此之時。諸侯莫能以德而爭於公私。故以權相傾。今天下合爲一家。利末惡欲行。墜巧惡欲施。大夫君以心計策國用。構諸侯。參以酒榷。咸陽孔僅。增以鹽鐵。江充耕谷之等。各以鋒銳。言利末之事析秋毫。可爲無間矣。非特管仲設九府。徵山海也。然而國家衰耗。城郭

空虛。故非崇仁義。無以化民。非力本農。無以富邦也。御史曰。水有獭獺而池魚勞。國有強禦而齊民消。故茂林之下無豐草。大塊之間無美苗。夫理國之道。除穢鋤豪。然後百姓均平。各安其宇。張廷尉論定律令。明法以繩天下。誅姦猾。絕并兼之徒。而強不凌弱。衆不暴寡。大夫各運籌策。建國用。籠天下。鹽鐵諸利。以排富商大賈。買官贖罪。損有餘。補不足。以齊黎民。是以兵革東西征伐。賦歛不增。而用足。夫損益之事。賢者所觀。非衆人之所知也。文學曰。扁鵲撫息脈而知疾。所由生。陽氣盛。則損之。而調陰。寒氣盛。則損之。而調陽。是以氣脈調和。而邪氣無所留矣。夫拙醫不知脈理之膝。血氣之分。妄刺而無益於疾。傷肌膚而已矣。今欲損有餘。補不足。富者愈富。貧者愈貧矣。嚴法正刑。欲以禁暴止姦。而姦猶不止。意者非扁鵲之用鍼石。故衆人未得其職也。御史曰。周之建國也。蓋千八百諸侯。其後彊吞弱。大兼小。并爲六國。六國連兵。結難數百年。內拒敵國。外攘四夷。由此觀之。兵甲不休。戰伐不乏。軍旅外奉。倉庫內實。今以天下之富。海內之財。百郡之貢。非特齊楚之畜。趙魏之庫也。計委量入。雖急用之。宜無乏絕之時。顧大農等以術體躬稼。則后稷之烈。軍四出而用不繼。非天之財少也。用鍼石調均有無。補不足亦非也。上大君與治粟都尉管領大農。事灸刺稽滯。開利百脈。是以萬物流通。而縣官富實。當此之時。四方征暴亂。車甲之費。克獲之賞。以億萬計。皆贍大司農。此皆扁鵲之力。而鹽鐵之福也。文學曰。邊郡山居谷處。陰陽不和。寒凍裂地。衝風飄鹵。沙石凝積。地勢無所宜。中國天地之中。陰陽之際也。日月經其南。斗極出其北。含衆和之氣。產育庶物。今去而侵邊。多斥不毛。寒苦之地。是猶棄江臯河漢。而田於磧坂菹澤也。轉倉廩之委。飛府庫之財。以給邊民。中國困於繇賦。邊民苦於戍禦。力耕不便種糴。無桑麻之利。仰中國絲絮而後衣之。皮裘蒙毛。曾不足蓋形。夏不失複。冬不離窟。父子夫婦。內藏於專室土園之中。中外空虛。扁鵲何力。而鹽鐵何福也。

## 未通第十五

御史曰。內郡人衆。水泉薦草。不能相贍。地勢溫濕。不宜牛馬。民蹠耒而耕。負檐而行。勞罷而寡功。是以百姓貧苦。而衣食不足。老弱負賂於路。而列卿大夫。或乘牛車。孝武皇帝。平百越。以爲園圃。却完胡。以爲苑囿。是以珍怪異物。充於後宮。陶駘駘。實於外廩。匹夫莫不乘堅夏。而民間厭橘柚。由此觀之。邊郡之利亦饒矣。而曰何福之有。

未通於計也。文學曰：禹平水土，定九州，四方各以土地所生，貢獻足以充宮室，供人生之欲，膏壤萬里，山川之利，足以富百姓，不待蠻貊之地，遠方之物而用足。闢在者，未伐胡越之時，繇賦省而民富足，溫衣飽食，藏新食陳，布帛充用，牛馬成羣，農夫以馬耕，而民莫不騎乘。當此之時，却走馬以糞其後，師旅數發，戎馬不足，特牝入陣，故駒犢生於戰地，六畜不育於家，五穀不殖於野，民不足於糟糠，何橘柚之所厭？傳曰：大軍之後，累世不復，方今郡國田野有隴而不墾，城郭有宇而不實，邊郡何饒之有乎？御史曰：古者制田百步爲畝，民井田而耕，什而藉一，義先公而後己，民臣之職也。先帝哀憐百姓之愁苦，衣食不足，制田二百四十步，而一畝率三十而稅一，墮民不務田作，飢寒及己，固其理也。其不耕而欲播，不種而欲獲，鹽鐵又何過乎？文學曰：什一而藉，民之力也，豐耗美惡，與民共之，民勤已，不獨衍，民衍已，不獨勤，故曰：什一者，天下之中正也。田雖三十而一以頃畝出稅，樂歲粒米梁糲，而寡取之，凶年飢饉，而必求足，加之口賦，更繇之役，率一人之作，中分其功，農夫悉其所得，或假貸而益之，是以百姓疾耕力作，而飢寒遂及己也。築城者，先厚其基而求其高，畜民者，先厚其業而後求其贍。論語曰：百姓足，君孰與不足乎？御史曰：古者諸侯爭強，戰國並起，甲兵不休，民曠於田疇，什一而藉，不違其職，今賴陛下神靈，甲兵不動久矣，然則民不齊出於南畝，以口率被墾田而不足，空倉廩而賑貧乏，侵益日甚，是以愈惰而仰利縣官也。爲斯君者，亦病矣，反以身勞民，民猶背恩棄義而遠流亡，避匿上公之事，民相倣效，田地日無，租賦不入，抵扞縣官，君雖欲足，誰與之足乎？文學曰：樹木數徙則殘，蟲獸徙居則壞，故代馬依北風，飛鳥翔故巢，莫不哀其生，由此觀之，民非利避上公之事而樂流亡也，往者，軍陣數起，用度不足，以嘗徵賦，常取給見民，田家又被其勞，故不齊出於南畝也。大抵通流皆在大家，吏正畏懼，不敢篤責，刻急細民，細民不堪，流亡遠去，中家爲之色，出後亡者爲先亡者服事，錄民數，創於惡吏，故相倣效，去尤甚而就少愈多。傳曰：政寬者，民死之，政急者，父子離，是以田地日荒，城郭空虛，夫牧民之道，除其所疾，適其所安，安而不擾，使而不勞，是以百姓勸業而樂公賦，若此，則君無賑於民，民無利於上，上下交議而頌聲作，故取而民不厭，役而民不苦，靈臺之詩，非或使之，民自爲之，若斯，則君何不足之有乎？御史曰：古者十五入大學，與小役二十冠而成人，與戎事五十以上，血脈溢剛，曰艾壯，詩曰：方叔元老，克壯其猷，故商師若烏，周師若荼，今陛下哀憐百姓，寬力役之政，二十三始賦，五十六而免，所以輔耆壯而息老。

艾也。丁者治其田里。老者修其唐園。儉力趣時。無飢寒之患。不怡其家而訟縣官。亦悻矣。文學曰。十九年已下。爲殤。未成人也。二十而冠。三十而娶。可以從戎事。五十已上曰艾老。杖於家。不從力役。所以扶不足而息高年也。鄉飲酒之禮。耆老異饌。所以優耆耄而明養老也。故老者非肉不飽。非帛不暖。非杖不行。今五十已上至六十。與子孫服輓輪。並給繇役。非養老之意乎。古有大喪者。君三年不呼其門。通其孝道。遂其哀戚之心也。君子之所重而自盡者。其惟親之喪乎。今或僵尸棄衰絰而從戎事。非所以子百姓。順孝悌之心也。周公抱成王聽天下。恩塞海內。澤被四表。矧惟南面。含仁保德。靡不得其所。詩云。夙夜基命。宥密。陛下當於春秋。委任大臣。公卿輔政。政教未均。故庶人議也。御史默不答也。

## 地廣第十六

大夫曰。王者包含并覆。普愛無私。不爲近重施。不爲遠遺恩。今俱是民也。俱是臣也。安危勞佚不齊。獨不當調邪。不念彼而獨計此。斯亦好議矣。緣邊之民。處寒苦之地。距強胡之難。烽燧一動。有沒身之累。故邊民百戰而中國恬臥者。以邊郡爲蔽扞也。詩云。莫非王事。而我獨勞。刺不均也。是以聖王懷四方。獨苦與師。推却胡越遠寇。國安災散。中國肥饒之餘。以調邊境。邊境強則中國安。國安則晏然無事。何求而不默也。文學曰。古者天子之立於天下之中。縣內方不過千里。諸侯列國。不及不食之地。禹貢至于五千里。民各供其君。諸侯各保其國。是以百姓均調。而繇役不勞也。今推胡越數千里。道路迴避。士卒勞罷。故邊民有刎頸之禍。而中國有死亡之患。此百姓所以羣囂而不默也。夫治國之道。由中及外。自近者始。近者親附。然後來遠。百姓內足。然後卹外。故羣臣論或欲田輪臺。明主不許。以爲先救近務。及時本業也。故下詔曰。當今之務。在於禁苛暴。止擅賦。力本農。公卿宜承意。請減除不任。以佐百姓之急。今中國弊落。不憂務在邊境。意者地廣而不耕。多種而不耨。費力而無功。詩云。無田甫田。維莠騶騶。其斯之謂歟。大夫曰。湯武之伐。非好用兵也。周宣王辟國千里。非貪侵也。所以除寇賊而安百姓也。故無功之師。君子不行。無用之地。聖王不貪。先帝舉湯武之師。定三垂之難。一面而制敵。匈奴遁逃。因河山以爲防。故去沙石鹹鹵不食之地。故割斗辟之縣。棄造陽之地。以與胡。曾曲塞。據河險。守要害。以寬徭役。保士民。由此觀之。

聖主用心非務廣地以勞衆而已矣。文學曰：秦之用兵可謂極矣。蒙恬斥境可謂遠矣。今踰蒙恬之塞立郡縣寇虜之地地彌遠而民益勞。朔方以西長安以北新郡之功外城之費不可勝計。非徒是也。司馬唐蒙鑿西南夷之塗巴蜀弊於邛笮橫海征南夷樓船戍東越荆楚罷於甌駝左將伐朝鮮開臨洮燕齊困於穢貉張騫通殊遠納無用府庫之藏流於外國非特斗辟之費造陽之役也。由此觀之非人主用心好事之臣爲縣官計過也。大夫曰：挾管仲之智者非爲厮役之使也。懷陶朱之慮者不居貧困之虞。文學能言而不能行居下而訕上處貧而非富大言而不從高厲而行卑排譽讐議以要名采善於當世夫祿不過秉握者不足以言治家不滿檐石者不足以計事儒皆貧羸衣冠不完安知國家之政縣官之事乎。何斗辟造陽也。文學曰：夫賤不周智貧不妨行顏淵屢空不爲不賢孔子不容不爲不聖必將以貌舉人以才進士則太公終身鼓刀寧戚不離飯牛矣。古之君子守道以立名修身以俟時不爲窮變節不爲賤易志惟仁之虞惟義之行臨財苟得見利反義不義而富無名而貴仁者不爲也。故曾參閔子不以其仁易晉楚之富伯夷不以其行易諸侯之位是以齊景公有馬千駟而不能與之爭名孔子曰：賢哉回也。一簞食一瓢飲在於陋巷人不堪其憂回也不改其樂。故惟仁者能處約樂貧小人富斯暴貧斯濫矣。楊子曰：爲仁不富爲富不仁。苟先利而後義取奪不厭公卿積億萬大夫積千金士積百金利已并財以聚百姓寒苦流離於路儒獨何以完其衣冠也。

### 貧富第十七

大夫曰：余結髮束脩年十三幸得宿衛給事聾聵之下以至卿大夫之位獲祿受賜六十有餘年矣。車馬衣服之用妻子僕養之費量入爲出儉節以居之奉祿賞賜一二簞策之積浸以致富成業。故分土若一賢者能守之分財若一智者能籌之。夫白圭之廢著子貢之三至千金豈必賴之民哉。邨之六寸轉之息耗取之貴賤之閒耳。文學曰：古者事業不二利祿不兼然後誼業不相遠而貧富不相懸也。夫乘爵祿以謙讓者名不可勝舉也。因權勢以求利者入不可勝數也。食湖池管山海錫鬲者不能與之爭澤商賈不能與之爭利子貢以布衣致之而孔子非之況以勢位求之者乎。故古者大夫思其仁義以充其位不爲權利以充其私也。大夫曰：山岳有饒然後百姓

瞻焉。河海有潤。然後民取足焉。夫尋常之污。不能溉陂澤。丘阜之木。不能成宮室。小不能苞大。少不能瞻多。末有不能自足而能足人者也。末有不能自治而能治人者也。故善爲人者。能自爲者也。善治人者。能自治者也。文學不能治內。安能理外乎。文學曰。行遠者假於車。濟江海者因於舟。故賢士之立功成名。因資而假物者也。公輸子能因人主之材木。以構宮室臺榭。而不能自爲專屋狹廬。材不足也。歐冶能因國君銅鐵。以爲金鑪大鍾。而不能自爲一鼎盤。材無其用也。君子因人主之正朝。以和百姓調衆庶。而不能自饒其家。勢不便也。故舜耕於歷山。思不及州里。太公屠牛於朝歌。利不及妻子。及其見用。恩流入荒。德溢四海。故舜假之堯。太公因之周。君子能修身以假道者。不能枉道而假財也。大夫曰。道懸於天。物布於地。智者以衍。愚者以困。子貢以著積顯於諸侯。陶朱公以貨殖尊於當世。富者交濡。貧者瞻焉。故上自人君。下及布衣之士。莫不戴其德。稱其仁。原憲孔伋。當世被飢寒之患。顏回屢空於窮巷。當此之時。迫於窟穴。拘於絁袍。雖欲假財信姦佞。亦不能也。文學曰。孔子云。富而可求。雖執鞭之事。吾亦爲之。如不可求。從吾所好。君子求義。非苟富也。故刺子貢不受命而貨殖焉。君子遭時。則富且貴。不遇。退而樂道。不以利累己。故不違義而妄取。隱居修節。不欲妨行。故不毀名而趨勢。雖付之以韓魏之家。非其志。則不居也。富貴不能榮。謗毀不能傷也。故原憲之緼袍。繫於季孫之狐貉。趙宣孟之魚食。甘於智伯之芻豢。子思之銀珮。美於虞公之垂棘。魏文侯軾段干木之閭。非以其有勢也。晉文公見韓慶下車而趨。非其多財。以其富於仁充於德也。故貴何必財。亦仁義而已矣。

## 鹽鐵論第十八

大夫曰。夫懷枉而言正。自託於無欲而實不從非。此士之情也。昔李斯與包丘子俱事荀卿。既而李斯入秦。遂取三公。據萬乘之權。以制海內。功侔伊望。名巨太山。而包丘子不免於堯牖蒿廬。如潦歲之龍。口非不棄也。然卒死於溝壑而已。今內無以養。外無以稱。貧賤而好義。雖言仁義。亦不足貴者也。文學曰。方李斯之相秦也。始皇任之人臣無二。然而荀卿謂之不食。觀其權不測之禍也。包丘子飯麻蓬藿。修道白屋之下。樂其志。安之於廣廈芻豢。無赫赫之勢。亦無戚戚之憂。夫晉獻垂棘。非不笑也。宦之奇見之而歎。知荀息之圖之也。智伯富有三晉。非不盛



也。然不知襄子之謀之也。季孫之狐貉。非不羈也。而不知魯君之患之也。故晉獻以寶馬釣虞虢。襄子以城壞誘智伯。故智伯身禽於趙。而虞虢卒并於晉。以其務得。不顧其後。貪土地而利寶馬也。孔子曰。人無遠慮。必有近憂。今之在位者。見利不虞害。貪得不顧恥。以利易身。以財易死。無仁義之德。而有富貴之祿。若蹈坎阱。食於懸門之下。此李斯之所以伏五刑也。南方有鳥名鸛鵒。非竹實不食。非醴泉不飲。飛過太山。太山之鵠。俛啄腐鼠。仰見鸛鵒而嚇。今公卿以其富貴笑儒者。爲之常行。得無若太山嚇鸛鵒乎。大夫曰。學者所以防固辭禮者。所以文鄙行也。故學以輔德。禮以文質。言思可道。行思可樂。惡言不出於口。邪行不及於己。動作應禮。從容中道。故禮以行之。孫以出之。是以終日言無口過。終身行無冤尤。今人主張官立朝。以治民。疏爵分祿。以褒賢。而曰懸門腐鼠。何辭之鄙。而悖於所聞也。文學曰。聖主設官以授任。能者處之。分祿以任賢。能者受之。義貴無高。義取無多。故舜受堯之天下。太公不避周之三公。苟非其人。簞食豆羹。猶爲賴民也。故德薄而位高。力少而任重。鮮不及矣。夫泰山鵠啄腐鼠於窮澤幽谷之中。非有害於人也。今之有司。盜主財而食之。於刑法之旁。不知機之是發。又以嚇人。其患惡得若泰山之鵠乎。大夫曰。司馬子言天下穰穰。皆爲利往。趙女不擇醜好。鄭姬不擇遠近。商人不媿恥辱。戎士不愛死。力士不在親。事君不避其難。皆爲利祿也。儒墨內貪外矜。往來游說。栖栖然。亦未爲得也。故尊榮者。士之願也。富貴者。士之期也。方李斯在荀卿之門。蘭茸與之齊軫。及其奮翼高舉。龍昇驥駕。過九軌二翔。翔萬仞。鴻鵠華翮。且同侶。况跛牂燕雀之屬乎。席天下之權。御宇內之衆。後車百乘。食祿萬鍾。而拘儒布褐不完。糟糠不飽。非甘菽藿而卑廣廈。亦不能得已。雖欲嚇人。其何已乎。文學曰。君子懷德。小人懷土。賢士徇名。貪夫死利。李斯貪其所欲。致其所惡。孫叔敖早見於未萌。三去相而不悔。非樂卑賤而惡重祿也。處遠而避害謹也。夫郊祭之牛。養食暮年。衣之文繡。以入廟堂。太宰執其鸛刀。以啓其毛。方此之時。願任重而止峻坂。不可得也。商鞅困於彭池。吳起之伏王尸。願被布褐。而處窮鄙之蒿廬。李斯相秦。席天下之勢。志小萬乘。及其囚於圜圜。車制於雲陽之市。亦願負薪入鳩門。行上蔡曲街徑。不可得也。蘇秦吳起。以權勢自殺。商鞅李斯。以尊重自滅。皆貪祿慕榮。以沒其身。從車百乘。曾不足以載其禍也。

### 褒賢第十九

大夫曰。伯夷以廉飢。尾生以信死。由小器而虧大體。匹夫匹婦之爲諒也。經於溝瀆而莫之知也。何功名之有。蘇秦張儀。智足以強國。勇足以威敵。一怒而諸侯懼。安居而天下息。萬乘之主。莫不屈體。卑辭幣請交。此所謂天下名士也。夫智不足與謀。而權不能舉當世。民斯爲下也。今舉亡而爲有。虛而爲盈。布衣穿屨。深念徐行。若有遺亡。非立功成名之士。而亦未免於世俗也。文學曰。蘇秦以從顯於趙。張儀以橫任於秦。方此之時。非不尊貴也。然智士隨而憂之。知夫不以道進。必不以道退。不以義得者。必不以義亡。季孟之權。三桓之富。不可及也。孔子爲之曰。微爲人臣。權均於君。富侔於國者亡。故其位彌高。而罪彌重。祿滋厚。而罪滋多。夫行者。先全己而後求名。仕者。先辟害而後求祿。故香餌非不笑也。龜龍聞而深藏。鸞鳳見而高逝者。知其害身也。夫爲鳥鵲魚鱉。食香餌而後狂飛奔走。逐頭屈頸。無益於死。今有司盜秉國法。進不顧罪。卒然有急。然後車馳人趨。無益於死。所盜不足償於臧獲。妻子奔亡。無處所。身在深牢。莫知恤視。方此之時。何暇得以笑乎。大夫曰。文學節高行矯。然若不可卷。盛節累言。儼然若不可涅。然成卒陳勝。釋軌輅首爲叛逆。自立張楚。素非有回由處士之行。宰相列臣之位也。奮於大澤。不過旬月。而齊魯儒墨縉紳之徒。肆其長衣。長衣官之也。負孔氏之禮器詩書。委質爲臣。孔甲爲涉博士。卒俱死陳。爲天下大笑。深藏高逝者。固若是也。文學曰。周室衰。禮義壞。不能統理天下。諸侯交爭相滅亡。并爲六國。兵革不休。民不得寧息。秦以虎狼之心。蠶食諸侯。并吞戰國。以爲郡縣。伐能矜功。自以爲過堯舜而羞與之同。棄仁義而尙刑罰。以爲今時。不師於文而決於武。趙高治獄於內。蒙恬用兵於外。百姓愁苦。同心而患秦。陳王赫然奮牙。爲天下首事。道雖凶而儒墨或干之者。以爲無王久矣。道雖遏不得行。自孔子以至於茲。而秦復重禁之。故發憤於陳王也。孔子曰。如有用我者。吾其爲東周乎。庶幾成湯文武之功。爲百姓除殘去賊。豈貪祿樂位哉。大夫曰。文學言行。雖有伯夷之廉。不及柳下惠之貞。不過高瞻下視。鵠言汚行。鵠酒豆肉。遷延相讓。辭小取大。雖廉振吞趙雍王城之等。以儒術擢爲上卿。而有姦利殘忍之心。主父偃以口舌取大官。竊權重欺給宗室。受諸侯之賂。卒皆誅死。東方朔自稱辯略。消堅釋石。當世無雙。然省其私行。狂夫不忍爲。况無東方朔之口。其餘無可觀者也。文學曰。志善者忘惡。謹小者致大。俎豆之間。足以觀禮。閭閻之內。足以論行。夫服古之服。誦古之道。舍而爲非者。鮮矣。故君子時然後言。義然後取。不以道得之。不居也。滿而不溢。泰而不驕。故袁盎親於景帝。秣馬不過一駟。公孫

弘即三公之位。家不過十乘。東方先生說聽言行於武帝而不霸盜。主父見困厄之日久。此疾在位者不好道而富且貴。莫知邱士也。於是取鏡銜之餘。以周窮士之急。非爲私家之業也。嘗世蠶蠶。非患儒之難廉。患在位者之虎飽鵠咽。於求覽無所予遺耳。

### 相刺第二十二

大夫曰。古者經井田。制廛里。大夫治其田疇。女子治其麻枲。無曠地。無遊人。故非商工不得食於利。未夏農不得食於收穫。非執政不得食於官爵。今儒者釋耒耜而學不驗之語。曠日彌久而無益於理。往來浮游。不耕而食。不蠶而衣。巧僞良民。以奪農妨政。此亦當世之所患也。文學曰。禹盛洪水。身親其勞。澤行路宿。過門不入。當此之時。簪墮不掇。冠挂不顧。而暇耕乎。孔子曰。詩人疾之不能默。丘疾之不能伏。是以東西南北七十說而不用。然後退而修王道。作春秋。垂之萬載之後。天下折中焉。豈與匹夫匹婦耕織同哉。傳曰。君子當時不動。而民無觀也。故非君子莫治小人。非小人無以養君子。當不耕織爲匹夫匹婦也。君子耕而不學。則亂之道也。大夫曰。文學言治。尙於唐虞。言義高於秋天。有華言矣。未見其實也。昔魯穆公之時。公儀爲相。子思子原爲之卿。然北創於齊。以泗爲境。南畏楚人。西賓秦國。孟軻居梁。兵折於齊。上將軍死而太子虜。西敗於秦。地奪壤削。亡河內河外。夫仲尼之門。七十子之徒。去父母。捐室家。負荷而隨孔子。不耕而學。亂乃愈滋。故玉屑滿篋。不爲有寶。誦詩書負笈。不爲有道。要在安國家。利人民。不苟文繁業辭而已。文學曰。虞不用百里奚之謀而滅秦。穆用之以至霸焉。夫不用賢則亡。而不制。何可得乎。孟子適梁。惠王問利。答以仁義。趣舍不合。是以不用而去。夫懷寶而無語。故有粟不食。無益於飢。親賢不用。無益於削。討之時。內有微箕子。外有膠鬲棘子。故其不能存。夫言而不用。諫而不聽。雖賢惡得有益於治也。大夫曰。橘柚生於江南。而民皆甘之。於口味同也。好音生於鄭衛。而人皆樂之。於耳聲同也。越人夷吾。戎人由余。待譯而後通。而並顯。齊秦人之心於善惡同也。故曾子倚山而吟。山鳥下翔。師曠鼓琴。百獸率舞。未有善而不合。誠而不應者也。意未誠與。何故言而不見從。行而不合也。文學曰。扁鵲不能治不受鍼藥之疾。賢聖不能正不食諫諍之君。故桀有開龍逢而亡夏。殷有三人而商滅。不患無由余夷吾之倫。患無桓穆之聽耳。是以

孔子東西無所適遇。屈原放逐於楚國。故曰直道而事人。焉往而不三黜。枉道而事人。終非以此言而不見從。行而不合者也。大夫曰。歌者不期於利聲而貴在中節。論者不期於麗辭而務在事實。簪聲而不知轉。未可爲能歌也。簪言而不知變。未可謂能說也。持規而非矩。執準而非繩。這一孔曉一理。而不知權衡以所不親。不信。人若蟬之不知雪。堅據古文以應當世。猶辰參之錯。膠柱而調瑟。固而難合矣。孔子所以不用於世。而孟軻見賤於諸侯也。文學曰。日月之光。而盲者不能見。雷電之聲。而聾者不能聞。夫爲不知音者言。若語於瘖聾。何特蟬之不知重雪耶。夫以伊尹之智。太公之賢。而不能開辭於桀紂。非說也。非聽者過也。是以荆和抱璞而泣血曰。安得良工而剖之。屈原行吟澤畔曰。安得皋陶而察之。夫人君莫不欲求賢以自輔。任能以治國。然牽於流說。惑於道說。是以賢聖蔽掩。則讒佞用事。以此亡國破家。而賢士飢於巖穴也。昔趙高無過人之志。而居萬人之位。是以傾覆秦國。而禍殃其宗。盡失其憂。何膠柱之調也。大夫曰。所謂文學高第者。智略能明先王之術。而委質足以履行其道。故居則爲人師。用則爲世法。今文學言治則稱堯舜。道行則言孔墨。授之政則不達。懷古道而不能行。言直而行之枉。道是而情非。衣冠有以殊於鄉曲。而實無以異於凡人。諸生所謂中直者。遭時蒙幸。備數適然耳。殆非明舉。所謂固未可與論治也。文學曰。天設三光以照記。天子立公卿以明治。故曰公卿者。四海之表儀。神化之丹青也。上有輔明主之任。下有遂聖化之事。和陰陽。調四時。安衆庶。育群生。使百姓輯睦。無怨思之色。四夷順德。無叛逆之憂。此公卿之職。而賢者之所務也。若伊尹周召三公之才。太顛闕天九卿之人。文學不中聖主之明舉。今之執政。亦未能稱盛德也。大夫不說。作色不應也。文學曰。朝無忠臣者。政闇。大夫無直士者。位危。任座正言君之過。文侯致言行。稱爲賢君。袁盎面刺絳侯之驕矜。卒得其慶。故觸死亡以干主之過者。忠臣也。犯嚴顏以匡公卿之失者。直士也。鄙人不能巷言面遠。方今人主穀之教令張而不施。食祿多非其人。以妨農商工市井之利。未歸於民。民望不塞也。且夫帝王之道。多隨壞而不脩。詩云。濟濟多士。意者誠任用其計。苟非陳虛言而已。

殊路第二十一

大夫曰。七十子躬受聖人之術。有名列於孔子之門。皆諸侯卿相之才。可南面者數人。云政事者。冉有季路。言語

宰我子貢。宰我秉事。有寵於齊。田常作難。道不行。身死庭中。簡公殺於檀臺。子路仕衛。孔惺作亂。不能救君出亡。身殖於衛。子貢子臯。遁逃不能死其難。食人之重祿不能更。虞人尊官不能存。何其厚於己而薄於君哉。同門共業。自以爲知古今之義。明君臣之禮。或死或亡。二三子殊路。何道之悖也。文學曰。宋襄公知孔父之賢而不早任。故身死。魯莊知季有之賢。授之政晚而國亂。衛君近侵遠賢。子路居滯。孔惺爲政。簡公不聽宰我而漏其謀。是以二君身被放殺。而禍及忠臣。二子者。有事而不與其謀。故可以死。可以生。去止其義一也。晏嬰不死崔慶之難。不可謂不義。微子去殷之亂。可謂不仁乎。大夫曰。至美素璞。物莫能飾也。至賢保真。僞文莫能增也。故金玉不琢。美珠不畫。今仲由冉求。無檀栢之材。隋和之璞。而強文之。譬若彫朽木而礪鋌刀。飾煖母畫土人也。被以五色。斐然成章。及遭行潦流波。則沮矣。夫重懷古道。枕籍詩書。危不能安。亂不能治。鄧里逐雞。難亦無黨也。文學曰。非學無以治身。非禮無以輔德。和氏之璞。天下之美寶也。待鑑識之工而後明。毛嬙天下之姣人也。待香澤脂粉而後容。周公天下之至聖人也。待賢師學問而後通。今齊世庸士之人。不好學問。專以己之愚而荷負巨任。若無楫舳。濟江海而遭大風。漂沒於百仞之淵。東流無崖之川。安得沮而止乎。大夫曰。性有剛柔。形有好惡。聖人能因而不能改。孔子外變。二三子之服。而不能革其心。故子路解長劍。去危冠。屈節於夫子之門。然攝齊師友。行行爾。鄙心猶存。宰予晝寢。欲損三年之喪。孔子曰。糞土之牆。不可朽也。若由不得其死然。故內無其實。而外學其文。雖有賢師良友。若畫脂鏤冰。費日損功。故良師不能飾威施。香澤不能化煖母也。文學蒙以不潔。鄙夫掩鼻。惡人盛飾。可以宗祀上帝。使二人不涉聖人之門。不免爲窮夫。安得卿大夫之名。故砥所以致於刃。學所以盡其才也。孔子曰。觚不觚。觚哉。觚哉。故事人加則爲宗廟器。否則斯養之豈才。干越之鋌不厲。匹夫賤之。工人施巧。人主服而朝也。夫醜者自以爲姣。故飾。愚者自以爲知。故不學。觀笑在己而不自知。不好用人。自是之過也。

## 訟賢第二十二

大夫曰。剛者折。柔者卷。故季由以醢梁死。宰我以柔弱殺。使二子不學。未必不得其死。何者。矜己而伐能。小知而巨收。欲人之從己。不能以己之從人。莫視而自見。莫賈而自貴。此其所以身殺死而終殖醢也。未見其爲宗廟器。

親其爲世戮也。當此之時，東流亦安之乎？文學曰：騏驎之軌鹽車，垂頭於太行，屠者持刀而視之，太公之窮困，負販於朝歌也。蓬頭相聚而笑之，當此之時，非無遠鑄駿才也。非文王伯樂莫知之買也。子路宰我，生不逢伯樂之舉而遇狂屠，故君子傷之，若由不得其死然。天其祝予矣！孔父累華督之難，不可謂不義。仇牧涉宋萬之禍，不可謂不賢也。大夫曰：今之學者，無太公之能，騏驎之才，有以蜂蟻介壽而自害也。東海成顯，河東胡建是也。二子者以術蒙舉，起卒伍爲縣令，獨非自是，無與合同，引之不來，推之不往，狂狷不遜，伎害不恭，刻鵠公主，侵陵大臣，知其不可而強行之，欲以干名，所由不軌，果沒其身，未覩功業所至，而見東觀之殃，身得重罪，不得以壽終，狡而以爲知，許而以爲直，不遜以爲勇，其遭難故亦宜也。文學曰：二公懷精白之心，行忠正之道，直己以事上，竭力以徇公，奉法推理，不避強禦，不阿所親，不貴妻子之養，不顧私家之業，然卒不能免於嫉妬之人，爲衆枉所排也。其所以累不測之刑，而功不遂也，夫公族不正，則法令不行，股肱不正，則姦邪興起，趙奢行之平原，范雎行之穰侯，二國治而兩家全，故君過而臣正，上非而下譏，大臣正縣令，何肯不反諸己，而行非於人，執政之大失也。夫屈原之沉淵，趙子椒之譖也，管子得行其道，鮑叔之力也，今不覩鮑叔之力，而見汨羅之禍，雖欲以壽終，無其能得乎。

遵道第二十二

大夫曰：御史御史未應，謂丞相史曰：文學結髮學語，服膺不舍，辭若循環，轉若陶鈞，文繁於春華，無効於抱風，飾虛言以亂實，道古以害今，從之，則縣官用廢，虛言不可實而行之，不從，文學以爲非也。衆口囂囂，不可勝聽，諸卿都大府曰：久矣，通先古，明當世，今將何從而可矣？丞相史進曰：晉文公譎而不正，齊桓公正而不譎，所由不同，俱歸於霸，而必隨古不革，襲故不改，是文質不變而推車尙在也，故或作之，或述之，然後法令調於民，而器械便於用也。孔對三君殊意，晏子相三君異道，非苟相反，所務之時異也。公卿既定大業之路，建不竭之本，願無顧細故之語，率儒墨論也。文學曰：師曠之詞五音，不失宮商，聖王之治世，不離仁義，故有政制之名，無變通之實，上自黃帝，下及三王，莫不明德教，謹庠序，崇仁義，立教化，此百世不易之道也。殷周因修而昌，秦王變法而亡。詩云：雖無老成人，尙有典刑，言法教故沒而存之，舉而貴之，貴而行之，何更爲哉？丞相史曰：說西施之美，無益於容，道堯舜

之德無益於治。今文學不言所爲治。而言以治之無功。猶不言耕田之方。笑嘗人之園倉也。夫欲秉者務時。欲治者因世。故商君昭然獨見存亡。不可與世俗同者。爲其沮功而多近也。庸人安其故。而愚者果所聞。故舟車之治。使民三年而後安之。商君之法立。然後民信之。孔子曰。可與共學。未可與權。文學可令扶繩循刻。非所與論道術之外也。文學曰。君子多聞闕疑。述而不作。聖達而謀。小人蔽智而事寡。是以功成而不驕。各立而不頓。小人智淺而謀大。羸弱而任重。故中道而廢。蘇秦商鞅是也。無先王之法。非聖人之道。而因於己。故亡。易曰。小人處盛位。雖高必崩。不盈其道。不恒其德。而能以善終身。未之有也。是以初登于天。後入于地。禹之治水也。民知其利。莫不勸其功。商鞅之立法。民知其害。莫不畏其刑。故夏后功立。而王商鞅法行。而亡。商鞅有獨智之慮。世不獨見之。證文學不足與權。當世亦無累負之殃也。

## 論排第二十四

丞相史曰。晏子有言。儒者華於言而寡於實。繁於樂而舒於民。久喪以害生。厚葬以傷業。禮煩而難行。道迂而難遵。稱往古而言譽當世。賤所見而貴所聞。此人本枉以己爲拭。此顏異所以誅黜。而狄山死於匈奴也。處其位而非其朝。生乎世而誦其上。終以彼戮而喪其軀。此獨誰爲負其累而蒙其殃乎。文學曰。禮所以防淫。樂所以移風。禮與樂正則刑罰中。故隄防成而民無水警。禮義立。民無亂患。故禮義壞。隄防決。所以治者。未之有也。孔子曰。禮與其奢也。寧儉。喪與其易也。寧戚。故禮之所爲作。非以害生傷業也。威儀節文。非以亂化傷俗也。治國謹其禮。危國謹其法。昔秦以武力吞天下。而斯高以妖孽累其禍。廢古術。驟舊禮。專任刑法。而儒墨既喪焉。塞士之塗。墮人之口。道諫日進。而上不聞其過。此秦所以失天下而殞社稷也。故聖人爲政。必先誅之僞巧言。以輔非而傾覆國家也。今子安取亡國之語而來乎。夫公卿處其位。不正其道。而以意阿色順風疾。小人淺淺面從。以成人之過也。故知言之死。不忍從苟合之徒。是以不免於縲絏。悲夫。丞相史曰。檀柩而有鄉壘。羣而有聚。言物類之相從也。孔子曰。德不孤。必有鄰。故湯與而伊尹至。不仁者遠矣。未有明君在上。而亂臣在下也。今先帝躬行仁聖之道。以臨海內。招舉俊才賢良之士。唯仁是用。誅逐亂臣。不避所親。務以求賢而簡退。不肖。猶堯之舉舜禹之族。殛鯀放驩。

兜也。而曰苟合之徒是則主非而臣阿是也。文學曰：臯陶對舜在知人。惟帝其難之。洪水之災。堯獨愁悴而不能治。得舜禹而九州寧。故雖有堯明之君。而無舜禹之佐。則純德不流。春秋刺有君而無臣。先帝之時。良臣未備。故邪臣得閒。堯得舜禹而殛。舜殛兇諛。趙簡子得叔向而盛青肩。語曰：未見君子。不知僞臣。詩云：未見君子。憂心忡忡。既見君子。我心則降。此之謂也。丞相史曰：堯任舜。舜得禹而放殛之。以其罪而天下咸服。誅不仁也。人君用之齊民。而顏異濟南亭長也。先帝舉而加之高位。官至上卿。狄山起布衣。爲漢議臣。處舜禹之位。執天下之中。不能以治而反坐訕上。故隴兒之誅加而刑戮至焉。賢者受賞而不肖者被刑。固其然也。文學何惟焉。文學曰：論者相扶以義。相喻以道。從善不求勝。服義不恥窮。若相迷以僞。相亂以辭。相矜於後。期於苟勝。非其貴者也。夫蘇秦張儀。熒惑諸侯。傾覆萬乘。使人主失其所持。非不辯然。亂之道也。君子疾鄙夫之不可與事君。患其聽從而無所不至也。今子不聽正義。以輔卿相。又從而順之。好須臾之說。不計其後。若子之爲人吏。宜受上戮。子姑默矣。丞相史曰：蓋聞士之居世也。衣服足以勝身。食飲足以供親。內足以相卹。外不求於人。故身修然後可以理家。家治然後可以治官。故飯藟糲者。不可以言孝。妻子飢寒者。不可以言慈。緒業不備者。不可以言理。居斯世。行斯身。而有此三累者。斯亦足以默矣。

孝養第二十五

文學曰：善養者。不必芻豢也。善供服者。不必錦繡也。以己之所有。盡事其親。孝之至也。故匹夫勤勞。猶足以順禮。歡菽飲水。足以致其敬。孔子曰：今之孝者。是爲能養。不敬何以別乎。故上孝養志。其次養色。其次養體。貴禮不貪其養。禮順心和。養雖不備。可也。易曰：東隣殺牛。不知西隣之禴祭也。故富貴而無禮。不如貧賤之孝悌。閨門之內。盡孝焉。閨門之外。盡悌焉。朋友之道。盡信焉。三者。孝之至也。居家理者。非謂積財也。事親孝者。非謂鮮肴也。亦和顏色承意。盡禮義而已矣。丞相史曰：八十曰耄。七十曰耄。耄食非肉不飽。衣非帛不暖。故孝子曰：甘糲以養口。輕暖以養體。曾子養曾皙。必有酒肉。無端綈。雖公西赤亦不能以養焉。容無肴膳。雖閨曾不能以養卒禮。禮虛加。故必有其實。然後爲之。父子。與其禮有餘而養不足。寧養有餘而禮不足。夫洗爵以盛水。升降而進。禮雖備。然非其



貴者也。文學曰：周襄王之母，非無酒肉也，衣食非不如曾皙也，然而被不孝之名，以其不能事其父母也。君子重其禮，小人貪其養。夫嗟來而招之，投而與之，乞者由不取也。君子苟無其禮，雖笑不食焉。故禮主人不親餽，則客不祭，是饋輕而禮重也。丞相史曰：孝莫大以天下一國養。次祿養，下以力。故王公人君上也，卿大夫次也，夫以家人言之，有賢子者，當路於世者，膏堂邃宇，安車大馬，衣輕暖，食甘饒，無厭者，褐衣皮冠，窮居陋巷，有旦無暮，食藿糲者，藟茹糠臘而後見肉，害老親之腹非。唐園唯菜是盛，夫藟糲乞者所不取，而子以養親，雖欲以禮，非其貴也。文學曰：無其能而竊其位，無其功而有其祿，雖有富貴，由黷躋之養也。高臺極望，食案方丈，而不可謂孝。老親之腹，非盜囊也，何故？常盛不道之物，夫取非有非職，財入而惠從之，身且死禍殃，安得饜臠而食肉？曾參閔子，無卿相之養，而有孝子之名。周襄王富有天下，而有不能事父母之累，故禮非而養豐，非孝也。嫁園而以養，非孝也。丞相曰：上孝養色，其次安親，其次全身。往者陳餘背漢，斬於涿水，五殺邪逆而夷三族，近世主父偃行不軌而誅滅，呂步舒弄口而見戮，行身不謹，誅及無罪之親，由此觀之，虛禮無益於己也。文實配行，禮養俱施，然後可以言孝。孝在於質實，不在於飾貌，全身在於謹慎，不在於馳語也。文學曰：言而不誠，期而不信，臨難不勇，事君不忠，不孝之大者也。孟子曰：今之士，今之大夫，皆罪人也，皆違其意以順其惡，今子不忠不信，巧言似亂政，導諛以求合，若此者，不容於世。春秋曰：士守一不移，循理不外援，共其職而已，故卑位而言高者，罪也。言不及而言者，傲也。有詔公卿與斯議而空戰口也。

## 刺議第二十六

丞相史曰：山林不讓椒桂以成其崇，君子不辭負薪之言以廣其名，故多見者博，多聞者知，距諫者塞，專己者孤，故謀及下者無失策，舉及衆者無頓功。詩云：詢于芻蕘，故布衣皆得風議。何況公卿之史乎？春秋士不載文而書，匿者以爲宰士也。孔子曰：雖不吾以，吾其與聞諸侯僕雖不敏，亦當傾耳下風，攝齊句指，受業徑於君子之塗矣。使文學言之而是，僕之言有何害？使文學言之而非，雖微丞相史，孰不非也？文學曰：以正輔人謂之忠，以邪導人謂之佞，夫拂過納善者，君之忠臣，大夫之直士也。孔子曰：大夫有爭臣三人，雖無道不失其家。今子處宰士之列，

無忠正之心。枉不能正。邪不能匡。順流以容身。從風以說上。上所言則苟聽。上所行則曲從。若影之隨形。響之於聲。終無所是非。衣儒衣。冠儒冠。而不能行其道。非其儒也。譬若士龍文章。首目具而非龍也。亭歷似菜而味殊。玉石相似而異類。子非孔氏執經守道之儒。乃公卿面從之儒。非吾徒也。冉有爲季氏宰而附益之。孔子曰。小子鳴鼓而攻之可也。故輔桀者不爲智。爲桀斂者不爲仁。丞相史默然不對。

利議第二十七

大夫曰。作世明主憂勞。而人思念北邊之未安。故使使者舉賢良文學高弟。詳延有道之士。將欲觀殊議異策。虛心傾耳以聽。庶幾云得。諸生無能出奇計。遠圖匈奴。安邊境之策。明枯竹守空言。不知趨舍之宜。時世之變。議論無所依。如膝癢而搔背。辯訟公門之下。誦說不可勝聽。如品卽口以成事。此豈明主所欲聞哉。文學曰。諸生對冊殊路同歸。指在於崇禮義。退財利。復往古之道。匡當世之失。莫不云太平雖未盡。可實用。宜略有可行者焉。執事闢於明禮。而喻於利末。沮事隋議。計慮籌策。以故至今未決。非儒無成事。公卿欲成也。大夫曰。色厲而內荏。亂真者也。文表而柔裏。亂實也。文學哀衣博帶。竊周公之服。鞠躬跋趾。竊仲尼之容。議論稱誦。竊商賜之辭。刺譏言治。過管晏之才。心卑卿相。志小萬乘。及授之政。昏亂不治。故以言舉人。若以毛相馬。此其所以多不稱舉。詔策曰。朕嘉宇內之士。故詳延四方豪俊。文學博習之士。趨遷官祿。言者不必有德。何者。言之易而行之難。有舍其事而識其牛。貴其不言而多成事也。吳錡以其舌自破。主父偃以其舌自殺。騶騶夜鳴。無益於明。主父鳴鶴。無益於死。非有司欲成利。文學桎梏於舊術。牽於聞言者也。文學曰。能言之能行之者。湯武也。能言不能行者。有司也。文學竊周公之服。有司竊周公之位。文學桎梏於舊術。有司桎梏於財利。主父偃以舌自殺。有司以利自困。夫驥之才千里。非造父不能使。禹之知萬人。非舜爲相不能用。故季桓子聽政。柳下惠忽然不見。孔子爲司寇。然後悖熾。驥驥之在伯樂。其功在造父。造父攝轡。馬無驚良。皆可取道。周公之時。士無賢不肖。皆可與言至治。故御之良者。魯調馬。相之賢者。魯使士。今舉異才而使滅弱。御之。是猶扼驥驥車而使責之疾。此賢良文學。多不稱舉也。大夫曰。噫。諸生闕茸無行。多言而不用。情貌不相副。若穿踰之盜。自古而患之。是孔丘斥逐於魯君。曾不用於世也。何者。以

其首攝多端。迂時而不要也。故秦王燔去其術而不行坑之誦中而不用乃安得鼓口舌申顏眉預前論議是非國家之事也。

## 國病第二十八

文學曰。國有賢士而不用。非士之過。有國者之耻。孔子大聖也。諸侯莫能用。嘗小位於魯。三月。不令而行。不禁而止。沛若時雨之澍萬物。莫不興起也。況乎位天下之本朝。而施聖主之德音教澤乎。今公卿處尊位。執天下之要。十有餘年。功德不施於天下。而勤勞於百姓。百姓貧陋困窮。而私家累萬金。此君子所耻。而伐檀所刺也。昔者商鞅相秦。後禮讓。先貪鄙。尚首功。務進取。無德序於民。而嚴刑罰於國。俗日壞而民滋怨。故惠王烹蒞其身。以謝天下。當此之時。亦不能論事矣。今執政患儒貧賤而多言。亦憂執事富貴而多患也。大夫視文學。悒悒而不言也。丞相史曰。夫辯國家之政事。論執政之得失。何不徐徐道理相喻。何至切切如此乎。大夫難罷鹽鐵者。非有利也。憂國家之用。邊境之費也。諸生鬪鬪爭鹽鐵。亦非爲己也。欲反之於古。而輔成仁義也。二者各有所宗。時世異務。又安可堅任古術。而非今之理也。且去小雅。非人必有以易之。諸生莫有能安集國中。懷臧之來遠方。使邊境無寇虜之災。租稅盡爲諸生除之。何況鹽鐵均輸乎。所以貴術儒者。責其處謙推讓。以道盡人。今辯訟悒悒然。無赤賜之辭。而見鄙倍之色。非所聞也。大夫言過而諸生亦如之。諸生不直謝大夫耳。賢良文學皆離席曰。鄙人固陋。希涉大庭。狂言多不稱。以逆執事。夫藥酒苦於口。利於病。忠言逆於耳。而利於行。故悒悒者。福也。譏議者。賤也。林中多疾風。富貴多諛言。萬里之朝。日聞唯唯。而後聞諸生之悒悒。此乃公卿之良藥鍼石。大夫色少寬。面文學而蘇也。賢良曰。窮巷多曲辯。而寡見者難喻。文學守死湮梓之語。而終不後。夫往古之事。昔有之語。已可親矣。今以近世觀之。自以目有所見。耳有所聞。世殊而事異。文景之際。建元之始。民朴而歸本。吏廉而自重。殷殷屯屯。人衍而家富。今政非政。而教非易也。何世之彌薄。而俗之滋衰也。吏即少廉。民即寡耻。而姦猶不止。世人有言。鄙儒不如都士。文學皆出山東。希涉大論。予大夫論京師之日久。顧分明政治。失之事故。所以然者也。賢良曰。夫山東天下之腹心。賢士之戰場也。高皇帝龍飛鳳舉。於宋楚之間。山東子弟。蕭曹樊鄧滕灌之屬爲輔。雖即異世。

亦既閔天太顛而已。禹世匪文王生北夷然聖德高世有萬人之才負送舉之任出入都市一旦不知返數然後終於廝役而已。僕雖不生長京師才驚下愚不足以大譏竊所以聞閭里長老之言往者常民衣服溫暖而不靡器質朴牢而致用衣足以蔽體器足以便事馬足以易步車足以自載酒足以合歡而不澁樂足以理心而不淫入無宴樂之聞出無佚游之觀行即負贏止作鋤耘用約而財饒本修而民富送死哀而不華養生適而不奢大臣正而無欲執政寬而不苛故黎民寧其性百吏保其官建元始崇文修德天下乂安其後邪臣各以伎藝腐亂至治外障山海內興諸利楊可勝告繇江充禁服張大夫革令杜周治獄罰贖科適微細並行不可勝數夏蘭之屬妄擄王溫舒之徒妄殺殘吏萌起擾亂良民當此之時百姓不保其首領豪富莫必其族姓聖主覺焉乃刑戮充等誅滅殘賊以殺死罪之怨塞天下之責然居民肆然復安然其禍累世不復瘡痍至今未息故百官尚有殘賊之政而強宰尚有強奪之心大臣擅權而斷讞豪猾多黨而侵陵富貴奢侈貧賤篡殺女工難成而易弊車器難就而易敗車不累薪器不終歲一車千石一衣十鍾常民文杯畫案机席緝陷婢妾衣紩履絲匹庶綽飯肉食里有俗黨有場康莊馳逐窮巷踰朝乘素抱插躬耕身織者寡要斂從容傳白黛青者衆無而爲有貧而強夸文表無裏執跨象裝生不養死厚送葬死殯家遺女滿車富者欲過貧者欲及富者空臧貧者稱貸是以民年急而歲促貧即寡耻乏即少廉此所以刑非誅惡而毒猶不止也故國有嚴不急之徵即生前不足疾矣

散不足第二十九

大夫曰吾以賢良爲少愈乃反其幽明若胡車相隨而鳴諸生獨不見季夏之蟬乎音聲入耳秋風至而聲無者生無易由言不顧其患患至而後默晚矣賢良曰孔子讀史記喟然而歎傷正德之廢君臣之危也夫賢人君子以天下爲任者也不任大者思遠思遠者忘近誠心閔悼惻隱加爾故忠臣獨而無累此詩人所以傷而作比干子胥遺身忘禍也其惡勞人若斯之急安能默乎詩云憂心如惓不敢戲談孔子栖遯疾固也墨子遠遯閱世也大夫默然丞相曰願聞散不足賢良曰官室與馬衣服器械饗祭食飲聲色玩好人情之所不能已也故聖人爲之制度以防之聞者士大夫務於權利怠於禮義故百姓倣倣願踰制度今故陳之曰古者穀物棗果不時不食鳥

獸魚鼈。不中殺不食。故繳罔不入於澤。雞毛不取。今富者逐驅繳罔。置掩捕罟。耽酒沈湎。銷百川鮮。烹號鱗胎。屬皮黃口。春鶉秋鷄。冬葵溫韭。浚莠蓼蕪。豐奔耳菜。毛果蟲貉。古者采橡茅茨。陶桴覆穴。足禦寒暑。蔽風雨而已。及其後世。采橡不斷。茅茨不翦。無斬削之事。磨礱之功。大夫建榱。極土穎首。庶人斧成木構而已。今富者井幹增梁。雕文檻。脩聖憂壁飾。古者衣服不中制。器械不中用。不溺於市。今民閒雕琢不中之物。刻畫無用之器。玩好玄黃雜青。五色繡衣。戲弄滯。人雜婦。百獸馬戲。鬪虎。唐錦迫人。奇蟲胡姐。古者諸侯不秣馬。天子有命。以車就牧。庶人之乘者。馬足以代其勞而已。故行則服。止則就。今富者連車列騎。驂貳轡駟。中者微輿輶。煩尾掌。夫一馬伏櫪。當中家大口之食。亡丁男一人之事。古者庶人耄老而後衣絲。其餘則麻枲而已。故命曰布衣。及其後。則絲裏枲表。直領無襴。袍合不緣。夫羅紈文繡者。人君后妃之服也。黼黻繡者。婚姻之嘉飾也。是以文繡繡。不溺於市。今富者繡羅紈。中者素錦冰。常民而後后妃之服。而人而居婚姻之飾。夫執素之賈倍繡。繡之用倍紬也。古者椎車無柔。棧輿無植。及其後。木幹不衣。長轂數幅。蒲薦苴蓋。蓋無染絲之飾。大夫士則單複木具。盤韋柔韋。常民染輿。大幹蜀輶。今庶人富者。銀黃華左。搔結綬鞞。杠中者錯鑣塗采。珥斬飛鈴。古者鹿裘皮冒。蹄足不去。及其後。大夫士狐貉縫腋。絛纓豹舄。庶人則毛袴襦形。襍紙皮傳。今富者麗麗狐白。冕裘。中者屬衣金纁。瘖鼈代黃。古者庶人賤騎繩控。韋鞵皮薦而已。及其後。韋鞍聲成。鐵鑣不飾。今富者鑣耳銀鑣。黃金琅勒。屬纁拿汗。垂珥胡鮮。中者染韋紹系。采畫暴乾。古者汗尊坏飲。蓋無爵觴樽俎。及其後。庶人器用。即竹柳陶瓠而已。唯瑯璁觴豆。而後彫文彤漆。今富者銀口黃耳。金盞玉鍾。中者舒玉紵器。金錯蜀杯。夫一文杯得銅杯十。賈賤而用不殊。箕子之諷。始在天子。今在匹夫。古者燔黍食稗。而燂豚以相饗。其後鄉人飲酒。若者重豆。少者立食。一簪一肉。旅飲而已。及其後。賓婚相召。則豆羹白飯。蒸膾熟肉。今民閒酒食殺旅。重疊燔炙。備菜屬。膾腥覓卵。鵲鷄澄。船饅。雜味。古者庶人春夏耕。耘。秋冬收藏。昏晨力作。夜以繼日。詩云。晝爾于茅。宵爾索。亟其乘屋。其始播百穀。非驥驢不休。息。非祭祀無酒肉。今寢昏酒食。接連相困。折醒什半。桑事相隨。慮無乏日。古者庶人。糲食藜藿。非鄉飲酒。臘祭祀無酒肉。故諸侯無故。不殺牛羊。大夫士無故。不殺犬豕。今閭巷縣佰。阡陌屠沽。無故烹殺。相聚野外。負粟而往。挈肉而歸。夫一豕之肉。得中年之收。十五斗粟。當丁男半月之食。古者庶人魚菽之祭。春

秋脩其祖祠。士一廟。大夫三。以時有事于五祀。蓋無出門之祭。今富者祈名嶽。望山川。椎牛擊鼓。戲倡優像。中者南居當路。水上雲臺。屠羊殺狗。鼓瑟吹笙。貧者雞豕五芳。衛保散臘。傾蓋社場。古者德行求福。故祭祀而寬仁義求吉。故卜筮而希。今世俗莫於行而求於鬼。怠於禮而篤於祭。慢親而貴勢。至妄而信日。聽訛言而幸得。出實物而享虛福。古者君子夙夜孳孳。思其德。小人晨昏孜孜。思其力。故君子不素飭。小人不空食。世俗飾僞行詐。爲民巫祝。以取釐謝。堅領健舌。或以成業致富。故憚事之人。釋本相學。是以街巷有巫。閭里有祝。古者無杠槨之寢。牀移之案。及其後世。庶人即采木之杠。葉華之槨。土不斤成。大夫葦莞而已。今富者繼繼帷帳。塗屏錯跗。中者錦綈高張。采畫丹漆。古者皮毛草蓐。無茵席之加。旃蓐之坐。及其後。大夫土復薦草緣蒲。平單莞。庶人即草蓐索經單。蘭蓐蔭而已。今富者繡茵翟柔。蒲子露林。中者獲皮代旃。關坐平莞。古者不粥紙。不市食。及其後。則有屠沽。沽酒市脯。魚鹽而已。今熟食徧列。殺施成市。作業墮怠。食必趣時。楊豚韭卵。狗脯馬胾。煎魚切肝。宰掩雞寒。蜩馬駘日。塞捕庸脯。脯羔豆。賜饌膾羹。自飽甘飢。熱梁和炙。古者土鼓。缶。擊木拊石。以盡其歡。及後卿大夫有管磬。土有琴瑟。往者民閒酒會。各以黨俗。彈箏鼓缶而已。無要妙之音。變羽之轉。今富者鍾鼓五樂。歌兒數曹。中者鳴竿鞀瑟。鄭舞趙謳。古者瓦棺。容尸。木板。聖周。足以收形骸。藏髮齒而已。及其後。桐棺不衣。采椁不斂。今富者繡牆題漆。中者梓棺。楨梓。貧者畫荒衣袍。繪囊提囊。古者明器有形無實。示民不用也。及其後。則有醢醢之藏。桐馬偶人。彌祭其物。不備。今厚資多藏。器用如生人。郡國縣吏素桑。偶車轎輪。匹夫無貌。領桐人衣。執綈。古者不封不樹。反虞祭於寢。無壇宇之居。廟堂之位。及其後。則封之。庶人之墳。半仞。其高可隱。今富者積土成山。列樹成林。臺榭連閣。集觀增樓。中者祠堂屏閣。垣闕累廡。古者隣有喪。春不相杵。巷不歌謠。孔子食於有喪者之側。未嘗飽也。子於是日哭。則不歌。今俗因人之喪。以求酒肉。幸與小坐而責辨。歌舞俳優。連笑伎戲。古者男女之際。尚矣。嫁娶之服。未之以記。及虞夏之後。蓋表布內絲。骨笄象珥。封君夫人加錦尚黻而已。今富者皮衣朱絡。繁路環佩。中者長程交緯。璧端管珥。古者事生盡愛。送死盡哀。故聖人爲制節。非虛加之。今生不能致其愛敬。死以奢侈相高。雖無哀戚之心。而厚葬重帶者。則稱以爲孝。顯名立於世。光榮著於俗。故黎民相慕效。至於發屋賣業。古者夫婦之好。一男一女而成家室之道。及後士一妻。大夫二諸侯有姪婦九女而已。今諸侯百數。卿大夫十數。中者侍御。富者

盈室。是以女或曠怨失時，男或放死無匹。古者凶年不備，豐年補敗，仍舊貫而不改作。今工異變而吏殊心，壞敗成功，以匿厥意，意極乎功業，務存乎面目，積功以市譽，不恤民之急。田野不辟而飾亭落，邑居丘墟而高其郭。古者不以人力徇於禽獸，不奪民財以養狗馬，是以財衍而力有餘。今猛獸奇蟲，不可以耕耜，而令當耕耜者養食之。百姓或短褐不完，而犬馬衣文繡。黎民或糠糟不接，而禽獸食肉。古者人君敬事愛下，使民以時。天子以天下爲家，臣妾各以其時供公職。今古之通義也。今縣官多畜奴婢，坐粟衣食，私作產業爲姦利，力作不盡。縣官失實，百姓或無斗筲之儲。官奴累百金，黎民昏晨不釋事。奴婢垂拱遨遊也。古者親近而疏遠，貴所同而賤非類，不賞無功，不養無用。今蠻貊無功，縣官居肆，廣屋大第，坐粟衣食，百姓或旦暮不瞻。蠻夷或厭酒肉，黎民泮汙力作。今蠻夷交脛肆睨，古者庶人鹿非，草芟縮絲，尙章而已。及其後，則棊下不借，鞵鞵草罵。今富者革中各工，輕靡使容，執裏紉下，越端縱緣。中者鄧里閭作，劇苴秦堅，婢妾章沓絲履，走者茸芻狗官。古聖人勞躬養神，節欲適情，尊天敬地，履德行仁，是以上天歆焉。永其世而豐其年，故堯秀眉高彩，享國百載，及秦始，皇覽怪迂，信機祥，使虛生求，羨門高，徐市等入海求不死之藥。當此之時，燕齊之士，釋鋤耒，爭言神仙。方士於是趣咸陽者以千數。言仙人食金飲珠，然後壽與天地相保。於是數巡符五嶽濱海之館，以求神仙蓬萊之屬。數幸之郡縣，富人以貴佐，貧者築道旁。其後小者亡逃，大者藏匿，吏捕繫繫頓，不以道理。名宦之旁，廬舍丘落，無生苗立樹。百姓離心，怨思者十有半。書曰：享多儀，儀不及物，曰不享。故聖人非仁義，不載於己，非正道不禦於前。是以先帝誅文成五利等，宣帝建學官，親近忠良，欲以絕怪惡之端，而昭至德之塗也。官室奢侈，林木之蠹也。器械雕琢，財用之蠹也。衣服靡麗，布帛之蠹也。狗馬食人之食，五穀之蠹也。口腹從恣，魚肉之蠹也。用費不節，府庫之蠹也。漏積不禁，田野之蠹也。喪祭無度，傷生之蠹也。墮成變故，傷功工商，上通傷農，故一杯捲用百人之力，一屏風就萬人之功。其爲害亦多矣。目修於五色，耳營於五音，體極輕薄，口極甘脆，功積於無用，財盡於不急，口腹不可爲多，故國病聚不足，即政怠人病，聚不足則身危。丞相曰：治聚不足奈何。

### 救匱第三十

賢良曰：蓋橈枉者過直，救文者以質。昔者晏子相齊，一狐裘三十載，故民奢示之以儉，民儉示之以禮。方今公卿大夫子孫，誠能節車輿，適衣服，躬親節儉，率以教朴，罷園池，損田宅，內無事乎市列，外無事乎山澤。農夫有所施其功，女工有所窮其業。如是，則氣脈和平，無聚不足之病矣。大夫曰：孤子語孝，覺者語杖，貧者語仁，賤者語治。議不在己者易得，從旁議者易是。其當局則亂，故公孫弘布被，倪寬練袍，衣若僕妾，食若庸夫。淮南逆於內，蠻夷暴於外，盜賊不爲禁，奢侈不爲節。若疫歲之巫，徒能鼓口耳，何散不足之能治乎？賢良曰：高皇帝之時，蕭曹爲公，滕灌之屬爲卿，濟濟然斯則賢矣。文景之際，建元之始，大臣尙有爭引守正之義，自此之後，多承意從欲，少敢直言，面議而正刺，因公而徇私，故武安丞相訟園田，爭曲直人主之前，夫九層之臺，一傾，公輸子不能正。本朝一邪，伊望不能復。故公孫丞相倪大夫側身行道，分祿以養賢，卑己以下士，功業顯立，日力不足，無行人子產之繼，而葛繹彭侯之等，墮壞其緒，紕亂其紀，毀其客館，議堂以爲馬廐，婦舍無養士之禮，而尙驕矜之色，廉耻陵遲，而爭於利矣。故夏田廣宅，民無所之，不耻爲利者滿朝市，列田畜者滿郡國，橫暴掣頓，大第巨舍之旁，道路且不通，此回難醫而不可爲工。大夫勃然作色，默而不應。

## 鹽鐵論石第三十一

丞相曰：吾聞諸鄭長孫曰：君子正顏色則遠暴慢，出辭氣則遠鄙倍矣。故言可述，行可則，此有司夙昔所願親也。若夫劍客，論博奕辯盛色而相，蘇秦立權以不相，假使有司不能取賢良之議，而賢良文學被不遜之名，竊爲諸生不取也。公孫龍有言曰：論之爲道辯，故不可以不屬意，屬意相寬，相寬其歸爭，爭而不讓，則入於鄙。今有司以不仁，又蒙素塗，無以更責雪耻矣。縣官所招舉賢良文學，而及親民偉仕，亦未見其能用箴石而醫百姓之疾也。賢良曰：賈生有言曰：懇言則辭淺而不入，深言則逆耳而失指，故曰談何容易，談且不易，而況行之乎？此胡建所以不得其死，而吳得幾不免於患也。語曰：五盜執一良人，枉木惡直繩。今欲下箴石通關，則恐有盛胡之累，袁箴囊艾，則被不工之名，狼跋其胡，載馳其尾。君子之路，行止之道固狹耳。此子石所以歎也。

## 除狄第三十二



大夫曰。賢者處大林。遭風雷而不迷。愚者雖處平敞大路。猶暗惑焉。今守相親剖符寶。拜蒞一郡之衆。古方伯之位也。受命專制。宰割千里。不御於內。善惡在於己。己不能故耳。道何狹之有哉。賢良曰。古之進士也。鄉擇而里選。論其才能。然後官之。勝職任。然後爵而祿之。故士修之鄉曲。升諸朝廷。行之幽隱。明足顯著。疏遠無失士。小大無遺功。是以賢者進用。不肯者餽黜。今吏道壅而不通。富者以財買官。勇者以死射功。戲車鼎蹕。咸出補吏。累功積日。或至卿相。垂青繩。擢銀龜。擅殺生之柄。享萬民之命。弱者猶使爭將狼也。其亂必矣。強者則是予狂夫利劍也。必妄殺生也。是以往者。郡國黎民相乘而不能理。或至錮頸殺不辜而不能正。執網紀非其道。蓋博亂愈甚。古者封賢祿能。不過百里。百里之中而爲郡。疆垂不過五十。猶以爲一人之身。明不能照。聽不得達。故立卿大夫士以佐之。而政治乃備。今守相或無古諸侯之賢。而蒞千里之政。主一郡之衆。施聖主之德。擅生殺之法。至重也。非仁人不能任。非其人不能行。一人之身。治亂在己。千里與之轉化。不可不熟擇也。故人主有私人以財。不私人以官。懸賞以待功。序爵以俟賢。舉善若不足。黜惡若仇讎。固爲其非功而殘百姓也。夫傳主德開臣途。在於選賢而器使之。擇練守相。然後任之。

### 疾貪第三十二

大夫曰。然。爲醫以拙矣。又多求謝。爲吏既多不戾矣。又侵漁百姓。長吏屬諸小吏。小吏屬諸百姓。故不患擇之不熟。而患求之與得異也。不患其不足也。患其貪而無厭也。賢良曰。古之制爵祿也。卿大夫足以潤賢厚士。足以優身及黨。庶人爲官者。足以代其耕而食其祿。今小吏祿薄。郡國縣役。遠至三輔。粟米貴不足相贍。常居則匱於衣食。有故則賣畜粥業。非徒是也。縣使相遺。官庭攝追。小計權吏行施。乞貸長吏。侵漁上府下求之縣。縣求之鄉。鄉安取之哉。語曰。貨賂下流。猶水之赴下。不竭不止。今大川江河。飲巨海。巨海受之。而欲谿谷之讓流源。百官之廉不可得也。夫欲影正者端其表。欲下廉者先之身。故貪鄙在率不在下。教訓在政不在民也。大夫曰。賢不肯有質而貪鄙有性。君子內潔己而不能純教於彼。故周公非不正管蔡之邪。子產非不正鄧皙之僞也。夫內不從父兄之教。外不畏刑法之罪。周公子產不能化必也。今一二則責之有司。有司豈能縛其手足而使之無爲非哉。賢良

曰。罰馬不馴。御者之過也。百姓不治。有司之罪也。春秋刺譏。不及庶人。責其率也。故古者大夫將臨刑。聲色不御。刑以當矣。猶三巡而嗟嘆之。其耻不能以化而傷其不全也。政教闇而不著。百姓顛蹶而不扶。猶赤子臨井焉。聽其入也。若此。則何以爲民父母。故君子急於教。緩於刑。刑一而正百。殺一而慎萬。是以周公誅管蔡而子產誅鄧皙也。刑誅一施。民遵禮義矣。夫上之化下。若風之靡草。無不從教。何一一而縋之也。

### 後刑第三十四

大夫曰。古之君子。善善而惡惡。人君不畜惡民。農夫不畜無用之苗。無用之苗。苗之害也。無用之民。民之賊也。鉏一害而衆苗成。刑一惡而萬民悅。雖周公孔子。不能釋刑而用惡。家之有鉏。子器皿不居。况鉏民乎。民者教於愛而聽刑。故刑所以正民。鉏所以別苗也。賢良曰。古者篤教以導民。明辟以正刑。刑之於治。猶策之於御也。良工不能無策而御。有策而勿用。聖人假法以成教。教成而刑不施。故威厲而不殺。刑設而不犯。今廢其紀綱而不能張。壞其禮義而不能防。民陷於罔。從而獵之。以刑。是猶開其閹牢。發以毒矢也。不盡不止。曾子曰。上失其道。民散久矣。如得其情。即哀矜而勿喜。夫不傷民之不治。而伐己之能得。姦猶弋者覩鳥獸挂罽羅而喜也。今天下之被誅者。不必有管蔡之邪。鄧皙之傷。恐苗盡而不別。民欺而不治也。孔子曰。人而不仁。疾之已甚。亂也。故民亂反之。政政亂反之身。身正而天下定。是以君子嘉善而矜不能。恩及刑人。德潤窮夫。施惠悅爾。行刑不樂也。

### 授時第三十五

大夫曰。共其地居是世也。非有災害疾疫。獨以貧窮。非情則奢也。無奇業旁入。而猶以富給。非儉則力也。今日施惠悅爾。行刑不樂。則是閔無行之人。而養情奢之民也。故妄予不爲惠。惠惡者不爲仁。賢良曰。三代之盛。無亂萌教也。夏商之季世。無順民俗也。是以王者設庠序。明教化。以防道其民。及政教之治。性仁而喻善。故禮義立。則耕者讓於野。禮義壞。則君子爭於朝。人爭則亂。亂則天下不均。故或貧或富。富則仁生。賸則民爭止。昏暮叩人門戶。求水火。貪夫不悛。何則。所饒也。夫爲政而使菽粟如水火。民安有不仁者乎。大夫曰。博戲馳逐之徒。皆富人子弟。

非不足者也。故民饒則僭侈。富則驕奢。坐而委蛇。起而爲非。未見其仁也。夫居事不力。用財不節。雖有財如水火。窮乏可立而待也。有民不富。有司雖助之耕織。其能足之乎。賢良曰。周公之相成王也。百姓饒樂。國無窮乏。人非代之耕織也。易其田疇。薄其稅斂。則民富矣。上以奉君親。下無飢寒之憂。則教可成也。語曰。既富矣。又何加焉。曰。教之以德。齊之以禮。則民從義而從善。莫不入孝出悌。夫何奢侈暴慢之有。管子曰。倉廩實而知禮節。百姓足而知榮辱。故民易與適禮。難與適道。大夫曰。縣官之於百姓。若慈父之於子也。忠焉能勿誨乎。愛之而勿勞乎。故春親耕以勸農。賑貸以贍不足。通漕水出輕輿。使民務時也。蒙恩被澤而至今猶以貧困。其難與適道若是夫。賢良曰。古者春省耕以補不足。秋省斂以助不給。民勤於財則貢賦省。民勤於力則功業卒。爲民愛力。不奪須臾。故召伯聽斷於甘棠之下。爲妨農業之務也。今時雨澍澤。種懸而不得播。秋稼零落乎野而不得收。田疇赤地而停落成市。發春而後懸青幡而策土牛。殆非明主勸耕稼之意。而春令之所謂也。

## 水旱第三十六

大夫曰。禹湯聖主。后稷伊尹賢相也。而有水旱之災。水旱天之所爲。饑饉陰陽之運也。非人力。故太歲之數在陽爲旱。在陰爲水。六歲一饑。十二歲一荒。天道然。殆非獨有司之罪也。賢良曰。古者政有德。則陰陽調。星辰理。風雨時。故循行於內。聲聞於外。爲善於下。福應於天。周公載紀而天下太平。國無天傷。歲無荒年。當此之時。雨不破塊。風不鳴條。旬而一雨。雨必以夜。無丘陵高下皆熟。詩曰。有餘薈薈。與雨祁祁。今不省其所然。而曰陰陽之運也。非所聞也。孟子曰。野有餓殍。不知收也。狗彘食人食。不知檢也。爲民父母。民饒而死。則曰非我也。歲也。何異乎以刃殺之。則曰非我也。兵也。方今之務。在除饑寒之患。罷鹽鐵。退權利。分土地。趣本業。養桑麻。盡地力也。寡功節用。則民自富。如是。則水旱不能憂。凶年不能累也。大夫曰。議者貴其辭約而指明。可於衆人之聽。不至繁文稠辭。多言害有司化俗之計。而家人語陶朱爲生。本末異徑。一家數事。而治生之道乃備。今縣官鑄農器。使民務本。不營於末。則無饑寒之累。鹽鐵何害而罷。賢良曰。農天下之大業也。鐵器。民之大用也。器用便利。則用力少而得作多。農夫樂事勸功。用不具。則田疇荒。穀不殖。用力鮮。功自半。器便與不便。其功相什而倍也。縣官鼓鑄鐵器。大抵多爲

大器務應具程。不給民用。民用鈍弊。割草不痛。是以農夫作劇。得獲者少。百姓苦之矣。大夫曰。卒徒工匠。以縣官日作公事。財用饒。器用備。家人合會。獨於日而勤於用。鐵力不銷鍊。堅柔不和。故有司請撻鹽鐵。一其用。平其賈。以便百姓公私。雖虞夏之爲治。不易於此。吏明其教。工致其事。則剛柔和。器用便。此則百姓何苦而農夫何疾。賢良曰。卒徒工匠。故民得占租鼓鑄。煮鹽之時。鹽與五穀同賈。器和利而中用。今縣官作鐵器多苦惡。用費不省。卒徒煩而力作不盡。家人相一。父子戮力。各務爲善器。器不善者不集。農事急。輒運衍之阡陌之間。民相與市買。得以財貨五穀新弊易貨。或時賈民不棄作業。置田器。各得所欲。更繇省約。縣官以徒復作。繕治道橋。諸發民便之。今總其原。壹其賈。器多堅穩。善惡無所擇。吏數不在器難得。家人不能多儲。多儲則鎮生。秦膏腴之日。遠市田器。則後良時。鹽鐵賈貴。百姓不便。貧民或木耕手耨。土糲啖食。鐵官賣器不售。或頗賦與民。卒徒作不中呈。時命助之。發徵無限。更繇以均劇。故百姓疾苦之。古者千室之邑。百乘之家。陶冶工商。四民之求。足以相更。故農民不離畦畝而足平田器。工人不斬伐而足平陶冶。不耕田而足平粟米。百姓各得其便而上無事焉。是以王者務本不作末。去炫耀。除雕琢。湛民以禮。示民以樸。是以百姓務本而不營於末。

崇禮第二十七

大夫曰。飾几杖。脩樽俎。爲賓非爲主也。炫耀奇怪。所以陳四夷。非爲民也。夫家人有客。尚有倡優奇變之樂。而況縣官乎。故列羽旄陳戎馬以示威武。奇蟲珍怪。所以示懷廣遠。明德遠國。莫不至也。賢良曰。王者崇禮施德。上仁義而賤怪力。故聖人絕而不言。孔子曰。言忠信。行篤敬。雖蠻貊之邦。不可棄也。今萬方絕國之君。奉贊獻者。懷天子之盛德。而欲觀中國之禮儀。故設明堂辟雍以示之。揚干戚昭雅頌以風之。今乃玩好不用之器。奇蟲不畜之獸。角抵諸戲。炫耀之物。陳夸之殆。與周公之待遠方殊。昔周公處謙以阜土。執禮以治下。天下辭越裳之贊。見恭讓之禮。既與入文王之廟。是見大孝之禮也。目覩威儀。千戚之容。耳聽清歌雅頌之聲。心充至德。欣然以歸。此四夷所以慕義內附。非重譯欲覲來觀。狂獸熊羆也。夫犀象兕虎。南夷之所多也。犀象彫飾。北狄之常畜也。中國所鮮。外國賤之。南越以孔雀珥門戶。崑山之旁。以玉璞抵鳥鵲。今貴人之所賤。珍人之所饒。非所以厚中國。明盛德。

也。隋和之名寶也。而不能安危存亡。故喻德示威。惟賢臣夏相。不在大馬珍怪。是以聖王以賢爲寶。不以珠玉爲寶。昔晏子脩之罽組之閒。而折衝乎千里。不能者雖隋和備。無益於存亡。大夫曰。晏子相齊三君。崔慶無道。叔其君。亂其國。豐公同圍。莊公弑死。景公之時。晉人來攻。取垂都。舉臨菑。邊邑創。城郭焚。宮室燬。寶器盡。何衝之所能折乎。由此觀之。賢良所言。賢人爲寶。則損益無輕重也。賢良曰。管仲去魯入齊。齊霸魯削。非恃其衆而歸齊也。佐子胥挾弓干闔閭。破楚入郢。非負其兵而適吳也。故賢者所在國重。所去國輕。楚有子玉得臣。文公側席。虞有宮之奇。晉獻不寐。夫臣所在。辟除開塞者亦遠矣。故春秋曰。山有虎豹。葵藿爲之不採。國有賢士。邊境爲之不害也。

### 備胡第二十八

大夫曰。鄙語曰。賢者容不辱。以世俗言之。鄉曲有桀。人尙辟之。今明天子在上。匈奴公爲寇。侵擾邊境。是仁義犯而葵藿不採。昔狄人侵太王。匡人畏孔子。故不仁者。仁之賊也。是以縣官厲武以討不義。設機械以備不仁。賢良曰。匈奴處沙漠之中。生不食之地。天所賤而棄之。無壇宇之居。男女之別。以廣野爲閭里。以穹廬爲家室。衣皮蒙毛。食肉飲血。會市行牧豎居。如中國之麋鹿耳。好事之臣。求其義。責之禮。使中國干戈。至今未息。萬里設備。此免置之所刺。故小人非公侯腹心干城也。大夫曰。天子者。天下之父母也。四方之衆。其義莫不願爲臣妾。然猶脩城郭。設關梁。厲武士。備衛於宮室。所以遠折難而備萬方者也。今匈奴未臣。雖無事。欲釋備如之何。賢良曰。吳王所以見禽於越者。以其越近而陵遠也。秦所以亡者。以外備胡越而內亡其政也。夫用軍於外。政敗於內。備爲所患。增主所憂。故人主得其道。則遐邇潛行而歸之。文王是也。不得其道。則臣妾爲寇。秦是也。夫文衰則武勝。德盛則備寡。大夫曰。往者四夷俱強。並爲寇虐。朝鮮踰徼。玁狁之東。東越東海。略浙江之南。南越內侵。滑服令氏。棘人丹徒。唐昆明之屬。擾隴西巴蜀。今三垂已平。唯北邊未定。夫一舉則匈奴中外震懼。釋備而何算也。賢良曰。古者君子立仁脩義。以綏其民。故邇者習善。遠者順之。是以孔子仕於魯。前仕三月及齊。平。後仕三月及鄭。平。務以德安近而綏遠。當此之時。魯無敵國之難。鄰境之患。強臣變節而忠順。故季桓驪其都城。大國長義而合好。齊

人來歸鄆謹龜陰之田。故爲政而以德。非獨辟害折衝也。所欲不求而自得。今百姓所以蠶蠶中外不寧者。咎在匈奴。內無室宇之守。外無田疇之積。隨美草甘水而驅牧。匈奴不變業而中國以騷動矣。風合而雲解。就之則亡。擊之則散。未可一世而舉也。大夫曰。古者明王討暴衛弱。定傾扶危。則小國之君悅。討暴定傾。則無罪之人附。今不征伐則暴害不息。不備則是以黎民委敵也。春秋貶諸侯之後。刺不卒戍。行役戍備。自古有之。非獨今也。賢良曰。匈奴之地廣大。而戎馬之足輕利。其勢易騷動也。利則虎兇。病則鳥折。辟鋒銳而牧罷極。少發則不足以更適。多發則民不堪其役。役煩則力罷。用多則財乏。二者不息。則民遺怨。此秦之所失。民心隕社稷也。古者天子封畿千里。繇役五百里。勝聲相聞。疾病相恤。無過時之師。無踰時之役。內節於民心而事適其力。是以行者勸務而止者安業。今山東之戎馬。甲士戍邊郡者。絕殊遠。身在胡越。心懷老母。老母垂泣。室婦悲恨。推其飢渴。念其寒苦。詩云。昔我往矣。楊柳依依。我今來思。雨雪霏霏。行道遲遲。載渴載飢。我心傷悲。莫之我哀。故聖人憐其如此。閱其久去父母妻子。暴露中野。居寒苦之地。故春使使者勞賜。舉失職者。所以哀遠民而慰撫老母也。德惠甚厚。而吏未稱奉職。承詔以存恤。或侵侮士卒。與之爲市。并力兼作。使之不以理。故也。士卒失職。而老母妻子感恨也。宋伯姬愁思。而宋國火。魯妾不得意。而魯寢災。今天下不得其意者。非獨西宮之女。宋之老母也。春秋動衆則書。重民也。宋人圍長葛。讒久役也。君子之用心必若是。大夫默然不對。

執務第三十九

丞相曰。先王之道。軼人而難復。賢良文學之言。深遠而難行。夫稱上聖之高行。道至德之美。言非當世之所能及也。願聞方今之急務。可復行於政。使百姓咸足於衣食。無乏困之憂。風雨時。五穀熟。螟蝗不生。天下安樂。盜賊不起。流人還歸。各反其田里。吏皆廉正。故以奉職。元元各得其理也。賢良曰。孟子曰。堯舜之道。非遠人也。而人不思之耳。詩云。求之不得。寤寐思服。有求如關雎。好德如河廣。何不濟不得之有。故高山仰止。景行行止。雖不能及。難道不遠也。顏淵曰。舜獨何人也。回何人也。夫思賢慕能。從善不休。則成康之俗可致。而唐虞之道可及。公卿未思也。先王之道。何遠之有。齊桓公以諸侯思王政。憂周室。匡諸夏之難。平夷狄之亂。存亡接絕。信義大行。著于天下。

邵陵之會。予之爲主。傳曰。予積也。故土積而成山阜。水積而成江海。行積而成君子。孔子曰。吾於河廣。知德之至也。而欲得之。各反其本。復諸古而已。古者。行役不踰時。春行秋反。秋行春來。暑暑未變。衣服不易。固已還矣。夫婦不失時。人安和如適。獄訟平。刑罰得。則陰陽調。風雨時。上不苛擾。下不煩勞。各脩其業。安其性。則螟螣不生。而水旱不起。賦斂省。而農不失時。則百姓足。而流人歸其田里。上清靜而不欲。則下廉而不貪。若今。則繇役極遠。盡塞苦之地。危難之處。涉胡越之域。今茲往而來歲旋。父母延頸而西望。男女怨曠而相思。身在東楚。志在西河。故一人行而鄉曲恨。一人死而萬人悲。詩云。王事靡盬。不能蓺稷黍。父母何怙。念彼恭人。涕零如雨。豈不懷歸。畏此罪罟。吏不奉法。以存撫。倍公任私。各以其權。充其嗜欲。人愁苦而怨思。上不恤理。則惡政行。而邪氣作。邪氣作。則蟲螟生。而水旱起。若此。雖禱祀零祝。用事百神無時。豈能調陰陽而息盜賊矣。

## 能言第四十

大夫曰。盲者口能言白黑。而無目以別之。儒者口能言治亂。無能以行之。夫坐言不行。則牧童秦烏獲之力。達須苞堯舜之德。故使言而近。則儒者何患於治亂。而盲人何患於白黑哉。言之不出。恥躬之不逮。故卑而言高。能言而不能行者。君子恥之矣。賢良曰。能言而不能行者。國之寶也。能行而不能言者。國之用也。兼此二者。君子也。無一者。烏獲逢須也。言滿天下。德覆四海。周公是也。口言之。躬行之。豈若默然載施其行而已。則執事亦何患何耻之有。今道不舉。而務小利。慕於不急。以亂羣意。君子雖貧。勿爲可也。藥酒。病之利也。正言。治之藥也。公卿誠能自強。忍食文學之至言。去權詭。罷利官。一歸之於民。親以周公之道。則天下治。而頌聲作。儒者安得治亂而患之乎。

## 鹽鐵取下第四十一

大夫曰。不軌之民。困撓公利。而欲擅山澤。從文學賢良之意。則利歸於下。而縣官無可爲者。上之所行。則非之上。之所言。則譏之。專欲損上。徇下。虧主而適臣。尙安得上下之義。君臣之禮。而何頌聲能作也。賢良曰。古者上取有

量。自貧有度。樂歲不盜。年饑則肆。用民之力。不過歲三日。籍斂不過十一。君篤愛。臣盡力。上下交讓。天下平。浚發爾私。上讓下也。遂及我私。先公職也。孟子曰。未有仁而遺其親義而後其君也。君若臣臣。何齊其無禮義乎。及周之末塗。德惠塞而嗜欲衆。君奢侈而上求多。民困於下。怠於公平。是以有履畝之稅。碩鼠之詩作也。衛靈公當隆冬興衆穿池。海春諫曰。天寒百姓凍餒。願公之罷役也。公曰。天寒哉。我何不寒哉。人之言曰。安者不能恤危。飽者不能食餓。故餘梁肉者。難爲言隱約。處佚樂者。難爲言勤苦。夫高堂邃宇。廣廈洞房者。不知專屋狹廬。上漏下濕者之廬也。繫馬百駟。貨財充內。儲陳納新者。不知有且無暮。稱貨者之急。廣第廈園。良田連比者。不知無運踵之業。竄頭宅者之役也。原馬被山。牛半滿谷者。不知無孤豚瘠犢者之糞也。高枕談臥。無叫號者。不知憂私責與吏正威者之愁也。被執驅車。搏梁留肥者。不知短褐之寒。糲粥之苦也。從容房閨之間。垂拱持案食者。不知驅耒躬耕者之勤也。乘堅驅良。列驕成行者。不知負擔步行者之難也。同牀旃席。侍御滿側者。不知負輅執轡。登高絕流者之難也。衣輕暖。被英裘。處溫室。戴安車者。不知乘邊城。飄胡代。鄉情風者之危寒也。妻子好合。子孫保之。不知老母之顛頓。匹婦之悲恨也。耳聽五音。目視俳優者。不知蒙流矢。距敵方外之死者也。東嚮伏几。振筆如文調者。不知求索之急。簞楚之痛者也。坐府茵之上。安圖籍之言。若易然。亦不知步涉者之難也。昔商鞅之任秦也。刑人若刈。管芳用師若彈丸。從軍旅者。暴骨長城。戍漕者。輦車相望。生而往。死而旋。彼獨非人子耶。故君子仁以恕。義以度。所好惡與天下共之。所不施不仁者。公劉好貨。居者有積行者有囊。大王好色。內無怨女。外無曠夫。文王作刑。國無怨獄。武王行師。士樂爲之死。民樂爲之用。若斯。則民何苦而怨。何求而譏。公卿愀然。寂若無人。於是遂罷議止詞。奏曰。賢良文學。不明縣官事。猥以鹽鐵而爲不便。請且罷郡國權沽。關內鐵官。奏可。

## 學之第四十二

賢良曰。文學既拜。咸取刻大夫。辭丞相御史。大夫曰。前議公事。賢良文學稱引往古。頗乖世務。論者不必相反。期於可行。往者縣官未事胡越之時。邊城四面受敵。北邊尤被其苦。先帝絕三方之難。撫從方國以爲蕃蔽。窮極郡國以討匈奴。匈奴壞界獸圍。孤弱無與此困亡之時也。邊遠不遂。使得復喘息。休養士馬。負給西域。西域追近。胡



寇沮心內解。必爲巨患。是以主上欲掃除煩倉廩之費也。終日逐禽罷而釋之。則非計也。蓋舜紹緒禹成功。今欲以小舉擊之。何如。文學曰。異時縣官修輕賦。公用饒。人富給。其後保胡越。通四夷。費用不足。於是與利害。籌車紅以警助邊。贖罪告緡。與人以惠矣。甲士死於軍旅。中士罷於轉漕。仍之以科適吏。徵發極矣。夫勞而息之。極而反本。古之道也。雖舜禹興不能易也。大夫曰。昔夏后底洪水之災。百姓孔勤。罷於籠帶。及至其後。咸享其功。先帝之時。郡國頗煩於戎事。然亦寬三陲之役。語曰。見機不遂者隕功。一日逢敵。累世爲患。休勞用供。困弊乘時。帝王之道。聖賢之所不能失也。功業有緒。惡勞而不卒。猶耕者勸休而困止也。夫事輟者無功。耕怠者無獲也。文學曰。地廣而不得者國危。兵強而凌敵者身亡。虎兕相據而讎讎得志。兩敵相機而匹夫乘閒。是以聖王見利慮害。見遠存近。方今爲縣官計者。莫若偃兵休士。厚幣結和親。修文德而已。若不恤人之急。不計其難弊。持以窮無用之地。亡十獲一。非文學之所知也。

### 結和第四十三

大夫曰。漢興以來。修好結和親。所聘遣單于者甚厚。然不紀重質厚賂之故。改節而暴害滋甚。先帝觀其可以武折而不可以德懷。故廣將帥。招奮擊以誅厥罪。功勳粲然。著於海內。藏於記府。何命亡十獲一乎。夫偷安者後危。慮近者憂邇。賢者離俗。智士擅行。君子所慮。衆庶疑焉。故民可與觀成。不可與圖始。此有司所獨見。而文學所不親。文學曰。往者匈奴結和親。諸夷納貢。即君臣外內相信。無胡越之患。當此之時。上求寡而易。民安樂而無事。耕田而食。桑麻而衣。家有數年之積。縣官餘貨財。閭里耆老。或及其澤。自是之後。退文任武。苦師勞衆。以略無用之地。立郡沙石之間。民不能自守。發屯乘城。執鞬而瞻之。懸竊見其亡。不親其成。大夫曰。匈奴以虛名市於漢而實不從。數爲蠻貊所給。不痛之何故也。高皇帝仗劍定九州。今以九州而不行於匈奴。閭里常民。尙有鼻散。况萬里之主。與小國之匈奴乎。夫以天下之力。勤何不權。以天下之士。民何不服。今有帝名而威不信長城。反賂遺而舍踞敖。此五帝所不忍。三王所畢怒也。文學曰。湯事夏而卒服之。周事殷而卒滅之。故以大御小者王。以強凌弱者亡。聖人不因其衆以兼國。夏御不因其馬以兼道。故造父之御不失和。聖人之治不倍德。秦攝利衡以御宇內。

執脩篲以筮入極。膠股以罷而鞭策愈加。故有傾衡遺篲之變。士民非不衆。力勤非不多也。皆內倍外附而莫爲用。此高皇帝所以仗劍而取天下也。夫兩主好合。內外交通。天下安寧。世世無患。士民何事。三王何怒焉。大夫曰。伯翳之始封秦地。爲七十里。穆公開霸。孝公廣業。自卑至上。自小至大。故先祖基之。子孫成之。軒轅戰涿鹿。殺兩驪蚩尤而爲帝。湯武伐夏商。誅桀紂而爲王。黃帝以戰成功。湯武以伐成孝。故手足之勤。腹腸之養也。當世之務。後世之利也。今四夷內侵不攘。萬世必有此長患。先帝興義兵以誅暴強。東滅朝鮮。西定丹驍。南擒百越。北挫強胡。李牧追匈奴以廣北州。湯武之舉。蚩尤之兵也。故聖主斥地。非私其利。用兵。非徒奮怒也。所以匡難辟害。以爲黎民遠慮。文學曰。秦南禽勁越。北卻強胡。竭中國以役四夷。人罷極而主不恤。國內潰而上不知。是以一夫倡而天下和。兵破陳涉。地奪諸侯。何嗣之所利。詩云。雍雍鳴駟。旭日始旦。登得前利。不念後咎。故吳王知伐齊之便。而不知干遂之患。秦知進取之利。而不知鴻門之難。是以知一而不知十也。周謹小而得大。秦欲大而亡小。語曰。前車覆。後車戒。殷監不遠。在夏后之世矣。

誅秦第四十四

大夫曰。秦楚燕齊。周之封國也。三晉之君。齊之田氏。諸侯家臣也。內守其國。外伐不義。地廣壤進。故立號萬乘。而爲諸侯宗。周室脩禮長文。然國翦弱。不能自存。東據大國。西畏於秦。身以放遷。宗廟絕祀。賴先帝大惠。紹興其後。封嘉潁川。號周子男君。秦既并天下。東絕沛水。并滅朝鮮。南取陸梁。北卻胡狄。西略氏羌。立帝號。朝四夷。舟車所通。足迹所及。靡不畢至。非服其德。畏其威也。力多則人朝。力寡則朝於人矣。文學曰。禹舜禹之佐也。湯文。夏商之臣也。其所以從八極而朝海內者。非以陸梁之地。兵革之威也。秦楚三晉號萬乘。不務積德而務相侵。搆兵爭強。而卒俱亡。雖以進壤廣地。如食藟之充腸也。欲其安存。何可得也。夫禮讓爲國者。若江海流。彌久不竭。其本美也。苟爲無本。若蒿火暴怒而無繼。其亡可立而待。戰國是也。周德衰。然後列於諸侯。至今不絕。秦力盡而滅其族。安得朝人也。大夫曰。中國與邊境。猶支體與腹心也。夫肌膚寒於外。腹腸疾於內。內外之相勞。非相爲助也。唇亡則齒寒。支體傷而心憊。故無手足則支體廢。無邊境則內國害。昔者戎狄攻太王於邠。踰岐梁而與秦界於涇渭。

東。至晉之陸渾。侵暴中國。中國疾之。今匈奴蠶食內侵。遠者不離其苦。獨邊境蒙其敗。詩云。憂心慘慘。念國之爲虐。不征備則暴害不息。故先帝興義兵以征厥罪。遂破祁連天山。散其聚黨。北略至龍城。大圍匈奴。單于失魂。僅以身免。乘奔逐北。斬首捕虜十餘萬。控弦之民。旃裘之長。莫不沮膽。挫折遠遁。遂乃振旅渾耶。率其衆以降。置五屬國以距胡。則長城之內。河山之外。罕彼寇讐。於是下詔令減戍。遭寬徭役。初雖勞苦。卒獲其慶。文學曰。周累世積德。天下莫不願以爲君。故不勞而王。恩施由近及遠。而蠻貊自至。秦任戰勝以并天下。小海內而貪胡越之地。使蒙恬擊胡。取河南以爲新秦。而亡其故秦。築長城以守胡。而亡其所守。往者兵革亟動。師旅數起。長城之北。旋車遺鐵相望。及李廣利等輕計還馬足。莫不寒心。雖得渾耶。不能更所亡。此非社稷之至計也。

### 伐功第四十五

大夫曰。齊桓公越燕伐山戎。破孤竹。殘令支。趙武靈王踰句注。過代谷。略滅林胡樓煩。燕襲走東胡。辟地千里。度遼東而攻朝鮮。蒙公爲秦舉走匈奴。若驚鳥之追羣雀。匈奴勢懼。不敢南面而望十餘年。及其後。蒙公死而諸侯叛秦。中國擾亂。匈奴紛紛乃敢復爲邊寇。夫以小國燕趙。尙猶卻寇虜以廣地。今以漢國之大。士民之力。非特齊桓之衆。燕趙之師也。然匈奴久未服者。羣臣不并力。上下未諧故也。文學曰。古之用師。非貪壤土之利。救民之患也。民思之若旱之望雨。箠食壺漿以逆王師。故憂人之患者。民一心而歸之。湯武是也。不愛民之死力盡而潰叛者。秦王是也。孟子曰。君不鄉道。不由仁義。而爲之強戰。雖克必亡。此中國所以擾亂。非蒙恬死而諸侯叛秦。昔周室盛也。越裳氏來獻。百蠻致貢。其後周衰。諸侯力征。蠻貊分散。各有聚黨。莫能相一。是以燕趙能得意焉。其後匈奴稍強。蠶食諸侯。故破走月支氏。因兵威徙小國引弓之民。并爲一家。一意同力。故難制也。前君爲先帝畫匈奴之策。兵據西域。奮之便勢之地。以候其變。以漢之強。攻於匈奴之衆。若以強弩攢疲瘵。越之禽吳。豈足道哉。上以爲然。用君之義。聽君之計。雖越王之任種蠡。不過以搜粟都尉爲御史大夫。持政十有餘年。未見種蠡之功。而見靡弊之効。匈奴不爲加悅。而百姓黎民以敝矣。是君之策。不能弱匈奴而反衰中國也。等爲計者。固若此乎。

### 西域第四十六

大夫曰。往者匈奴據河山之險。擅田牧之利。民富兵強。行入爲寇。則匈奴注之內驚動。而上郡以南咸城。文帝時。虜入蕭關。烽火通甘泉。群臣懼。不知所出。乃請屯京師以備胡。胡西役大宛。康居之屬。南與群羌通。先帝推讓斥奪廣饒之地。建張掖以西。隔絕羌胡。瓜分其援。是以西域之國。皆內拒匈奴。斷其右臂。瓜劍而走。故募人田畜以廣用。長城以南。濱塞之郡。馬牛放縱。蓄積布野。不觀其計之所過也。夫以弱越而遂意強吳。才地計衆非鈞也。主恩臣謀。其往必矣。文學曰。吳越迫於江海三川循環之處。於五湖之間。地相迫。壤相次。其勢易以相禽也。金鼓未聞。旌旗未舒。行陣未定。兵以接矣。師無輜重之費。士無乏絕之勞。此所謂食於厩倉而戰於門郊者也。今匈奴牧於無窮之澤。東西南北。不可窮極。雖輕車利馬。不能得也。充負重羸兵以求之。其勢不相及也。茫茫乎若行九臯。未知所止。皓皓乎若無網羅。而漁江海。雖及之。三軍罷弊。適遺之餌也。故明王知其所無利。以爲役不可數行。而權不可久張也。故詔公卿大夫賢良文學。所以復枉輿徵之路。公卿宜思百姓之急。匈奴之害。緣聖主之心。定安平之業。今乃留心於未討。雖本議不順上意。未爲盡於忠也。大夫曰。初貳師不克宛而還也。議者故使人主不遂。忿則西域皆瓦解。而附於胡。胡得衆國而益強。先帝絕奇聽行武威。還襲宛。宛舉國以降。効其器物。致其寶馬。烏孫之屬駭膽。請爲臣妾。匈奴失魄。奔走遁逃。雖未盡服。遠處寒苦。境埆之地。壯者死於祁連天山。其孤未復。故羣臣議以爲匈奴困於漢兵。折翅傷翼。可遂擊服。會先帝棄群臣。以故匈奴不革。譬如爲山。未成一簣而止。度功業而無斷成之理。是棄與胡而資強敵也。輟幾沮成。爲主計若斯。亦未可謂盡忠也。文學曰。有司言外國之事。議者皆激一時之權。不慮其後。張壽言大宛之天馬。奸血。安息之真玉。大鳥。縣官既聞。如甘水焉。乃大興師伐宛。歷數期而後克之。夫萬里而攻人之國。兵未戰而物故過半。雖破宛得寶馬。非計也。嘗此之時。將卒方赤面而事四夷。師旅相望。郡國並發。黎人困苦。姦僞萌生。盜賊並起。守尉不能禁。城邑不能止。然後遣上大夫衣繡衣。以興華之。當此時。百姓元元。莫必其命。故山東豪傑。頗有異心。願先帝聖靈。斐然其咎。皆在於欲舉匈奴而遠幾也。爲主計若此。可謂忠乎。

大夫曰。諸生妄言讖者。令可詳用。無徒守椎車之語。滑稽而不可修。夫漢之有匈奴。譬若木之有蠹。如人有疾。不治則寢以深。故謀臣以爲擊。以困極之。諸生言以德懷之。此有其語而不可行也。諸生上無以似三王。下無以似近秦。令有司可舉而行。當世安泰。庶而寧邊境者乎。文學曰。昔齊桓公內附百姓。外綏諸侯。存亡接絕。而天下從風。其後德虧。行衰。葵丘之會。振而矜之。叛者九國。春秋刺其不崇德而崇力也。故任德則強。楚告服。遠國不召而自至。任力則近者不親。小國不附。此其效也。誠止觀三王之所以昌。下輸秦之所以亡。中述齊桓所以興。去武行文。廢力尙德。罷關梁。除障塞。以仁義導之。則北垂無寇虜之憂。中國無干戈之事矣。大夫曰。事不豫辦。不可以應卒。內無備。不可以禦敵。詩云。詰爾民人。謹爾侯度。用戒不虞。故有文事必有武備。昔宋襄公倍楚而不備。以取大辱焉。身執囚而國幾亡。故雖有誠信之心。不知權變。危亡之道也。春秋不與夷狄中國爲禮。爲其無信也。匈奴貪狠。因時而動。乘可而發。竊寧電至而欲以誠信之心。金帛之寶。而信無義之詐。是猶親蹠躡而扶猛虎也。文學曰。春秋王者無敵。言其仁厚。其德美。天下賓服。莫敢受交也。德行延及方外。舟車所臻。足迹所及。莫不被澤。蠻貊異國。重譯自至。方此之時。天下和同。君臣一德。外內相信。上下輯睦。兵穀而不試。干戈閉藏而不用。老子曰。兇無所用其角。螫蟲無所輸其毒。故君仁莫不仁。君義莫不義。世安得踣躡而親之乎。大夫曰。布心腹。質情素。信誠內感。義形乎色。宋華元楚司馬子反之相親也。符契內合。誠有以相信也。今匈奴挾不信之心。懷不測之詐。見利如前。乘便而起。潛進市側。以襲無備。是猶措重寶於道路而莫之守也。求其不亡。何可得乎。文學曰。誠信著乎天下。醇德流乎四海。則近者哥詠而樂之。遠者執禽而朝之。故正近者不以威。來遠者不以武。德義修而任賢良也。故民之於事。辭佚而就勞。於財也。辭多而就寡。上下交讓。道路厲行。方此之時。賤貨而貴德。重義而輕利。賞之不經。何寶之守也。

## 和親第四十八

大夫曰。昔徐偃行王義而滅。好儒而削。知文而不知武。知一而不知二。故君子篤仁以行。然必築城以自守。設械以自備。爲不仁者之害己也。是以古者蒐獮。振旅而數軍實焉。恐民之愉佚而亡戒難。故兵革者國之用。城壘者

國之固也。而欲罷之。是去表見裏。示匈奴心腹也。匈奴輕舉潛進以襲空虛。是猶不介而當矢石之蹊。禍必不振。此邊境之所懼。而有司之所憂也。文學曰。往者通關梁。交有無。自單于以下。皆親漢內附。往來長城之下。其後王恢謀馬邑。匈奴絕和親。故當路結禍。紛拏而不解。兵連而不息。邊民不解甲弛弩。行數十年。介冑而耕耘。鉏耰而候望。燧烽舉。丁壯孤弦而出關。老者超越而入葆。言之足以流涕塞心。則仁者不忍也。詩云。投我以桃。報之以李。未聞晉往而有惡來者。故君子敬而無失。與人恭而有禮。四海之內。皆爲兄弟也。故內省不疚。夫何憂何懼。大夫曰。自春秋諸夏之君。會聚相結。三會之後。乖離相疑。伐戰不止。六國從親。冠帶相接。然未嘗有堅約。充禽獸之國乎。春秋存君。在楚諸駟之會。書公。治夷狄也。匈奴數和親。而常先犯約。貪侵盜疆。長詐謀之國也。反復無信。百約百叛。若朱象之不移。商均之不化。而欲信其用兵之備。親之以德亦難矣。文學曰。王者中立而聽乎天下。德施方外。絕國殊俗。臻於闕庭。鳳皇在列樹。麒麟在郊藪。群生庶物。莫不被澤。非足行而仁辦之也。推其仁恩而皇之。誠也。范蠡出於越。由余長於胡。皆爲霸王賢佐。故政有不從之教。而世無不可化之民。詩云。酌彼行潦。挹彼注茲。故公劉處戎狄。戎狄化之。大王去幽。幽民隨之。周公修德而越裳氏來。其從善如影響。爲政務以德親近。何憂於彼之不改。

繇役第四十九

大夫曰。屠者解分中理。可橫以手而離也。至其抽筋擊骨。非行金斧不能決。聖主循性而化。有不從者。亦將舉兵而征之。是以湯誅葛伯。文王誅犬夷。及後戎狄猾夏。中國不寧。周宣王仲山甫。式遏寇虐。詩云。薄伐獫狁。至于太原。出車彭彭。城彼朔方。自古明王。不能無征伐。而服不義。不能無城壘。而禦強暴也。文學曰。舜執干戚而有苗服。文王底德而懷四夷。詩云。錫京辟雍。自西自東。自南自北。無思不服。普天下之下。惟人面之倫。莫不引領而歸其義。故畫地爲境。人莫之犯。子曰。白刃可冒。中庸不可入。至德之謂也。故善攻不待堅甲。而克。善守不待渠梁。而固。武王之伐殷也。執黃鉞誓牧之野。天下之士。莫不願爲之用。旣而偃兵。擗笏而朝。天下之民。莫不願爲之臣。旣以義取之。以德守之。秦以力取之。以法守之。本末不得故亡。夫文猶可長用。而武難久行也。大夫曰。詩云。獫狁孔熾。我

是用戒。武夫潰潰，經營四方，故守禦征伐，所由來久矣。春秋譏戎驪未至，豫禦之故。四支強而躬體固，華葉茂而本根據，故飭四境，所以安中國也。發成潰，所以審勞佚也。主憂者臣勞，上危者下死，先帝憂百姓不謫，出禁錢，解乘輿，貶樂損膳，以賑窮備邊費，未見報施之義，而見沮成之理，非所聞也。文學曰：周道衰，王迹熄，諸侯爭強，大小相凌，是以強國務侵，弱國設備，甲士勞戰，殫役於兵革，故君勞而民困苦也。今中國爲一統，而方內不安，徭役遠而外內煩也。古者無過年之繇，無踰時之役，今近者數千里，遠者過萬里，歷二期，長子不還，父母愁憂，妻子詠歎，憤懣之恨，發動於心，慕思之積，痛於骨髓，此杖杜采薇之所爲作也。

### 險固第五十

大夫曰：虎兇，所以能執熊羆服羣獸者，爪牙利而攫便也。秦所以超諸侯，吞天下，并敵國者，險阻固而勢居然也。故龜猖有介，狐貉不能禽，蝮蛇有螫，人忌而不輕，故有備則制人，無備則制於人。故仲山甫補袞職之闕，蒙公築長城之固，所以備寇難而折衝萬里之外也。今不固其外，欲安其內，猶家人不堅垣牆，狗吠夜驚，而闇昧妄行也。文學曰：秦左殺函，右隴阪，前蜀漢，後山河，四塞以爲固，金城千里，良將勇士，設利器而守陁陁，墨子守雲梯之械也，以爲雖湯武復生，蚩尤復起，不輕攻也。然成卒陳勝，無將帥之任，師旅之衆，奮空拳而破百萬之師，無牆籬之難，故在德不在固，誠以行義爲阻，道德爲塞，賢人爲兵，聖人爲守，則莫能入。如此，則中國無狗吠之警，而邊境無鹿駭狼顧之憂矣。夫何妄行而之乎？大夫曰：古者爲國，必察土地，山陵阻險，天時地利，然後可以王霸。故制地城郭，飭溝壘，以禦寇固國。春秋曰：冬，倭誅脩地利也。三軍順天時，以實擊虛，然固於阻險，敵於金城，楚莊之圍宋，秦師敗峭嶽，豈是也？故曰：天時地利，羌胡固近於邊，今不敢取，必爲四境長患。此季孫之所以憂顓臾，有句踐之變，而爲強吳之所侮也。文學曰：地利不如人和，武力不如文德，周之致遠，不以地利，以人和也。百世不奪，非以險以德也。吳有三江五湖之難，而兼於越，楚有汝澗滿堂之固，而滅於秦，秦有隴阪峭嶽而亡於諸侯，晉有河華九河而奪於六卿，齊有泰山巨海而負於田常，桀紂有天下，兼於濟毫，秦王以六合，困於陳涉，非地利不固，無術以守之也。釋邈憂遠，猶吳不內定其國，而西絕淮山，與齊晉爭強也。越因其罷，擊其虛，使吳王用申胥，修德無恃，極其

衆則句踐不免爲藩臣海崖。何謀之敢慮也。大夫曰。楚自巫山起方城。屬巫黔。中設扞關以拒秦。秦包商洛。嶠函以禦諸侯。韓阻宜陽伊闕。要成臯。太行以安周鄭。魏濱洛。築城阻山。帶河以保晉國。趙結飛狐。句注。孟門以存荆代。燕塞碣石。絕邪谷。繞援遼。齊撫阿。關。樂。歷。倚太山。負海。河。梁。關。者。邦國之固。而山川社稷之寶也。徐人滅舒。春秋謂之取。惡其無備。得物之易也。故恤來兵。仁傷刑。君子爲國。必有不可犯之難。易曰。重門擊柝。以待暴客。言備之素脩也。文學曰。阻險不如阻義。昔湯以七千里爲政於天下。舒以百里。亡於敵國。此其所以見惡也。使關梁足恃。六國不兼於秦。河山足保。秦不亡於楚。漢由此觀之。衝隆不足爲強。高城不足爲固。行善則昌。行惡則亡。王者博愛遠施。外內合同。四海各以其職來祭。何擊柝而待傳曰。諸侯之有關梁。庶人之有爵祿。非升平之興。蓋自戰國始也。

論勇第五十一

大夫曰。荆軻懷數年之謀。而事不就者。三尺匕首不足恃也。秦王憚於不意。列斷實育。介七尺之利也。使專諸空拳。不免於爲禽。要離無水。不能遂其功。世言強楚勁鄭。有犀兕之甲。棠谿之鉞也。內據金城。外任利兵。是以威行諸夏。強服敵國。故孟賁奮臂。衆人輕之。怯夫有備。其氣自倍。況以吳楚之士。舞利劍。驟強弩。以與貉虺。騁於中原。一人當百。不足道也。夫如此。則胡無守。谷谿無交。兵力不支。漢其勢必降。此商君之走魏。而孫臏之破梁也。文學曰。楚鄭之棠谿墨陽。非不利也。犀兕甲。非不堅也。然而不能存者。利不足恃也。秦兼六國之師。據峭函而御宇內。金石之固。莫耶之利也。然陳勝無士民之資。甲兵之用。鉏耰棘矜。以破衝隆。武昭不擊。烏號不發。所謂金城者。非謂築壤而高土。鑿地而深池也。所謂利兵者。非謂吳越之鉞。干將之劍也。言以道德爲城。以仁義爲郭。莫之敢攻。莫之敢入。文王是也。以道德爲輔。以仁義爲劍。莫之敢當。莫之敢御。湯武是也。今不建不可攻之城。不可當之兵。而欲任匹夫之役。而行三尺之刃。亦細矣。大夫曰。荆軻提匕首。入不測之強秦。秦王惶恐失守。備衛者皆懼。專諸手劍。歷萬乘。刺吳王。尸孽立。正鎬冠千里。壽政自衛。由韓廷刺其主。功成求得。退自刑於朝。暴尸於市。今誠得勇士。乘強漢之威。凌無義之匈奴。制其死命。責以其過。若曹劌之負齊桓公。遂其求。摧鋒折銳。穹廬援亂。上下相



遁。因以輕銳隨其後。匈奴必交臂不敢格也。文學曰。湯得伊尹。以區區之亳。兼臣海內。文王得太公。廓鄠鄆以爲天下。齊桓公得管仲。以霸諸侯。秦穆公得由余。西戎八國服。聞得賢聖而靈。緡來享。未聞叛殺。人主以懷遠也。詩云。惠此中國。以綏四方。故自彼狄完。莫敢不來王。非畏其威。畏其德也。故義之服無義。浹於原馬。良弓以之召遠。疾於馳傳重驛。

### 論功第五十二

大夫曰。匈奴無城廓之守。溝池之固。脩戟強弩之用。倉廩府庫之積。上無義法。下無文理。君臣嬖易。上下無禮。織柳爲室。旃裘爲蓋。素狐骨銀馬不粟食。內則備不足畏。外則禮不足稱。夫中國天下腹心。賢士之所綴。禮義之所集。財用之所殖也。夫以智謀愚。以義伐不義。若因秋霜而振落葉。春秋曰。桓公之與我狄。驪之爾。充以天下之力。平。文學曰。匈奴車器。無銀黃絲漆之飾。素成而務堅。絲無文采。翟褱曲襟之制。都成而務完。男無刻鏤奇巧之事。宮室城郭之功。女無綺繡淫巧之貢。織絁羅紈之作。事省而致用。易成而難弊。雖無脩戟強弩。戎馬良弓。家有其備。人有其用。一旦有急。貫弓上馬而已。糗糧不見。案首而支數十日之食。因山谷爲城郭。因水草爲倉廩。法約而易辨。求寡而易供。是以刑省而不犯。指麾而令從。嫚於禮而篤於信。略於文而敏於事。故雖無禮義之書。刻骨卷衣。百官有以相記。而君臣上下。有以相使。群臣爲縣官計者。皆言其易而實難。是以秦欲驅之而反。更亡也。故兵者凶器。不可輕用也。其以強爲弱。以存爲亡。一朝爾也。大夫曰。魯連有言。秦權使其士。虐使其民。故政急而不長。高皇帝受命乎暴亂。功德巍巍。惟天同大焉。而文景承緒。潤色之。及先帝征不義。攘無德。以昭仁聖之路。純至德之基。聖王累年仁義之積也。今文學引亡國失政之治。而充之於今。其謂匈奴難圖宜矣。文學曰。有虞氏之時。三苗不服。禹欲伐之。舜曰。是吾德未喻也。退而脩政。而三苗服。不牧之地。不羈之民。聖王不加兵。不事力焉。以爲不足煩百姓而勞中國也。今明主脩聖緒。宣德化。而朝有權使之謀。尙首功之事。臣固怪之。夫人臣席天下之勢。奮國家之用。身享其利而不顧其主。此尉佗章邯所以成王。秦失其政也。孫子曰。今夫國家之事。一日更百變。然而亡者。可得而革也。遽出兵乎。平原廣牧。鼓鳴矢流。雖有堯舜之知。不能更也。戰而勝之。退脩禮義。繼三代之迹。

仁義附矣。戰勝而不休。身死國亡者。吳王是也。大夫曰。順風而呼者。易爲氣。因時而行者。易爲力。文武懷餘力。不爲後嗣計。故三世而德衰。昭王南征。死而不還。凡伯因執而使不通。晉取郊師。王師敗於茅戎。今西南諸夷。楚莊之後。朝鮮之王。燕之亡民也。南越尉佗。起中國。自立爲王。德至薄。然皆亡。天下之大。各自以爲一州。倔強倨敖。自稱老夫。先帝爲萬世度。恐有冀州之累。南荆之患。於是遣左將軍樓船平之。兵不血刃。咸爲縣官也。七國之時。皆據萬乘。南面稱王。提珩爲敵國累世。然終不免首係虜於秦。今匈奴不當漢家之巨郡。非有大國之用。賢士之謀。由此觀難易。察然可見也。文學曰。秦滅六國。虜七王。沛然有餘力。自以爲豈尤不能害。黃帝不能斥。及二世弑死。望夷。子嬰係頸降楚。曾不得七王之俛首。使六國並存。秦尙爲戰。固未亡也。何以明之。自孝公以至始皇。世世爲諸侯雄。百有餘年。及兼天下。十四歲而亡。何則。外無敵國之憂。而內自縱恣也。自非聖人。得志而不驕佚者。未之有也。

論鄒第五十二

大夫曰。鄒子疾晚世之儒墨。不知天地之弘。昭曠之道。將一曲而欲道九折。守一隅而欲知萬方。猶無準平而欲知高下。無規矩而欲知方圓也。於是推大聖終始之運。以喻王公列士。中國名山通谷。以至海外。所謂中國者。天下八十分之一。名曰赤縣神州。而分爲九川。絕陵陸不通。乃爲一州。有大瀛海圍其外。此所謂八極而天下際焉。禹貢亦著山川高下原隰。而不知大道之運。故秦欲達九州而方瀛海。牧胡而朝萬國。諸生守畦畝之慮。閭巷之固。未知天下之義也。文學曰。堯使禹爲司空。平水土。隨山刊木。定高下。而序九州。鄒衍非聖人作怪。謾惑六國之君。以納其說。此春秋所謂匹夫癡惑諸侯者也。孔子曰。未能事人。焉能事鬼神。近者不達。焉能知瀛海。故無補於用者。君子不爲。無益於治者。君子不由。三王信經道而德光於四海。戰國信嘉言。破亡而泥山。昔秦始皇已吞天下。欲并萬國。亡其三十六郡。欲達瀛海。而失其州縣。知大義如斯。不如守小計也。

論蓄第五十四

大夫曰。巫祝不可與並祀。諸生不可與逐語。信往疑今。非人自是。夫道古者稽之今。言遠者合之近。日月在天。其徵在人。蓄異之變。天壽之期。陰陽之化。四時之敘。水火金木妖祥之應。鬼神之靈。祭祀之福。日月之行。星辰之紀。曲言之故。何所本始。不知則默。無有亂耳。文學曰。始江都相董生。推言陰陽四時相繼。父生之子。養之母成之子。藏之。故春生仁。夏長德。秋成義。冬藏禮。此四時之序。聖人之所則也。刑不可任以成化。故廣德教。言遠必考之邇。故內恕以行。是以刑罰若加於己。勤勞若施於身。又安能忍殺其赤子以事無用。罷弊所待而達瀛海乎。蓋越人笑蠃蚌而簡太宰。鄒夫樂昨暗而怪鄒濩。故不知味者。以芬香爲臭。不知道者。以美言爲亂耳。人無天壽。各以其好惡爲命。羿教以功力不得其死。智伯以貪狠亡其身。天誓之證。積祥之應。猶施與之望報。各以其類及。故好行善者。天助以福。符瑞是也。易曰。自天祐之。吉無不利。好行惡者。天報以禍。妖祥是也。春秋曰。應是而有天誓。周文武尊賢受諫。敬戒不殆。純德上休。神祇相况。詩云。降福穰穰。降福簡簡。日者陽。陽道明。月者陰。陰道冥。君尊臣卑之義。故陽先盛於上。衆陰之類消於下。月望於天。蚌蛤盛於淵。故臣不臣。則陰陽不調。日月有變。政教不均。則水旱不時。螟蟊生。此災異之應也。四時代敘。而人則其功。星列於天。而人象其行。常星猶公卿也。衆星猶萬民也。列星正。則衆星齊。常星亂。則衆星墜矣。大夫曰。文學言剛柔之類。五勝相生。易明於陰陽。書長於五行。春生夏長。故火生於寅。木陽類也。秋生冬死。故水生於申。金陰物也。四時五行。迭廢迭興。陰陽異類。水火不同器。金得土而成。得火而死。金生於巳。何說。何言然乎。文學曰。兵者凶器也。甲堅兵利。爲天下殃。以母制子。故能久長。聖人法之。厭而不陽。詩云。載戢干戈。載櫜弓矢。我求懿德。肆于時夏。衰世不然。逆天道以快暴心。僵尸血流。以爭壤土。牢人之君。滅人之祀。殺人之子。若絕草木。刑者肩靡於道。以己之所惡而施於人。是以國家破滅。身受其殃。秦王是也。大夫曰。金生於巳。刑罰小加。故薺麥夏死。易曰。履霜。堅冰至。秋始降霜。草木隕零。合冬行誅。萬物畢藏。春夏生長。利以行仁。秋冬殺藏。利以施刑。故非其時而樹。雖生不成。秋冬行德。是謂逆天道。月令涼風至。殺氣動。蜻蛚鳴。衣裘成。天子行微刑。始經葦以順天命。文學曰。同四時。合陰陽。尚德而除刑。如此。則鷹隼不鸞。猛獸不擾。秋不蒐獮。冬不田狩者也。文學曰。天道好生惡殺。好賞惡罰。故使陽居於實。而宣德施。陰藏於虛。而爲陽佐。輔陽剛陰柔。季不能加孟。此天賤冬而貴春。申陽屈陰。故王者南面而聽天下。背陰向陽。前德而後刑也。霜雪晚至。五穀猶成。雹

霧夏隕。萬物皆傷。由此觀之。嚴刑以治國。猶任秋冬以成穀也。故法令者。治惡之具也。而非至治之風也。是以古者明王茂其德教而緩其刑罰也。網漏吞舟之魚。而刑審於繩墨之外。反臻其末而民莫犯禁也。

# 刑德第五十五

大夫曰。令者。所以教民也。法者。所以督姦也。令嚴而民慎。法設而姦禁。罔疏則獸失。法疏則罪漏。罪漏則民放佚。而輕犯禁。故禁不必法。夫倣倖誅誡。雖躋不犯。是以古者作五刑。刻肌膚而民不踰矩。文學曰。道德。衆人不知所由。法令。衆民不知所辟。故王者之制法。昭乎如日月。故民不迷。曠乎若大路。故民不惑。幽隱遠方。折手知足。室女童婦。咸知所避。是以法令不犯而獄犴不用也。昔秦法繁於秋荼。而網密於凝脂。然而上下相遁。姦僞萌生。有司法之。若救爛撲焦。不能禁非。網疏而罪漏。禮義廢而刑罰任也。方今律令。百有餘篇。文章繁。罪名重。郡國用之。疑惑。或淺或深。自吏明習者。不知所處。而充愚民乎。律令塵蠹於棧閣。吏不能徧觀。而充於愚民乎。此斷獄所以滋衆而民犯禁也。宜犴宜獄。握粟出卜。自何能穀。刺刑法繁也。親服之屬甚衆。上附下附。而服不過五。五刑之屬三千。上殺下殺。而罪不過五。故治民道。務篤其教而已。大夫曰。文學言王者立法。曠若大路。今馳道不小也。而民公犯之。以其罰罪之輕也。千仞之高。人不輕凌。千鈞之重。人不輕舉。商君刑棄灰於道而秦民治。故盜馬者死。盜牛者加。所以重本而絕輕疾之資也。武兵名食。所以佐邊而重武備也。盜傷與殺同罪。所以累其心而責其意也。猶魯以楚師伐齊。而春秋惡之。故輕之爲重。淺之爲深。有緣而然。法之微者。固非衆人之所知也。文學曰。詩云。周道如砥。其直如矢。言其易也。君子所履。小人所視。言其明也。故德明而易從。法約而易行。今馳道經營陵陸。紆周天下。是以萬里爲民弊也。尉羅張而縣其谷。辟陷殺而嘗其醢。矯弋飾而加其上。能勿離乎。聚其所欲。開其所利。仁義陵遲。能勿踰乎。故其末途。至於攻城入邑。損府庫之金。盜宗廟之器。豈特千仞之高。千鈞之重哉。管子曰。四維不張。雖卑陶不能爲土。故德教廢而詐僞行。禮義壞而姦邪興。言無仁義也。仁者。愛之効也。義者。事之宜也。故君子愛仁以及物。治近以及遠。傳曰。凡生之物。莫貴於人。人主之所貴。莫重於人。故天之生萬物以奉人也。主愛人以順天也。關以六畜禽獸。養人未聞以所養害人者也。膏癯瘠。孔子罷朝。問人不問馬。賤畜而重人也。今盜馬者

罪死。盜牛者加乘。騎車馬馳行道中。吏舉背而不止。以爲盜馬而罪亦死。今傷人持其刀劍而亡。亦可謂盜武庫兵而殺之乎。人主立法而民犯之。亦可以爲逆。而輕主約乎。深之可以死。輕之可以免。非法禁之意也。法者。緣人情而制。非設罪以陷人也。故春秋之治獄。輪心定罪。志善而違於法者免。志惡而合於法者誅。念傷民未有所害。志不甚惡。而合於法者。謂盜而傷人者耶。將執法者過耶。何於人心不厭也。古者。傷人有創者刑。盜有藏者罰。殺人者死。今取人兵刃以傷人。罪與殺人同。得無非其至意與。大夫俛仰未應。對御史大夫曰。執法者。國之轡銜。刑罰者。國之維繫也。故轡銜不飭。雖王良不能以致遠。維繫不設。雖良工不能以絕水。韓子曰。疾有固者。不能明其法勢。御其臣下。富國強兵。以制敵禦難。悉於愚儒之文詞。以疑賢士之謀。舉浮淫之蠱。加之功賞之上。而欲國之治。猶釋階而欲登高。無銜轡而禦捍馬也。今刑法設備而民猶犯之。況無法乎。其亂必也。文學曰。轡銜者。御之具也。得良工而調。法勢者。治之具也。得賢人而化。執轡非其人。則馬奔馳。執軸非其人。則舡覆傷。昔吳使宰嚭之軸而破其舡。秦使趙高執轡而覆其車。今廢仁義之術而任刑名之徒。則復吳秦之事也。夫爲君者。法三王。爲相者。法周公。爲術者。法孔子。此百世不易之道也。韓非非先王而不遵。舍正令而不從。舉陷陷罪。身幽囚。客死於秦。秦夫不通大道而小辯。斯足以害其身而已。

### 申韓第五十六

御史曰。待周公而爲相。則世無列國。待孔子而後學。則世無儒墨。夫衣小缺。襜裂可以補。而必待全匹而易之。政小缺。法令可以防。而必待雅頌乃治之。是猶舍鄰之醫。而求俞跗而後治病。廢好地之水。待江海而後救火也。迂而不徑。闕而無務。是以教令不從而治煩亂。夫善爲政者。弊則補之。決則塞之。故吳子以法治楚魏。申商以法彊秦韓也。文學曰。有國者。選衆而任賢。學者博覽而就善。何必是周公孔子。故曰法之而已。今商鞅吳起。反聖人之道。變亂秦俗。其後政耗亂而不能理。流失而不可復。愚人縱火於沛澤。不能復振。蜂蠆螫人放死。不能息其毒也。煩而止之。躁而靜之。上下勞擾而亂益滋。故聖人教化。上與日月俱照。下與天地同流。豈曰小補之哉。御史曰。衣缺不補。則日以甚。防漏不塞。則日以滋。大河之始決於瓠子也。涓涓爾。及其卒汎濫爲中國害。晉梁楚。破曹衛。城

郭壞沮，積穀漂流，百姓木棲，千里無虞，令孤寡無所依，老弱無所歸，故先帝閔悼其舊，親省河堤，舉禹之功，河流以復，曹衛以寧，百姓戴其功，詠其德，歌宣房塞萬福來禱，亦猶是也。如何勿小補哉？文學曰：河決若懸口而破千里，況禮決乎？其所害亦多矣。今斷獄歲以萬計，犯法茲多，其爲害豈特曹衛哉？夫知塞宣房而福來，不知塞亂原而天下治也。周國用之，刑錯不用，黎民若四時，各終其序，而天下不孤，頌曰：綏我眉壽，介以繁祉。此天爲福，亦不小矣。誠信禮義如宣房，功業已立，垂拱無爲，有司何補？法令何塞也？御史曰：犀銳利鉏五穀之利，而聞草之害也，明理正法，姦邪之所惡，而良民之福也。故曲木惡直繩，姦邪惡正法。是以聖人審於是，非察於治亂，故設明法，陳嚴刑，防非矯邪。若隱括輔藥之正，孤刺也。故水者火之備，法者止姦之禁也。無法勢，雖賢人不能以爲治，無甲兵，雖孫吳不能以制敵。是以孔子倡以仁義，而民從風，伯夷遁首陽，而民不可化。文學曰：法能刑人，而不能使人廉，能殺人，而不能使人仁，所貴良醫者，貴其審消息而退邪氣也。非貴其下鍼石而鑽肌膚也。所貴良吏者，貴其絕惡於未萌，使之不爲非，非貴其拘之囹圄而刑殺之也。今之所謂良吏者，文察則以禍其民，強力則以厲其下，不本法之所由生，而專己之殘心，文誅假法以陷不辜，累無罪以子及父，以弟及兄，一人有罪，州里驚駭，十家奔亡。若癰疽之相澀，色淫之相連，一節動而百枝搖。詩云：舍彼有罪，既伏其辜。若此無罪，淪胥以鋪，痛傷無罪而累也。非患鈇鐸之不利，患其舍草而去苗也。非患無準平，患其舍枉而繩直也。故親近爲過，不必誅，是鋤不用也。蹠踐有功，不必賞，是苗不養也。故世不患無法，而患無必行之法也。

周秦第五十七

御史曰：春秋罪人無名號，謂之云盜，所以殘刑人而絕之人倫也。故君不臣，士不友，於閭里無所容，故民始犯之，命不軌之民犯公法，以相寵舉，棄其親，不能伏節死理，遁逃相連，自陷於罪，其被刑戮，不亦宜乎？一室之中，父兄之際，若身體相屬，一節動而知於心，故今自關內侯以下，比地於伍，居家相察，出入相司，父不教子，兄不正弟，舍是誰責乎？文學曰：古者，周其禮而明其教，禮周教明，不從者，然後等之以刑，刑罰中，民不怨，故舜施四罪而天下咸服，誅不仁也。輕重各服其誅，刑必加而無赦，赦惟疑者。若此，則世安得不軌之人而罪之？今殺人者生，剽攻竊

盜者實。故良民內解急。輟耕而墮心。古者。君子不近刑人。刑人非人也。身放殛而辱後世。故無賢不肖。莫不恥也。今無行之人。貪利以陷其身。蒙戮辱而捐禮義。恒於苟生。何者。一日下蠶室。劍未瘳。宿衛人主出入宮殿。得由受奉祿食。太官享賜。身以尊榮。妻子獲其饒。故或戰戰相之。列就刀筆而不見閔。况衆庶乎。夫何恥之有。廢其德教而責之以禮義。是虐民也。春秋曰。子有罪。執其父。臣有罪。執其君。聽失之大者也。今以子誅父。以弟誅兄。親戚小坐。什伍相連。若引根本之及華葉。傷小指之累四體也。如此。則以有罪及誅無罪。無罪者寡矣。臧文仲治魯。勝其盜而自矜。子貢曰。民將欺而充民盜乎。故吏不以多斷爲良。豈不以多刺爲工。子產刑二人。殺一人。道不拾遺。而民無誣心。故爲民父母。以養疾子。長恩厚而已。自首匿相坐之法。立骨肉之恩。廢而刑罪多。聞父母之於子。雖有罪猶匿之。豈不欲服罪爾。子爲父隱。父爲子隱。未聞父子之相坐也。聞兄弟緩追以免賊。未聞兄弟之相坐也。聞地何伍。而執政何責也。御史曰。夫負千鈞之重。以登無極之高。垂峻崖之峭谷。下臨不測之淵。雖有虞忌之健。責育之勇。莫不震懼悼懷者。知墜則身首肝腦塗山石也。故未嘗灼而不敢握火者。見其有灼也。未嘗傷而不敢握刃者。見其有傷也。彼以知爲非。罪之必加而戮及父兄。必懼而爲善。故立法制辟。若臨百仞之壑。握火蹈刃。則民畏忌而無敢犯禁矣。慈母有敗子。小不忍也。嚴家無悍虜。篤責急也。今不立嚴家之所以制下。而修慈母之所以敗子。則惡矣。文學曰。紂爲炮烙之刑。而素有收格之法。趙高以峻文決罪於內。百官以峭法斷割於外。死者相枕席。刑者相望。百姓側目重足。不寒而慄。詩云。謂天蓋高。不敢不局。謂地蓋厚。不敢不踣。哀今之人。胡爲虺蜥。方此之時。豈特冒火蹈刃哉。然父子相背。兄弟相慢。至於骨肉相殘。上下相殺。非刑輕而罰不必。令大嚴而仁恩不施。故政寬則下親上。政嚴則民謀主。晉厲以幽。二世見殺。惡在峻法之不犯。嚴家之無悍虜也。聖人知之。是以務知而不務威。故高皇帝約秦苛法。慰怨毒之民。而長和睦之心。唯恐刑之重而德之薄也。是以施恩無窮。澤流後世。商鞅吳起。以秦楚之法爲輕而累之上。危其主。下沒其身。或非特慈母乎。

## 詔聖第五十八

御史曰。夏后氏不信言。殷誓周盟。德信爾靈。無文武之人。欲修其法。此殷周之所以失勢。而見奪於諸侯也。故衣弊而革才。法弊而更制。高皇帝時。天下初定。發德音。行一卒之令。權也。非撥亂反正之常也。其後法稍犯。不正於理。故秦萌而甫刑作。王道衰而詩刺彰。諸侯暴而春秋譏。夫少目之罔。不可以得魚。三章之法。不可以爲治。故令不得不加。法不得不多。唐虞畫衣冠。非阿湯武刻肌膚。非故時世不同。輕重之務異也。文學曰。民之仰法。猶魚之仰水。水清則靜。濁則擾。擾則不安其居。靜則樂其業。樂其業則富。富則仁生。澹則爭止。是以成康之世。賞無所施。法無所加。非可刑而不刑。民莫犯禁也。非可賞而不賞。民莫不仁也。若斯。則吏何事而理。今之治民者。若拙御馬。行則頓之。止則擊之。身創於箠。吻傷於銜。求其無失。何可得乎。乾谿之役。土崩梁氏。內讎不能禁。峻法不止。故罷馬不畏鞭箠。罷民不畏刑法。雖會而累之。其亡益乎。御史曰。嚴牆三刃。樓季難之。山高千雲。牧豎登之。故峻則樓季三刃。陵夷則牧豎易山巔。夫鑲金在鑪。莊躡不顧。錢刀在路。匹婦撓之。非匹婦貪而莊躡廉也。輕重之制異。而利害之分明也。故法令可仰而不可踰。可隨而不可入。詩云。不可暴虎。不敢獨河。爲其無益也。魯好禮而有季孟之難。燕嗜好讓而有子之之亂。禮讓不足禁邪。而刑法可以止暴。明君據法。故能長制羣下。而久守其國也。文學曰。古者明其仁義之誓。使民不踰上乎。刑之不教而殺。是以虐也。與其刑不可踰。不若義之不可踰也。聞禮義行而刑罰中。未聞刑罰行而孝悌興也。高牆狹基。不可立矣。嚴法峻刑。不可久也。二世信趙高之計。陳篇責而任誅。斷刑者半道。死者日積。殺民多者爲忠。厲民悉者爲能。百姓不勝其求。黔首不勝其刑。海內同憂而俱不聊生。故過往之事。父不得於子。無已之求。君不得於臣。死不再生。窮風鬻。匹夫奔萬乘。舍人折弓。陳勝吳廣是也。當此之時。天下期俱起方面而攻秦。聞不一期而社稷爲墟。惡在其能制羣下而久守其國也。御史默然不對。大夫曰。警師不知白黑而善聞言。儒者不知治世而善營議。夫善言天者合之人。善言古者考之今。今何爲施法。何爲加湯武全肌骨而殷周治。秦國用之。法弊而犯。二尺四寸之律。古今一也。或以治。或以亂。春秋原罪。甫刑制獄。今願聞治亂之本。周秦所以然乎。文學曰。春夏生長。聖人象而爲令。秋冬殺藏。聖人則而爲法。故令者教也。所以導民人。法者刑罰也。所以禁強暴也。二者治亂之具。存亡之効也。在上所任。湯武經禮義。明好惡以道其民。刑罪未有所加而民自行義。殷周所以治也。上無德教。下無法則。任刑必誅。剝鼻盈墓。斷足盈車。舉河以西。不足以受天下



之徒。終而以亡者秦王也。非二尺四寸之律異。所行反古而悖民心也。

### 大論第五十九

大夫曰。呻吟稿簡。誦死人之語。則有司不以文學。文學知獄之在廷後而不知其事。聞其事而不知其務。夫治民者。若大匠之斲斧斤而行之。中繩則止。杜大夫王中尉之等。繩之以法。斷之以刑。然後寇止姦禁。故射者因勢。治者因法。虞夏以文。殷周以武。異時各有所施。今欲以敦朴之時。治玩弊之民。是猶遷延而拯溺。揖讓而救火也。文子曰。文王與民好善。幽厲與民好暴。非性之殊。風俗使然也。故商周之所以昌。桀紂之所以亡也。湯武非得伯夷之民。以治桀紂。非得驩之民。以亂也。故治亂不在於民。孔子曰。聽訟。吾猶人也。必也使無訟乎。訟者難訟而聽之易。夫不治其本而事其末。古之所謂愚。今之所謂智。以簪楚正亂。以刀筆正文。古之所謂賊。今之所謂賢也。大夫曰。俗非虐虞之時。而世非許由之民。而欲廢法以治。是猶不用隱括斧斤。欲撓曲直枉也。故爲治者。不待自善之民。焉輪者。不待自曲之木。往者。應少伯正之屬。漢梁楚。昆盧徐穀之徒。亂齊趙。山東關內暴徒。保人阻險。當此之時。不任斤斧。折之以武。而乃始設禮修文。有似窮鑒。欲以短鍼而攻疽。孔丘以禮說跖也。文學曰。殘材木以成室屋者。非良匠也。殘賊民人而欲治者。非良吏也。故公輸子因木之宜。聖人不費民之性。是以斧斤簡用。刑罰不任。政立而化成。扁鵲攻於湊理。絕邪氣。故癰疽不得成形。聖人從事於未然。故亂原無由生。是以砭石藏而不施。法令設而不用。斷已然鑿已發者。凡人也。治未形親未萌者。君子也。大夫曰。文學所稱聖知者。孔子也。治魯不遂。見逐於齊。不用於衛。遇圍於匡。困於陳蔡。夫知時不用猶說。強也。知困而不能已。貪也。不知見欺而往。愚也。困辱不能死。恥也。若此四者。庸民之所不爲也。何況君子乎。商君以景監見。應侯以王稽進。故士因士。女因媒。至其親顯。非媒士之力。孔子曰。進見而不以能往者。非賢士才女也。文學曰。孔子生於亂世。思堯舜之道。東西南北。灼頭濡足。庶幾世主之悟。悠悠者皆是。君闇大夫妬。孰合有媒。是以嬖母飾姿而夸矜。西子彷徨而無家。非不知窮厄而不見用。悼痛天下之禍。猶惡母之伏死子也。知其不可如何然惡已。故適齊。景公欺之。適衛。靈公圍。陽虎謗之。桓魋害之。夫欺害聖人者。最惡也。傷毀聖人者。狂狡也。惑之人。非人也。夫何恥之有。孟子曰。觀近臣者。以所

爲主。觀遠臣者。以其所主。使聖人僞容苟合。不諭行擇友。則何以爲孔子也。大夫撫然內慙。四據而不言。當此之時。順風承意之士。如編口張而不斂。舉舌而不下。闇然而懷。重負而見責。大夫曰。諾。膠車脩。逢雨。請與諸生解。

雜論第六十

客曰。余觀鹽鐵之義。觀平公卿文學賢良之論。意指殊路。各有所出。或上仁義。或務權利。異哉吾所聞。周秦粲然。皆有天下而南面焉。然安危長久殊世。始汝南朱子伯爲予言。當此之時。豪俊並進。四方輻湊。賢良茂陵唐生。文學魯萬生之倫。六十餘人。咸聚闕庭。舒六藝之輒。論太平之原。智者贊其慮。仁者明其施。勇者見其斷。辯者陳其詞。闇闇焉。侃侃焉。雖未能詳備。斯可略觀矣。然蔽於雲霧。終廢而不行。悲夫。公卿知任武可以辟地。而不知德廣可以附遠。知權利可以廣用。而不知稼穡可以富國也。近者親附。遠者說德。則何爲而不成。何求而不得。不出於斯路。而務資利長威。豈不謬哉。中山劉子雍言。王道矯當世。復諸正務。在乎反本。直而不撓。切而不燥。斌斌然斯可謂弘博君子矣。九江祝生。奮由路之意。推史魚之節。發憤懣。刺譏公卿。介然直而不撓。可謂不畏強禦矣。桑大夫據當世。合時變。推道術。尙權利。辟略小辯。雖非正法。然巨儒宿學。惡然大能自解。可謂博物通士矣。然攝卿相之位。不引準繩。以道化下。放於利末。不師始古。易曰。焚如。棄如。處非其位。行非其道。果隕其性。以及厥宗。車丞相即周魯之列。當軸處中。括囊不言。容身而去。彼哉彼哉。若夫羣丞相御史。不能正議。以輔宰相。成同類。長同行。阿意苟合。以說其上。斗筭之人。道諛之徒。何足鮮哉。

# 鹽鐵論考證

鹽鐵論自明嘉靖中。爲張之象所亂。卷第割裂。字句增損。盧學士彙書拾補。已嘗言之。予向恨不見善本。近因顧千里得宏治十四年江陰翁新修徐積公嘉泰壬戌本所刻。及其後錫山華氏活字所印。細爲校讎。知張之象之不可據。在盧所云外者甚多。而盧又時出己見。頗有遺失。亦未可全據也。爰取徐本重刻於江寧。撰考證一卷附後。審正其文。粗涉義例。以昭舊意。此書者。陽城張敦仁。

本議故工不出則農用乖。華本乖改。云拾補云永樂大典中所載作。云按通典十一引亦然。凡華本有脫誤此不載。○是以盛康萃居按即盛庚下篇。勸人謀人之保居也。以又專語意推之。與上經股不肩好貨下經無摠于貨。實正相吻合。但未詳此。草當彼。經何字并其說若何耳。此書所稱當是今文。而向書最多駁異。類如是矣。○經字頗有或多或少者。○拾補云大典華乃萃之語也。○則萬物並收。萬物並收。按通典十一引上物作人下句無萬物二字。凡杜所引多互異。或其本不同。或杜有增損。營分別。觀之。今不詳著。○則物騰躍。華本躍改。顯下同。按通典十一引作踊。○拾補有。○力耕王者。塞天財。按通典十一引。天作人。講字也。管子山國軌云。軌守其時有官。天財此語出於彼。○下文云。執準守時。○拾補改天爲人。非。○而范氏以強大亡。按范當作紀。大當作本。管子輕重乙載其事。○其文云。桓公曰。強本節用。可以爲存乎。管子對曰。可以爲益。愈而未足。以爲存也。昔紀氏之國。強本節用者。其五穀豐滿。而不能理也。四流而歸於天下。是則紀氏其強本節用。適足以使其民殷。盡而不能理。爲天下虜。是以其國亡。而身無所處。○此語出於彼。紀氏亡者。即春秋紀侯大去其國者也。強本謂務農。故大夫以之。難文學。今本所誤。絕不可通。○下文云。故魯爲國者。天下之下。我高天下之輕。我重其輕。亦出於彼。○以虛蕩其實。華本蕩改。易按通典十一引亦然。○拾補有。○詩曰。百室盈止。婦子寧止。拾補云。十字因上衍。按非也。此正因文學引而遺以難之。○不愛其貨。華本其改。奇。○鹽鐵之徒。按鹽字誤也。謂務農之徒。與盜跖莊蹻無涉。後未通篇云。民蠶桑而耕。取下篇云。不知蠶桑。躬耕者之勤也。此必本作蠶桑。○蠶有是以揭夫匹婦。華本揭改。揭。○昔孫叔敖相楚。張之象本孫叔敖改。季文子楚改。魯按所改最謬。漢世諸書說一事而人名各異者多矣。下文云。大儉極下。韓非子外儲說左下。亦言孫叔敖相楚。大儉偏下。決非季文子可知。○錯節弊與。世易華本弊改。幣。○綦耕布衣有胸。鄆胸。人吳王皆鹽鐵初。韓也。君有吳王。按人當在君上。錯出耳。於文中加自釋一句者。如項。

羽本紀加亞父者范增也一句於中之比先稱吳王而後敘之者欲下就私感積而整飾之心作讀其行文之恒也通典十引無廟師吳王皆鹽鐵初讀也十字乃杜節之張之象本修改全失其意今不更出（凡張之象本脫錄此亦不盡載至於其注尤多荒謬全無足論也）○山海者財用之寶也按通典十引寶下有路字此脫當依之補下文云寶路開則百姓歸云云與此相承接也張之象本添而寶路開於寶路開之上拾補又添五穀熟於其上云云三字脫當有虛意以爲五穀熟而寶路開方始成文不知寶路開自蒙此句開者謂不啻山海與五穀熟不相蒙也（拾補錄於張之象本又失校通典此句故其所說全非）○農夫之死生也死生用按通典十引二生字皆作上此誤當依之改（拾補生改上云云通典亦非）○居局之宜按局當作句此考工記車人爲衆之條句也居局同字通典十引作倨蓋杜改之以合於周禮字耳管子弟子職云居局如矩可爲此作居之證（拾補從通典句是而倨非）○復古今意總一鹽鐵（拾補錄）按今當作令倨刺權篇令意所禁微爾見○天下之議也按下當作地見史記平準書漢書食貨志○浮食豪民豪當作奇見平準書食貨志奇民者奇袤之民也小司馬索隱云包體音羈諸侯也非農工之儔故言奇其義似謬矣○其輕爲非亦大矣華本大改殆拾補云大典殆○省罷機利之人人華本刪重人字按下人營作者此句與上句連讀○（已上第一卷張之象本所改之卷最謬今不更論）

非數春秋曰未言介祭仲亡也按未當作末（拾補有）介當作介今公牟短十五年傳作爾介爾同字（拾補即據傳改作爾）也作矣凡此書之春秋皆公牟（具見各篇）文有異者（如矣也不同是也其末余之類乃傳寫謬不在此限）蓋次公所稱與何劭公所注非一本（故後執務篇稱傳曰予積也而說之以行積而成君子何劭公注僅四年傳則作序積也而云序次也積功也判然有異於此可決但如舊胡篇之歸鄆鄆何作豐和經篇之歸鄆何作浩油論功篇之茅戎茅何作貿疑後人有以左傳字亂之者蓋次公不必盡同於何休又不得竟合於左氏也今亦未敢臆定）其不在經傳者則公牟家之說○推車之譚揆按推當作推後還道篇而推車向在也世務篇無徒守推車之譚不誤數不足篇古者推車無柔亦不誤推車者但駢一本使外圍以爲車輪不用三材也彈擲即柔柔即三材之牙也（廣雅釋器彈擲輟輟也淮南子說林訓作彈彈彈同字擲擲彈亦同字散不足又云郡國縣吏素桑操說文作桑桑操桑皆同字即三材之牙者據周禮注鄭司農云）韓非子八說云古者算事而備簡機隨而不盡故有珣能而推車者又云故智者不乘推車聖人不行推政此語出於彼（今

本韓非淮南亦誤推爲推嘗當訂正）○建而不拔按按當作拔與下句壓字爲讀老子曰建不拔（此書多  
誤語如大論篇云是以模母飾姿而矜夸四子彷彿而無家夸家爲顛倒作夸誇者誤拾補正之矣）○訂刺之  
鑿按按當作試後申韓篇作試此蓋本與彼同拾補以爲皆顛之說未是次公所用不必同於鄭周禮注之字也  
（說文亦不載顛字）○昆錡錡按按當作宗族使按使當在錡上錯出耳謂錡士使淮南衡山謀叛說也○迫壁  
宗族按族當作室涉上文錡及宗族而誤華本改爲臣非○此解楊之所以厚於晉華本楊改錡○刺權今夫越  
之具區按夫當作吳此爾雅釋地有其文也具區不得單言越之甚明○刺復大夫曰爲色矜按曰字當衍此書  
篇首多云大夫曰故相涉而誤睡之象本改曰爲乃似是實非後擊之篇首賢良曰文學既拜曰字亦當衍（拾  
補有）涉按置書首賢良曰而誤也○而行讀文子叔之惠張之象本改改按後說賢篇云遺子叔之諧也所  
改蓋是（凡張之象本而是者絕少大抵載此矣）○非燕昭之尊士張之象本非下添特字似是實非此句與  
下句文王之廣賢也連讀也邪同字前後多有之（褒賢篇固若是也尤顯然可證）○東郭偃孔僅按云東郭  
偃者諫也前刺權篇云大農鹽鐵丞咸陽孔僅等後輕重篇云咸陽孔僅增以鹽鐵平準書食貨志皆云於是以  
東郭咸陽孔僅爲大農丞領鹽鐵事此或本作東郭咸陽或本作咸陽後人記東郭於旁以致錯入而又改去咸  
陽字○上下無求按無當作兼公爲上私爲下兼者兼此二者也○論儒齊宣之時不顯賢進士按宣上嘗有咸  
字顯上當無不字下文云及湣王薨二世之餘烈二世者咸也宣也餘烈者顯賢進士也今本脫衍絕不可通（  
凡傳鈔之誤有上脫下衍者又或有上衍下脫者）○慎到捷子亡去拾補改子爲子按漢書古今人表中中捷  
子藝文志道家捷子二篇齊人史記孟荀列傳接子齊人索隱云接子古著書人之稱號（捷接同字）皆作子  
唯田敬仲世家作子乃譌字而虛誤據之也○叔巧退而隱處華本改改辭○憂邊覽羣臣極言至內論雖煩按  
內論當倒論字上屬句絕內下脫一字未詳內（人）雅頌四字爲一句與下文外鳴和鑾相對○君臣所宣明王  
之德華本君改羣○（已上第二卷）

國池者欲多而下不堪其求也按者當作蓄○粟米薪菜按菜當作采薪采薪出於公牟傳（亦見毛詩板三章  
傳）薪采與粟米相對下文菜果則見○輕重今大夫各修太公桓管之術按本篇又云大夫若以心計策國用  
又云大夫各運籌策又云上（此字誤未詳）大夫君與（此字誤見下）治粟都尉凡二各字二君字皆當作名  
者桑大夫之名也即云今大夫宏牟耳蓋始元讀文本如此而次公公之者一譌而爲各再譌而爲君○是以歷

官用錢足按足字當衍華本刪縣字非○江充穀谷之等按穀谷未詳拾補云穀谷之三字衍雲谷雜記引無非也蓋揚可二字之誤揚可告緡紅毛禁服後國病篇捷言之雲谷雜記不足據○與治粟都尉按與當作爲平準書食貨志皆云而桑宏羊爲治粟都尉領大農（元封元年）可證○未通平百飽以爲固圉按固圉當作固步下句而誤○不種而欲獲華本獲改獲○民勤己不獨飭民飭己不獨勤張之象本二勤字皆改作僅按所改最謬勤僅同字僅少也衍多也故以勤對衍言之非謂疏不熟曰僅前通有篇云富者不獨飭貧者不獨僅僅蓋勤之誤（集韻二十二種有僅勤董三文董字見史記貨殖列傳又或作虛字見漢書賈誼傳僅有節即使歧異亦必非僅字歧異之例詳於下）拾補云勤非又云僅有微意誤於張之象本而爲此說仍迂曲無所當也○去尤甚而說少愈多按多字當衍愈句絕後數不足篇云吾以賢良爲少愈○上下交義按讓當作讓後取下篇世務篇皆不誤○劉雄南面按南字誤也此必本作人後綴役篇僅人面之倫莫不引領而歸其義不誤墨子明鬼（引商書）矧住（此字當作佳省惟爲佳也近江氏聲向書姓說之如此）人面胡敢異心此語出於彼後讓書章帝紀造惟人面靡不率便和帝紀戒惟人面無恩不服亦可證也○（已上第三卷）

地廣遠寇國安災按國字當衍○國安則晏然無事按國上當脫中字張之象本補○挾管仲之智者華本仲改晏按所改未是而拾補亦改仲作晏蓋誤矣○貧富夫白圭之嚴著子貢之三至千金張之象本白圭改子貢子貢改陶朱公按所改未是拾補云徐誤者非也（徐但依嘉泰本殊無以意見更易者即如未通篇故商師若烏周師若茶與困學紀聞引同計王伯厚所見即嘉泰本亦其一證關百詩乃云今本爾茶周烏其所見僅張之象以後本耳）漢世諸書頗多異說此當別有所出（史記仲尼弟子列傳言子貢家累千金）與下文子貢以若積顯於諸侯陶朱公以貨殖尊於當世不必相涉○以爲金鑽大鑽而不能自爲一鼎盤材按金當作全材當作村全鐘者備其體也後經聖鑑云鑽金在鑽○雖付之以韓魏之家張之象本付改附按所改似是實非此文出孟子而此書所稱孟子多不與今同付附同字必次公自用付也（韓魏石經殘碑高宗彤日云天既付史記殷本紀作附梓材釋文云付如字馬本作附皆可證也）○子思之銀何按銀當作珉對下文垂珠言之垂珠玉也珉石也禮記所謂貴玉而賤珉珉珉同字○毀辱貧賤而好義按義當作議○然而苟與謂之不食華本苟改孫按上文仍作苟所改未是也謂張之象本改爲謂爲多相亂○終身行無冤尤華本冤尤改怨惡○天下復獲按拾補云當作環壤虛據今貨殖列傳云爾其實非也漢書張敖傳云長安中張敖師古音襲人掌反然則次公

讀史記亦本作稷矣（大凡歐異之文苟非必諱宜各仍其舊如史記又不得因此文而改爲稷也）○鄭經不擇遠近接應當作姬（姬字不可通）史記云今夫趙女鄭姬此盡下皆爲利祿也皆司馬子言大夫取貨殖列傳稷栢之（後孝養篇引孟子亦稷栢之引上而稷栢者準諸此）○車削於雲陽之市華本制改製○褒賢孔子爲之日微按爲當作謂此引論語故夫三桓之子孫微矣也○肆其長衣長衣官之也按拾補云長衣官之也五字衍非也此亦自釋一句據禮記目錄長衣即深衣而必自釋之者欲見其爲法服也官之二字乃察衣二字形近之訛後孝養篇云雖公西赤亦不能以（此下衍養字）爲容即史記儒林列傳所謂養爲容者也華本此處尤多脫○（已上第四卷）

相刺外有謬爾故子拾補云絃子當卽箕子大猷上句已言內有微箕二子矣此言外有微非箕子可知當別有所出華本茲改諸因其不可解而爲之非有本也○越人夷吾按此句有諱史記列傳云管仲夷吾者類上人也又按鄒陽列傳是以秦用戎人由余而顧中國齊用越人蒙而疆威宣索隱云越人蒙未見所出據當作子臧又張晏云子臧或是越人蒙字也此下句連言戎人由余似卽取彼語夷吾或子臧之誤也下文又云不愚無由余夷吾（依上則亦當作子臧）之倫愚無桓穆（依上則當作穆威）之聽耳亦有誤（此類疑而未確決定者亦不悉出）○非說也非華本也非改之罪也張之象本也改者○殊路宋襄公知孔父之賢按襄當作穆（拾補有）下句魯莊知季有之賢有當作子此皆見於公羊桓二年傳何休注而次公稱之者必舊說也公羊季子（閔元年）季友（僖十六年）一人而異義故此必云季子不知者改子爲友因譌成有字（拾補作友非）○故金玉不琢按金當作全全玉者考工記玉人所謂天子用全者也禮器郊特牲皆云大圭不琢鄭注皆云琢當爲象鄭意以爲卽與琬琰圭璋璧琮之象象琬琰同字也或當次公時禮家有如字說之者拾補云當作琢未是○待鑑識之工而後明按鑑識當作鑑諸淮南子說山訓玉待鑑識而成器說林訓璧琬成器鑑識之功此語出於彼說文作版云版諸治玉石也讀若藍廣雅釋器云琕琕也鑑原諸鑑皆同字○文學蒙以不學張之象本學下補日字○故事人加按事人當倒○誠賢（目錄作頌）東流亦安之乎按拾補云東流乘云云大誤文學言東流無崖之川故大夫云爾亦者亦前篇也駢圖說策蘇秦說李兌章東流至海凡鑑無所止文學之語出於彼○校面以爲知華本校改張之象本改微按論語稱文云微古義反鄭本作校古與反此蓋亦作校而在鄭前也後魏書云直而不微今論語皆作校然則校微同字故改與與○遠道飾虛言以亂實按言字當衍○聖達而謀

小人接人字營衛○論辭以己爲執華本改式按拾遺云大典執從木○疾小人後後面從按後國積篇云錢  
錢者賤也與此歧異公羊文十二年傳云惟錢錢者母言（即秦書載載錢言也後漢書李尋傳王逸楚辭章  
句皆作錢錢國經亦有錢錢字說文引尙書又作錢錢見戈部）與彼篇合增夫論救邊云淺淺靖言與此篇合  
錢錢同字（每靖亦同字）嘗兩存之力辨篇云故伊尹高逝遊韓陰固篇云兼於韓毫薄毫同字而歧異說賢篇  
云東海成願河東胡建嚴石篇云則恐有嚴胡之累成威同字而歧異散不足篇云校車無柔又云郡國經史素  
桑採桑採同字而歧異嚴石篇云亦未見其能用嚴石餘篇屢見皆云錢獨此歧異嚴石亦同字詔聖篇云錢則  
季止餘篇屢見皆云錢獨此歧異論體亦同字皆其例也餘準此求之○趙盾子得叔向按拾遺云叔向當是周  
舍未是此必漢世諸書有其語難用時代相及求之如後利論篇云故季桓子聽政柳下惠忽然不見孔子爲司  
寇然後梓繼（梓勃同字也）周秦篇讀文仲治魯勝其盜而自矜子貢曰民將欺（韓詩外傳三季孫之治魯也  
卽此事）柳下與季桓孔子賦文與子貢皆不相及也劉向所序各篇往往如此（劉知幾史通嘗論之）卽其語  
之尙存於今者此書稱引廣博兼取雜說當時之學與鄒水正不甚相遠○孝養雖公西亦不能以養爲容張之  
象本刪養字下句不能以養卒改卒養接此亦改而是者○以其不能事其父母也按其父母三字當衍與上文  
周襄王之母相承接而言之下文云而有不能事父母之累父字亦當衍其上文不見母故須言母也公羊僖二  
十四年傳不能乎母也此語出於彼不當連言父甚明○無厭者按厭字不當有下文食薪薪者章茹者字不可  
通蓋者字本是厭字錯出於上而又誤加者於厭處也（此等傳鈔傳刻之誤自宋以來多有之）○丞相曰張  
之象本相下補史字按自前漢遺篇丞相史進曰以下皆丞相史爲大夫註難文學盡後丞相史默然不對所補  
是矣○刺譴山林不讓椒桂按林字桂字皆誤也林當作棘桂當作桂椒桂者山樞之半步也故下文云以成其  
崇○利讓公卿欲成也張之象本成下補利字按下文云非有司欲成利所補是矣○國病（目錄病作疾）無  
德序於民按序當作厚○面文學而蘇也賈良曰按賈上當脫謂字下文云子大夫論京師之日久子大夫者賈  
良也後篇吾以賈良爲少愈與此相承接（前漢遺篇云謂丞相史曰）面即項羽本紀馬童面之面（張晏  
注漢書曰背之如淳曰面不正視也）面文學而謂賈良與面項王而指王賢無以異也張之象本不得其解但  
知以下非賈良語因妄改爲丞相史曰而於此擡行則起幾使讀者莫悟其謬實則上下隔截乖刺全不可通也  
○出入都市按此句上有脫文今無以補之（凡知其誤而不復能正者準讀此）○行卽角篇華本嚴改嚴○



楊可勝告綴按屬字當衍（按補有）涉下文不可勝載而誤○要要敘從容傳白爲青者衆按要當作聚從字當衍聚其要（要腰同字）○敘其容傳以白爲以青（說文曰隱畫眉也隱黨同字籍名云黨代也微眉毛去之以此畫代其處也可見畫眉曰黨故即名其所以畫者爲黨與此互證而義乃明）凡四事與上句云秉耒抱插躬耕身織者寡亦凡四事對文也此二句其意與通有黨田疇不脩男女矜飾相類張之象本不得其解輒附會之云敘古本作臉絕謬○統降衆裝華本降改禱○（已上第五卷）

最不足者生無易由言按者當作諸○丞相曰願聞敢不足張之象本相下添史字下文丞相曰殆聚不足奈何亦添史字按所添皆誤也此書有文事曰賈良曰丞相曰（即此篇是也）丞相史曰（丞相屬官見儀表）大夫曰（御史大夫也）御史曰（御史大夫屬官見儀表）即本義篇所謂使丞相御史與所舉賢良文學諸者也而丞相曰僅有二語又聊爲問辭獨無可否（與餘人全異）言溢不言耳即雜論篇所謂括囊容身也凡後人起代前人詰難則必爲更端之辭（具見各篇不更出）此兩丞相曰在大夫曰之間上有大夫默然是更端下不見丞相之所以更端者以其非詰難也唯前孝徒篇後嚴石篇說務篇三丞相史曰爲脫去史字（說具於彼）張之象本一擬添之讀者莫辨矣今訂正○隱胎扁按綴當作幾（字書未見幾字）扁當作肩此句與上句云辭無幾下句云皮黃口文意同無幾者字之小者也胎肩者冢之小者也黃口者鳥之小者也幾到也（周禮故書作幾見肆師又見於犬人而鄭注讀爲刳亦必故書也皆謂刳牲爲幾故即名其禮爲幾說文作幾幾幾同字周禮又作刳見士師鄭小子注以刳爲正字然則幾即刳而謂爲刳也）皮剋也（見廣雅釋言）解者月令天子乃解金鄭注改解作獻當時禮家或如字說之也列子湯問其長子生則解而食之義略相近（墨子節葬解作解盡諫）張之象本於解字胎字斷句全不可通（凡張失讀甚多皆此類）○離文擬脩按脩當作補（補諫爲脩猶脩脩相亂水旱篇故循行於內脩之誤也世務篇滑稽而不可修猶之誤也脩修又相亂）應劭漢書注云補闕橫也（李善注文選魏都賦景福殿賦皆引此）○斷絢縱練者華本細改細按拾補云大典細○銀黃華左攝按左字當衍擢當作瑤華瑤東京賦謂之瑤瑤○珥斬飛鈴按鈴當作輪向書大傳云未命爲士車不得有飛輪鄭曰如今轎車也（文選屬秦美新注引）○革鞮皮屨而已華本馬改馬按所改是也（拾補有）○麟驪同字○箕子之譏按譏當作囂囂喻也約爲象箸而箕子嘆見集韻八微囂字下增夫論浮修云箕子所喻（今本誤爲啼）今在僕妾其語意略倣次公也（韓非子云韓淮南子云韓梯喻同義也今本韓非誤

節爲活不可通。○權拘按此當作權拘史記西南夷列傳云蜀拘管（徐廣曰拘一作荷音塞）常豫巴志言果實之珍有辛蒟給客橙。○今閬中縣伯按此有誤也。但當作宿縣題同字謂懸以賣（晏子春秋內篇雜下云猶懸牛首於門而賣馬肉於內也屠家縣肉格見鄭周禮牛人注若如字不當在閬中下）懸有宿肉言閬巷賣肉者之多。下句阡陌屠沽屠謂殺沽謂賣言就阡陌之閒屠而賣之（此段專言食肉下有明文）語意相儗。○漢皮代靡華本獲改漢（字書未見獲字）○圖坐平號按坐當作登釋名釋牀張有榻登（其文云榻登施大牀之前小榻之上所以登牀也然則不當言坐明矣）次之於妻嫂紹席之閒即此也。圖榻同字○古者不茹雞按雞當作鉅（下有明文）○劉施成市按施當作版上文已有殺版重疊之云矣而此再見者彼言其食之所陳此言其賣之所陳以每段別爲義也。○匹夫無貌領按貌當作貌貌領帶也（見廣雅釋器）方言作饒裕（郭注江東通言下裳）領裕同字無饒領猶言無帶耳拾補改作完非。○庶人靡菲草按靡當作（俗作龍龜見集韻十一模鹿乃龜之譌也說文龍龜履也龜同字）菱展同字○十有半按半當作六（見史記淮南王列傳漢書伍被傳同華本改九更誤）○宣帝建學官按宣當作皇張之象本改宣帝作陛下非。○目修於五色按修當作脩（集韻大豪類篇目部皆云目不明）○口極甘麗華本極改窮按拾補云大典窮○救匿而葛輝彭侯之等張之象本彭改彭按漢書王子侯表彭侯屈釐劉屈氂傳注服虔曰彭音彭翟先生補史記云封彭城（此字衍）侯（將相名臣表征和二年）彭彭同字（如釐釐同字）不得竟改也復古篇云窮夫否婦否鄒同字刺復篇云豈云殆哉論舊篇云救戒不殆殆急同字憂憂篇云故使廷尉評等評平同字地廣篇云道路迴避避僻同字毀學篇云猶爲賴民也賴屬同字相刺篇云西賓秦國賓讀同字授時篇云三代之風無亂萌萌張同字諫秦篇云號周子男君男兩同字除固篇云重門辟拓拓據同字刑德篇云吏舉苛而不止苛呵同字大論篇云聖人不費民之性費移同字皆其例也餘以此求之。○鹽鐵篇（此及後鹽鐵取下以餘篇例之蓋皆仿鹽鐵二字目錄亦然）丞相曰張之象本相下補史字按此即雜論篇所謂不能正論云云者也。○吾聞諸鄭長孫曰按孫字誤也當作者僕書藝文志道家鄭長者一篇六國時先韓子韓子稱之（謂外儒說在上稱鄭長者聞之及鄭長者有言曰也）下文全在論語中不稱會子者當時之學向黃老而桑大夫尤輕傳故也。○除狄垂青繩按繩當作純謂緩文采純爲圭也續漢書典服志作薄漢官儀作純（北堂書鈔引）純傳同字拾補改繩爲緩非此句言青純不言緩猶下句言銀龜不言印。○疾貪卿大夫足以潤賢厚士足以優身及黨按士字當重

上士句絕下士屬下○後刑民者數於屢而尋刑按教當作激激者聽之反也○授時今日慈惠悅爾張之象本日改曰按所改是矣（日曰多相亂）○聽則民爭止按民字當衍後詔聖篇不誤○日教之以德按之下以上當有脫文拾補補道之二字或不止二字未詳也下文則民從義而從善有誤亦未詳○永旱與雨邪和按雨毛詩作雲頤之推改爲雨（家訓書證）有疑此亦當爲雲者今詳上文語意似本作雨故下不更引雨我公田之云也凡此書所稱詩皆三家（具見各篇）與毛詩異者不少又未可必謂後人以今詩改此虞豈三家有作用者與（後漢書左雄傳所引亦作用）○新算易貨按貨當作質○多饒則饒生按饒當作銑銑生者鐵衣生也（廣韻十五青銑銑集韻類篇皆有銑銑二文云鐵衣）○噉食按噉當作按（此與上文皆雜監鑑而論之但監略鑑詳耳）○工人不薪伐而足乎按此下有脫文○（已上第六卷）

崇禮暨公同國按同當作國（此即齊世家之暨公二十九年晉兵遂圍臨菑也非左傳凡此書不見左氏）○非特其衆而歸齊也華本特改持○邊境爲之不害也華本害改割按拾補云大典制○僭胡是仁義犯而藜藿不採按不字當衍賢良引春秋爲之不採故大夫云爾正是以採難不採也○南越內侵脅服令按脅服令三字未詳其誤（下文氏雙云云則爲句讀之象本以令字下屬非也雙字各本皆作諫人拾補云誤分爲二）○辟鋒銳而收疆極按收當作收○執務丞相曰張之象本相下補史字（諫見上）○缺人而難復華本人改久○能言豈若默然載施其行而已按施當作尸即板詩之載尸也（李善注文選引韓詩曰尸衰者頗有所知善惡不言默然不語苟欲得祿而已譬若尸矣蓋算板詩之傳也以彼訂此行當是錄之誤）○鹽鐵取下（鹽鐵當衍說見上）○急於公乎按公乎當作上公前未通篇上公之事兩見蓋三家詩七月云上上入執公功（三家者但三家之一也漢書田千秋傳贊不見次公治何家故無可分析言之）而出於彼也（毛詩正義曰經當云執於宮公本或公在宮上誤耳今定本云執宮功不爲公字然則作正義時毛詩之本頗有涉三家而舛錯者毛作宮功故箋云宮中之事三家作公功則爲公家之事上公者上至公家也非毛傳入爲上之義）張之象本平改事非○上偏下偏者之庸也按庸當作病（以下文例之可知）○稱貸者之急按急下當脫也字（亦以下文例之）○Q據拆之苦也按拆當作括說文稽稂也括稂同字（括之爲稽猶括之爲檜）稽或從米作稽（見集韻類篇）豈括亦或從米與字書未見也凡臣旁之字隸變相承作舌又有作匠者故請而爲后○刑人若刈管芳按芳字當衍華本管芳改革管非○繫之賢良曰文舉（曰字衍見上）○張之象本改此至辭丞相御史入上篇

未按所改最鬱全不可通○竊極郡國按郡當作羣字或作群故譌也此謂通鳥孫大夏等詐見於史記漢書矣○一日遽敵按遽當作遺○（已上第七卷）

絳和或及其俾按拾補云或疑咸非也或有也文學自言尙有及其俾者存於時耳○不痛之何故也按拾補衍何字非也大夫謂數見給爲可痛而以文學不然故作堅問之辭○殺雨暉蚩尤而爲帝按兩暉未詳蓋雨師形近之誤也山海經大荒北經有其事（其文云蚩尤請風伯雨師從大風雨黃帝乃下天女曰嫫母止途殺蚩尤此句接軒轅戰涿鹿之下其爲一時殺之甚明或百家言黃帝者又謂弁殺雨師也殺雨師者猶淮南子本經訓之言堯使羿殺大風高誘注一曰以繳繫矢射殺之是也許慎注大風風伯也風伯雨師者能作風工作用之人非周禮所謂風師雨師鄭注大宗伯云風師箕也雨師畢也可知其不相涉）○諫秦夫禮讓爲國者若江梅華本海改河（拾補作湖又云大典湖似誤河爲湖也）○及李廣利等輕計還馬足按上當云輕計下當云計還馬足中或尙有脫文因誤上計字爲下計字而佚去也輕計輕爲計也計還馬足史記大宛列傳漢書李廣利傳詳之矣○伐功故破走月支氏按支字衍也本作月氏有詎支字於旁者（以支音氏也）後因錯入耳（拾補云徐無或虛筆誤或所據非徐之元刻也凡拾補言徐而不合者準諸此）○西域先帝推讓按讓當作讓○況負重藏兵以求之乎按藏當作藏方言云藏信也莊子藝文藏廣雅云負也（今在釋言作境陸不分析言之耳又釋詁二云適據也即本方言信據同字）藏信藏皆同字○雖本論按雖當作摧○讓者故使人主不遂急按故當作欲○皆微一時之權按微當作微史記匈奴列傳贊云惠其微一時權此語出於彼（索隱曰微工亮反）○縣官既聞如甘水焉史記大宛列傳云天子既好宛馬聞之甘心此語出於彼（亦見漢書李廣利傳）如而同字前後多有之○世務秦秋不與夷狄中國爲禮按秋下當脫之秋二字爲禮二字當衍（此因上脫而下衍）公羊僖二十一年之傳也上文昔宋襄公倍楚而不備信當作信下文爲其無信也首尾一事言宋信而楚無信（張之象本刪夷狄二字拾補添作夷狄與三字皆全失其意）○莫敢受交也按此有誤也交校同字受即交之複衍者（今公羊成元年傳云莫敢當也蓋次公之本有異複衍例詳於下）○增進市側按市當作司（司伺同字也）○則近者哥誼而樂之華本哥改歌○和親往者通關築按築當作市史記匈奴列傳云孝景帝復與匈奴和親通關市又云武帝即位明和親約東厚邊通（此字漢書無）關市鑿給之又云尙樂關市增模財物漢亦尙開關市不絕以中之漢書同可證也關市者交關爲市○（已上第八卷）



士字（此篇所言與史記鄒衍列傳大略相同今本多誤故張之象本皆失其讀此以彼義訂之下同）○天下八十分之一按十下脫一字○而分爲九川按川當作州○絕陵陸不通按陵字當衍（說見上）○史記所謂於是有薄海環之人民禽獸莫能相通者也○而天下際焉按下當作地（以困學紀聞所引證之多已證然則徐依嘉泰本而其本卽王伯厚所見無疑矣）○作怪誤按誤當作迂史記所謂作怪迂之變者也○論舊蓋越人美藏蚌張之象本嘉改藏○弄效以功力按功當作巧謂弄巧而效力也○始經蔓張之象本嘉改藏按所改非也次公稱月令必其明堂月令字如此也言立效始殺而不及於管新不得以他書之廢字改之（謂漢書注及風俗通古今注之類續漢書禮儀志又作劉）又前孝養篇數不足篇皆云廢臘韓子五蠹云廢臘而相遺以水爲其誣之所自出廢者說文云楚俗以二月祭飲食者也（此士庶人之禮也廢在二月臘在冬至後三戌言臘臘者舉終始之辭兩事也或誤認風俗通之言廢臘者爲一事乃改其引楚俗以二月爲十二月非仲遠本然也玉篇廣韻皆云臘冀州八月楚俗二月此必出字林等書然殊失許氏之意許意以楚俗證韓子故臘與臘接出臘二月對臘冬至後三戌也否則舍冀州八月專取楚俗二月乃何差乎又漢書武帝紀太初二年春三月令天下臘五日卽此臘耳而注家皆以經臘說之未爲當也）尤與此絕不相涉彼曰臘此在他書亦必曰經臘（二字連言）說文一曰始殺食新曰經臘（今本始殺作祈穀經作難者誤）凡云一曰者必異義此固許例之可知者（此天子之禮也後漢明帝永平元年六月丁卯初令百官經臘見古今注言初可知武帝紀注之非其八月之廢殆又民間放牧食新而轉更後時正因不得言經臘故亦曰臘以致率領也雖不詳何始但叔重之時未嘗有是則明矣）臘與經臘久莫之辨故附詳於此（風俗通全引說文亦以又曰爲異義仲遠自未必謂經臘卽臘矣然則其誤在晉以來也）○文學曰同四時華本刪日字○（已上第九卷）

刑德說然雖不犯按誠當作誠誠與上文法不必相對○上附下附而服不過五按此當云上殺下殺而服不過五下文當云上附下附而刑不過五今本誤互易之也上殺下殺者五服降殺自己之上己之下也上附下附者附比也所謂上下比罪者也不知者移殺以連刑耳○馳行道中按馳行當作行馳上文馳道兩見如淳注模書充傳曰令乙乘騎（二字今本倒）車馬行馳道中已論者段入車馬被具卽其事也車馬當段入則非其車馬故以舉苛而不止爲監馬下文所言謂吏舞令乙文○韓子曰疾有固（張之象本改固）者按曰字當衍○身幽囚密死於秦秦按身下脫一字未詳秦字不當重（此因上脫而下衍）身（人）幽囚四字爲一句

張之象本改下素爲本屬下非○申韓而民從風按從上當脫不字風字當衍下句而民不可化可字亦當衍○  
周秦雖有慶忌之健按健當作捷(司馬相如諫獵亦云捷言慶忌)詔聖(目幾詔作請)行一卒之令張之象本  
一卒改三章○則機季三刃張之象本季下補難字○故過往之事張之象本往改任○而魯聞言華本聞改聞  
○傷武全肌骨而殿周治按此句當有誤上文云傷武刻肌膚蓋本與彼同也○大論訟者雖張之象本訟上補  
無字○應少伯正之屬按應少未詳史記韓吏列傳楚有殷中杜少(徐廣曰殷一作假漢書作殷)未詳此應  
當彼何字此云伯正下文云昆盧徐毅亦皆與史記自政(漢書作百政)臣盧(漢書同)徐勣(漢書同武  
帝紀字作政毅蓋毅形近之謬也)殷與今無以訂之張之象本乃取漢書注於下名之曰古本幾使讀者誤謂  
其會見鹽鐵論古本此處與漢書正同不亦厚誣乎(凡張之象本所言古本盡皆出於鹽鐵實非世間真有此  
本勿爲所惑可也)○故機疽不得成形華本寔改痊○孔子曰進見而不以能往者非賢士才女也華本不以  
改以不按拾補云大典以不比有誤也當作孔子以因進見(臣氏春秋貴因有其證)而不以能往非賢才也今  
本所誤不可通(此與申韓篇孔子倡以仁義而民不從誤不從作從風者同皆傳鈔時未悉詁聖之意而失之  
也)○孰合有讓華本合改令○道衡靈公圖按圖字誤也未詳(此四句齊景公問靈公桓離皆稱其國語姓  
名爲一例未必如張之象本所祗有匡人圖之在其間也上文大夫言魯齊衛匡陳蔡亦自爲一例文學不言魯  
匡陳蔡大夫不言陽虎桓離皆順其文之便)下脫之字張之象本於此處多一意然之全誤○或之人非人也  
按或字當衍之人者此人也張之象本或上添或字非○膠車備盜兩按脩當作條焦氏易林有膠車駕東與兩  
相逢五聲解鹽之云(大過之蠱鹽之益)蓋當時語故下文云請與諸生解(易於出東漢人手或即取於此)  
雜論異哉吾所聞按漢書載此(在田千秋之傳贊)哉作乎○雍言王道按漢書雅作推(拾補有)○切而不  
按華本極改據漢書無此句○惡然華本惡改惡漢書無此二字○大能自解漢書大作不○若夫羣丞相御史  
按相下當脫史字此書言羣丞相御史御史與漢書言丞相御史兩府之士文不必同此下不言兩府之士漢書上  
不言羣皆順其文之便(凡漢書與此不同蓋孟堅多所潤色矣)拾補以漢書補未是○何足等哉張之象本第  
改選按取漢書也第選同字未必非次公用第立堅用選此類設異皆當兩存之不得偏從也○(已上第十卷)

## 鹽鐵論考證後序

漢書傳贊謂始元鹽鐵當時頗有其論文。至宣帝時。次公推衍增廣條目。著數萬言。成一家之法。今讀其書。所以相詰難者。大抵本羣經諸子而為語。歷世差久。觀者茫昧。不得其解。如毀學篇。昔李斯與包邱子俱事荀卿。包邱子者。淳邱伯也。漢書楚元王交傳。俱受詩於淳邱伯。伯者。孫卿門人也。注。釐虔曰。淳邱伯。秦時儒生。是其證。數不足篇。庶人即草莽索經。索經者。以索為經。鄭注。公食大夫皆卷自末。云未經所終。羣詩外傳。說施。雜言皆云。孔子困於陳蔡之間。序三經之序。是其證。借胡篇。春秋既讀侯之後。謂公羊春秋刺諸侯戍人而後至者。襄五年冬。戊陳。十年戊。鄭虎牢。傳皆云。執戍之。諸侯戍之。易為不言諸侯戍之。難至不可得而序。故言我也。何休五年注云。難至難別。前後至也。又云。乃解怠前後至。故不序。以刺中國之無信。是其證。取下篇。是以有履畝之稅。項鼠之詩作也。履畝項鼠為一事。當出三家詩之序。公羊宣十五年。傳云。稅畝者何。履畝而稅也。又云。什一行而頌聲作矣。正為項鼠詩而言。三家詩公羊皆今文。宜其說之相近。鄭夫論班祿云。履畝稅而項鼠作。是其證。又鄭夫論下云。賦敵重而譚告通。班祿頗而顧父刺。行人乏而歸。歸謂。皆上見序下見詩。今本詩外。或不可說。結和篇。閭里常民。向有最散。最散者。貴賤也。韓非子外儲說左下。博貴。最勝者必殺最。殺最者。是殺所貴也。儒者以為害義。戰國楚策。唐且見秦申君章。夫最基之所以能為者。以散基佐之也。夫一最之不勝五散亦明矣。今君何不為天下最。而令臣等為散乎。是其證。鄭注考工記。有博立最基也。詔聖篇。春秋原罪。甫刑糾獄。糾獄者。哀矜折獄也。乃今文尚書說。大傳曰。稷穀雖得其指。必哀矜之。死者不可復生。絕者不可復續也。書曰。哀矜折獄。故次公與春秋原罪並言。論語片言。可以折獄者。韓文云。魯讀折為制。漢書刑法志曰。書云。伯夷降典。折民惟刑。言制禮以止刑。其說亦本諸大傳。是其證。伏生。次公。及班孟堅。皆讀折為制者。今本大傳作哲。漢書作折非也。此類皆微驗明白。然知之者或寡矣。古餘先生雅好是書。用功甚深。既刻徐積本而附之考證。所以正其謬。理其紛者。皆精心獨詣。刊落常聞。批卻導。不假穿鑿。真有如兒說之解。發給也。開與廣折往復。論援引載籍。旁推交通。多得要領。因非涉字句。為錯者。例不兼著。故致撮取一二附書於末。具如右條。俾學子合而觀之。尚能循端探索。隨其詞以識其意。則西京傳家之言。將昭然復顯。尤先生所亟亟翹望者也。嘉慶丁卯六月元和關廣折。